


Biblioteka
Ojców Kamedulów
w Błeniszewie



HISTORIA
PASSIONIS
CHRISTI
Punctatim,

Animæ deuotæ

Per tres Libros &
Capita exposita.

EDITIO SECUNDA.

Ca. Lubuski

1652

CRACOVIAE,

Apud LVCAM KVPISZ,
S. R. M. Typ. A. 1652.

Bj Bien. B. V. 35



Recogitate eum,
qui talem sustinuit à
peccatoribus aduer-
sùm semetipsum con-
tradictionem, vt nè
fatigemini, animis ve-
stris deficientes.

Epist. ad Hebr.: c. 12.



*P. J. Carré Carmel Evreux
Vigrensis*

(S) (O) (S)

J E S U S.

Infruit Euangeliū, Salutaris Vitæ Semitam
In Ecclesia Summa Veritas Sapientiæ.

Inenarrabili Exultatione Videndi Saluatorem.

Innumeris Electi Sanguine Vnigeniti Saluatur.

Infelix Exul Societatem Volo Sanctorum.

Ignis Et Sulphur Vret Scelestos.

Intelligenda Est Spemendaq; Vanitas Seculi.

Iudiciū Exterminabit, Seuerè, Vulcano, Scan-

Intrinfeca Eccleipsis Sublato Vero Sole. (dale.

In Extremis Sumenda Verecundè Sinaxis,

Inuoca Eheu Suspirio Vulnera Sacra.

Iubilo Extolle, Serenâq; Voce Seruatorem.

M A R I A.

Mater Admirabilis Redemptoris IESU Aue.

Mortem Amaram Remoue In Agone.

Maxima Aduocata Respice infimos Alumnos.

Meritis Altissima Regina Inclita Angelorū

Mirabile Antidotum Renouans Inquinatas

Animas.

Matutina Aurora Radians Incredibili Ardore.

Margarita Artificiose Resplendet Inclusa Auro.

Munitum Afflictorum Refugium Inter Ad-

uersitates.

Misericordiã Attritus Reus Implorãs Agnosco.

Musica Angelica Resonet In Auribus.

Mystica Arca Reclinatoriũq̃, Immaculati Agni

Murus Antemuraleq̃, Resistẽs Ingressui Auerni

I O S E P H.

In Oculis Saluatoris Eminentem Passionem
Habeto, (Humo.

Intentã Oratione Supplex Extensã Procide

Inter Opera Stude Exercere Pietatem Homo.

In Orco Scelesti Extremo Punientur Horrore.

Illicita Offensa Sauciat, Exulceratq̃, Pericu-
losa Hamo,

Infinita Omnipotentia Sanat Excessus Pœni-
tentia Honore. (Hoste.

Immoriar Ouans Superato Egregiã Pugnã

Indica Obsecro Seruator Effluentem Peregri-
nationis Horam.



Interitus Optandus Spiritum Educendo Pla-
cido Halitu.

Intus Omnes Sanctificemur Extincto Prauo
Habitu.

Imprime Osculum Sacrae Effigiei Profundã
Humilitate.

Inuigila Operibus Semper Exhibe Pauperi-
bus Hospitalitatem.

VENI

VENI SANCTE SPIRITVS.

Tua Christe Passio, sit nostra meditatio & compassio.

*Fasciculus Myrrhæ Passionis
CHRISTI, collectus pro anima
redamante.*

CVM non potueris patientissime IESV vberius beneficium inimico generi humano contulisse in excessu benignitatis & charitatis tuæ carmen assumendo; eam pati dira tormenta, crucem, mortem, sepulturam permisisti, vel potius te in ea vt homo ad passionem obtulisti. Quod ergo præmium tanti amoris requiris? quale telonium à natura humana exigis? Non aliud scio nisi gratitudinem, quæ & desiderio tuo respondeat, & nos ad ingrediendum in cœlestem patriam per te inuitet. Compati imperas tibi in

hac vita, & quid iustius? Congaudere æternalitèr in altera promittis, & quid felicius? Pro Passione acerbissima tua, exiguo dolore te imitari iubes, & solatio perenni refundis.

Libentèr & ego mandato tuo ex amore reciproco obtempero, & Passionem tuam viuis representabo affectuum coloribus (in tres libellos diuidendo) cordibus Passionis tuæ mærore transfixis.

Primus ergo libellus ante Passionem facta tua ac dicta percurreret.

Secundus totam Passiõis tuæ proponet historiam.

Tertius, quæ à morte gesta sunt, debili ac fideli notabit calamo.

Tu qui passus es, ad sis conceptui & menti, vt dignè exprimatur tuo iuuamine, quod destinatum est tuo dictamine.

GESTA CHRISTI
ante Passionem.

LIBER PRIMVS.

CAPVT I.

*Hora Passionis à Christo cognita,
Et Matri suæ Mariæ communicata.*

Discessus lugubris vtriusq.



Præsentissime I E S V, Crea-
torem non latet quod crea-
tum est, nec cogitationes
hominum absconditæ: ergo
nec tempus, nec hora Passionis tuæ
tibi ignota, dum ab æterno elegeris,
quo & quâ redemptioni inchoandæ
initium dares: te ipsum motibus cœ-
lestibus subiecisti, & obsequio eorum
paruisti, dicens: Hæc est hora vestra,
& potestas tenebrarum; eritnè hora
otiosa oculorum meorum, & hoc tem-
pus tam aridum, vt fontes lachry-
marum non decurrant, neque gut-
tam emittant humidam, quâ admira-
tionem & dolorem testentur: non fa-
ciam Domine, non: exprimam tan-

*Luc. 22
v. 53.*

*Incentis
Aurhoris*

quam torculari compassionis affectu è
genis meis aquam poenitentem, & si-
mul obtestabor, vt tui imitatione
(non exquirendo curiosè horam, &
tempus discessionis meæ è corporis
sarcina) subdam me voluntati tuæ:
vt quando & quomodo vis, fiat quòd
vis, dùmmodo sit potestas lucis tuæ,
horâ meâ ultimâ vel potiùs tuâ, vt te-
nebræ peccatorum meorum lumine
gratiæ tuæ discutiantur, & obedientiâ
horæ Passionis tuæ ad obedientiam
mandatorum tuorum deducar, & ad
præmium remunerationis, mediante
vulnerum tuorum medicinâ, trans-
porter.

Nec dubito horam & tempus Passi-
onis tuæ communicâsse te *MARIAE*
Matri dilectissimæ, sed tunc afflictis-
simæ, cui vti alia secreta æterna, ita
quoq; te æternùm commiseras, etiam
in dolorosa vita, dolore tibi sociare
decreuisti. Fortè sic alloquendo eam:
Scis, ô mea Mater supra omnes crea-
turas dilecta, me de coelo idè in vte-
rum tuum descendisse, vt perditum
genus humanum ab æterna morte li-
berarem, morte meâ iram Patris pla-
cando: & quia grauiâ delicta mortali-
um cœlum offenderant, ne inferni

*Alloqui-
tur Chri-
stus ma-
tri Ma-
riam.*

cruciatibus addicerentur, ego in meo corpore inaudita vulnera sustinere proposui. Hactenus ergo, ô Mater, tibi subditus fui, & consolabar te in puerili ætate mea, sed admixtus consolationi fuit dolor, cum & in Ægyptum fugâ te & me saluaueras, & in templo me perdideras. Verum eheu, quæ comparatio doloris tui quem patieris, dum acerbissimam mortem meam proprijs videbis oculis, hodie vesperi à Iuda proditore discipulo meo, furentibus tanquam leonibus Iudæis extradar, neq; requiem vllam habebō, vsque ad exitum animæ meæ è corpore. Attamen ne deficias dolore, ô Mater mea, considera voluntatem esse Patris mei, qui in coelis est, cui & ego & tu te conforma. Iam tibi valedico, quarto die ab hinc in gloria post Resurrectionem te reuisurus, plorabis quidem per hos dies, sed tristitia tua vertetur in gaudium.

Quis posset attingere conceptu, quantâ tristitiâ repletum fuit cor MARIÆ, auditis talibus verbis amantissimi Filij sui, tacita prouoluta in terram consensum præbuit, mente voluens illum prædictum à Simeone

*Maria
mestitia.*

*Luc. 2.
v. 15.*

1. Reg.
35. v. 32.

debuerat; sensit primum illius ictum sibi infigi, & desiderasset tunc mortem. Imò pro summo beneficio eam reputasset, diuerso modo ab illo Rege dicendo, & exclamando: *Quare non separas amara mors?* quam iam non dicerem amaram, sed suauem præ anxietate animæ de imminente Passione vnigeniti Filij mei. O quæ lingua discessum vtriusq; lugubrem verbis comprehendere valebit? mæror & fletus erant tunc testes doloris ex separatione amborum, sed neq; nunc defunt descriptores amaritudinis & Filij & Matris.

Incitatur anima ad lachrymas.

Tu anima meâ rumpē cataractas duri cordis, in fluctusq; pœnitentiæ conuertere, tum & Dominum, & Matrem eius, ad terram prostrata roga, quatenus in separatione tui à corpore ita diffluas copiâ lachrymarum, ut mediante dolore illorum in discessu mutuo, congressu felici in gloria Resurrectionis cum illis coniungaris.

CAPVT II.

Iuda pactum cum Iudæis: Vili pretio vendita inestimabilis Margarita.

Patentissime IESV, dolor tuus augetur domestico & familiari tuo, fa-

Et ex discipulo traditore: auaritia &
 amor pecuniæ cæcus, inæstimabilem
 vendit pro triginta aureis vnionem:
 Emptio & venditio horrenda, dete-
 stabilis, cruenta, pro nummo exiguo
 sanguinem purissimum & innocentis-
 simum distrahere. Perditus venditor
 & emptores abominandi: ille pro be-
 neficijs & eruditione, Magistro mor-
 tem mercatur, hi pro miraculis &
 paterna correctione, tormenta re-
 pendunt: infelix discipulus surdâ
 aure non admiserat dictum Creatoris:
Simile est regnum calorum nomini nego-^M
ziatori, quærenti bonas Margaritas, in-
uentâ autem Sñâ pretiosâ Margaritâ,
Vendit omnia quæ habet, & emit agrum
illum: Inuenerat Iudas Margaritam
 pretiosam, nimirum tantum Magi-
 strum, & doctrinam eius: imò ipse erat
 Iudas pretiosa Margarita, cum in nu-
 mero duodecim discipulorum fuisset,
 sed vili pretio vendidit & Dominum,
 & animam propriam.

Ita mi Redemptor in extremo gra-^P
 du pati incepisti, quando à dilecto
 quondam discipulo tuo traditus, ini-^u
 micis tuis in prædam celsisti, non
 continebo lachrymas, animaduertendo
 me peiorem esse Iudâ, quem tanto-
 perè

6
perè iam condemno, ille semel, ego
millieste trado, ille pro pleno mar-
supio, ego pro vacua voluptate, ille
Iudæis vendit, ego tua dona mihi
con. sa Diabolo, ille statim punitus,
ego tam diu impunitus viuo, ille sus-
pen. us, ego misericordiæ tuæ abyssus
à laqueo præseruatus.

*Eius ta-
men po-
nitentia
felacior.*

Verùm si misericordiæ tuæ magni-
tudinem animo reuoluo, recolligo me
& doleo, quòd tuam Maiestatem of-
fenderim: non Iudæ maledictâ poe-
nitentiâ ductus, at spe veniæ erectus,
maior enim tua æquitas meâ iniquita-
te, copiosior tua redemptio, meâ tot
malorum commissione, abundantior
absolutio, meâ iniquatione; non vis
vere Domine mortem peccatoris, qui
me morte tuâ ab æterna morte eri-
puisti.

*Vili su-
spirio e-
mitur
Christus
à pecca-
toribus.*

Vili pretio Iudas te Iudæis addixit,
ego viliori pro me te emam, non vt
te tradam, sed vt me ipsum tibi totum
offeram. Quid vilius & abiectius,
quàm suspiria, & aqua oculorum? hæc
famineæ naturæ imbecilli, illa timi-
do adscribuntur pectori: at tu qui
omne superas pretium, ideo exiguo
lucro venditus es, vt & nos leui obla-
tione poenitentia te emamus; Væ ta-
men

Passionis Christi.

men mihi, qui te toties & emo, iterum vendo, statim enim post penitentiam reuocatur peccatum, post veniam redit culpa.

Quæ autem fuerit causa, cur eò Iudas electus ab ipso DEO deuenerit, & benefactorem inimicis vendiderit? in primis radix auaritia, cùm & Euangelista scripserit *eum habuisse loculos.* & cùm non suffecisset pecunia, cogitauerat de vendendo unguento, quo Christus à Magdalena inunctus fuerat ante passionem: & quidem non manifestè sed quæsito colore, & prætextu iuuandorum pauperum: hac spe frustratus, coactus tandem vendere Dominum suum, quem sciebat esse DEVM, & uidebat sæpius euasisse periculum Iudæorum, cùm capere eum destinassent. Si ergo secum argumentabatur. Impossibile est, ut DEVS possit à Iudæis uinci & occidi, (nam & Petrus & alij discipuli idem putarant) ergo accipiam nummos, ipse uerò euadet manus eorum, cum aliàs & per medium eorum transierit, & absconderit se ab eis: nunc quoq; idem facere potest, & ego memor notæ mihi misericordiæ eius, deprecabor culpam, cuius & veniam obtinebo, quæ certò ab illo mihi ignoscetur.

scetur, & pecuniam possidebo: miser
malè consequentiam intulerat: Nam
& Christus fuit captus à Iudæis & mor-
tuus; & ipse pecuniam oblatam resti-
tuit, veniã indignus iudicatus; patibu-
lum, execrandi sacrilegij sui præmi-
um, potiùs mercatus est.

*Caute
necessa-
rio*

Caue anima, duo quæ in Iuda tibi
proponuntur pro exemplo, ante pec-
catum nimis extollere misericordiam
DEI, post peccatũ desperatè rigorem
iustitiæ Diuinæ timere: ante lapsum
præsumptione laborare, postea in de-
sperationis barathrum incidere, per
hunc aculeum doloris à discipulo Re-
demptori inflictum, supplex ores a-
nima mea, ne in iudicio extremo cum
maledicto Iuda sortiaris partem æter-
næ damnationis, verùm pretioso san-
guine eius redempta, tanquam magni
pretij margarita, in thesauro gloriæ
coelestis colloceris.

CAPVT III.

*Lauat pedes discipulorum Maiestatis
Dominus, etiam Iudæ sacrilegi;
Magna Petri humilitas: sed quanto
sublimior CHRISTI.*

P Arcientissime IESV, ô quàm plenum
charitatis fontem aperuisti, dum
Veteris

Passionis Christi.

Veteris Testamenti peractâ coenâ le-
gali, quâ figura Agni mox verè immo-
landi conclusa, veste depositâ, linteo
te præcinxisti, & ad lauandos non so-
lùm aliorum, sed & maledicti Iudæ pe-
des te inclinâsti. Cohorruit ad ran-
tum humilitatis actum ipsa Petra Ec-
clesiæ à te constituta: quis hinc Ange-
lorum sensus? quæ cœli attoniti exta-
sis? quis ipsius Patris cœlestis intuen-
tis affectus? cordis secreto relinquo
ruminandum: quâ confusione Luci-
fer, & affectæ eius affecti? videntes
Creatorem, ad pedes discipulorum, sa-
cro sancta gentia inclinantem, & bene-
dictas manus demittentem: Ululatus,
indignatio, & fremitus inferni secu-
tus, simulq; inuidia, quâ peccatum
humanæ superbiæ, profundâ humili-
tate DEI incarnati abolebatur, & illo-
rum ambitio absq; spe condonationis
luenda, igni æterno relinquebatur.

Ceremonia hæc sancta cuiuslibet
animæ deuotæ oculis obuiersari debe-
ret, quomodo Petrus detrectet lauari
sibi pedes, cum Salvatore certâdo hu-
militate: quasi diceret; Quis ego sum,
vt mihi sordidos pedes lauari ab ipsa
puritate permittam? sed intellecto re-
sponso, quòd de parte in Regno cœle-

*Lotio pe-
dū Petri
quid de-
signet?*

si possidenda, ab ipso Domino dubitatio iniiceretur, totum se lauare desiderat: at Christus pedes tantum lauare decreuerat, per quos (humilitate armatos) totum mundum conuertere statuerat: fundamentum ergo in lotionem pedum iecerat, & à Petro quidem, ut à primo lapide fidei à se electo, inchoauerat; tum & reliquorum discipulorum, quorum peregrinatione Euangelizando, & peragrando orbem terrarum, superba trophæa diuersorum dogmatum deiicere parabat.

Cur lauauit Christus pedes Iudæi:

Quid autem causæ, quòd & Iudæi proditoris non præterierit Dominus spurcos lauare pedes? At hæc cogitanti, an non interrumpent lachrymæ & scribendi & legendi cursum? facient certè: Auditumné vnquam à sæculo, proditoris pedes à Deo lauatos? Auditumné adhuc magis, humanitate tantâ & humilitate non elotos? Auditumné adhuc magis, lauatos non ad munditiam, imò impulsos ad proditionem? sic exuberat charitas, ubi perfecta: verùm ubi quàm in Deo perfectior, & tamen, quod deplorandum, ignis infernalis, instrumento auaritiæ humanæ accensus, extinxit, vel obruit aquam

it aquam, cœlesti manu mundare fordes cupientem?

Non frustra tamen factum à Saluatore, quòd & Iudæ pedes abluerit: *Causa assignatur.* quinq; potissimû causæ assignari possunt, vel vt Patrem communem bonis & malis ostenderet, iuxta illud: *Plus Deus aquè super bonos atq; super malos, & oriri facit solem super iustos & iniustos,* omniaq; beneficia extrinseca largitur electis, & damnandis. Vel, vt nos instrueret, etiam inimicis benefacere: nouerat Iudam fore proditorè, nihilominùs tamen illum Dominus & à ceremonia lauandorum pedum non exclusit, & ad coenam sacrosanctam adhibuit, & plùs præ cæteris præstitit, vt manum cum Christo simul intingeret in paropside.

Quomodo non erubescis anima, dū de tuis inimicis vindictam sumere cogitas, & Redemptorem tuum, hostem suum tractare, tam humaniter cernis? Vel vt præsumptio omnis è pectoribus humanis tolli possit: quis enim dubitasset non felicem fuisse Iudam, qui ab ipso Christo inter duodecim Apollolos electus fuerat, omnibus secretis præsens adfuerat, miracula patrârat, & postea eò deuenit, vt benefactorem

Cum timore salutis animæ operanda.

1^o. Cor:
10. v.
12.

ctorem suum inimicis proderet: Re-
tè Apostolus admonet: *Qui stat, videat
ut ne cadat.* Stetit Iudas in solio A-
postolatùs, sed tam turpiter cecidit,
vt omnia viscera eius effluerint, &
vsq; ad profundum barathri demersus
sit. Vel vt præ scientiam lapsus Iudæ,
tanquam DEVS, declararet, dixerat di-
scipulis eum se traditurum, & tamen
æqualiter cum alijs eundem & lauit, &
pauit. Licèt non omnes mundos esse
sciret, docere nos voluit, ne prædesti-
nationem DEI temerè indagare præsu-
mamus, cum Dauide reseruando in
succesuram æternitatem tale iudici-
um. Vel vt ad conuersionem proximi
nostri omnem conatum adhibeamus,
etiamsi fructu laboris careamus. Quid
non fecit Christus, vt animam Iudæ lu-
crificeret? verbo, exemplo, opere, vi-
am ad salutem ei demonstrauerat, ad
punctum Passionis, allieere ad sui a-
morem studuerat: frustra omnia facta,
prædominãte stimulo auaritiæ in cor-
de proditoris peruerso. Iudas potius
debuisset exclamãsse cum S. Petro. *Do-
mine, non tantum pedes laua, sed &
manus & caput.* & cum Dauide repe-
tere: *Amplius laua me ab iniquitate
mea.* Non prodest, vt Ætyops laue-
cur

Pro lu-
crandis
proximis
solicite
laboran-
dum.

Ioan. 13.
v. 9.

Psal. 50.

v. 4.

eur; neq; Iudæ profuit, denigrato carbone infernali caractere auaritiæ, & desperationis.

Ergo tu anima mea, in genua tua procidens ante Saluatorem dic: Rogo te, humillime Domine, velis meos lauare pedes meorum affectuum ad salutem, lauasti me lauacro Baptismatis, sed maculæ terribilissimæ actualium peccatorum successerunt; lauasti balneo Sanguinis tui, sed iterum peccata mea inquinauerunt. Fateor me peiorem esse Iudâ, dum te sæpius tradens, & voluptatibus indulgens, abusus sim lotionem pedum & tanti pretij lauacro. Laua tandem aquâ efficacis pœnitentiæ, vt in exitu vitæ meæ munda in conspectu tuo appareat, à quo conquinatum omne eiicitur, ne eiicias me Christe sanguine tuo mediante, & à gratia, & à gloria tua.

Apostrophe ad animam.

CAPVT IV.

Institutio SS. Sacramenti à CHRISTO; nec Iudæ denegata eius sumptio.

Patientissime IESV, verè Aquilæ sublimitate exuberantem charitatem tuam

- tuam describit, recumbens in pectore dilectus tuus Euangelista, illis verbis:
- Ioan. 13. v. 10. Cum dilexisset suos, in finem dilexit eos.*
 Non poterant ex armamentario celesti contra insultus Principis mundi eligi fortiora arma, DEVS qui eligit vt Dei Filij adoptiui essent homines, etiam carnem in Deo existentem ab hominibus manducandam proponere, & sanguinem Diuinum propinare elegit: finis est bonitatis & charitatis Diuinæ in finem æternum collatum beneficium, quod ex finitis & mortalibus, in infinitos & in immortales transmutat,
- Cant. 8. In finem dilectio:* quia mors temporanea successit diligentis, *Fortis & mors dilectio:* comprobata morte breui amantis, imò fortior morte, eximens à morte æterna genus humanum: *Qui manducat hunc panem, viuet in æternum, dura & infernus amulatio:* infernus per os impurum euomuerat:
- Ioan. 6. v. 60. Durus est hic sermo,* noluit intelligere medicinam contra venena spiritualia, nec potuit; vltra Cerberi cerebrum inuentum, anrydotum peccati; contra paradisi vetitum cibum degustatum, nectar ambrosium: Caro & Sanguis offertur Christi. Ante diluuium
- Gen. 6. v. 12. prohibita carnes, Quia omnis caro cor-*

ruperat viam suam: Post diluuium, concessus eius carnis: intrauerant ante aquæ, vsq; ad animas mortalium: tanquam cadauera foetentia, huc & illuc ferebantur impulsu voluptatum. Post diluuium, videlicet, post effusum Sanguinem, & laniatum in cruce Corpus Domini, indultum epulum Carnis Sacrosanctæ. Illa dispensatio diluuialis carniū, minuit vitam & vires: hæc oblatio cibi & potûs CHRISTI, corroborat vitam in æternum, & vires Giganteas Leoninasq; largitur, exhortante D. Chrysostomo. (*Tanquam*

Leones ignem spirantes ab illa mensa recedamus, facti Diabolo terribiles, & caput nostrum mente reuoluentes, & charitatem quam erga nos, ostendit.)

Sanctus
Chrysoft.
hom. 61.
ad pop.
Ant.

Non visum in terris donum, quia non visus in terris vt homo DEVS: nemo absens seipsum reliquit. DEVS vbiq; præsens, vt homo specialiter in Sacramento manducandum Corpus & Sanguinem Testamento deposuit: Hoc ergo admirandum & adorandum, verum & exhorrescendum, cum & tunc dispar fuerit exitus comedentium: bolo suauis sumpto Iudas armatur in Sanguinem Magistri, Petrus confortatus eadem refectione, gladio arcet à Domi-

Domino inuasorem. Cur hæc? Charitas operabatur in Petro defensionem, obstinatio & auaritia in Iuda, impulit eum ad prodicionem. verè dictum illud: *Sumunt boni, sumunt mali, forte tamen inequali* Corpus CHRISTI. Quanta inæqualitas, vnus è manducantibus & è schola Christi, fit fundamentum fidei, danturq; ei simul claues ad cælum aperiendum. Alter ex eadem schola, & ex recumbentibus in cœna, crepuit medius in patibulo, & absq; clauē, aperto ore infernus eum deuorauit.

*Cur Christus
suum Sacramen-
tum corporis
sui
instituit.*

Tu anima, considera bonitatem Saluatoris in instituendo venerabili Sacramento, & quam ob causam hæc Cœna peracta sit? Vel vt necessitatem nobis sumendi Corporis & Sanguinis proprii imponeret: quid enim magis necessarium quàm cibus & potus homini, & quo magis alliciuntur mortales ad recognoscendam beneuolentiam alicuius, quàm pane & vino? ideò sub specie panis & vini Christus proposuit manducandum Corpus & Sanguinem, vt ad frequentem accessum mensæ suæ nos alliceret. Vel vt potentiam suam ostenderet, quòd non tantum vno verbo mundum tam mirabilem

rabilem creârit : sed etiam vno verbo
Sacerdotis , Panem & Vinum in Cor-
pus & Sanguinem veri DEI immutare
posset ; vel , vt ad immortalitatem
consequendam nos accenderet , im-
mortali cibo animam immortalem in
vita mortali pascendo. Vel , vt æter-
nitatem intimaret , cùm eundem pa-
nem cælestem , & vnus , & tot millia
sumant , semper remanente integro
Corpore Christi , vel vt charitatis a-
byssum palàm faceret , se ipso relicto
in pignus amoris generi humano. La-
chrymæ vbi estis ? congregate vos ad
oculos meos : & tu anima procide in
terram , rogans obnixè , vt dilectioni
Domini , amore reciproco , à te re-
spondeatur , vt Caro & Sanguis Chri-
sti , quem sumis , non Iudæ patibulum
in imo terræ , verùm Petri sedem in
Cœlo tibi præparet , vt quem
gustas in terra peregrino sa-
pore , eodem fruaris in
Patria Cœlesti , inæ-
stimabili ardore.

CAPVT V.

*Colloquia CHRISTI post Cenam
cum Discipulis, instar Testamenti.*

Patientissime I E S U. Excluse à
 successione hæreditatis æternæ sce-
 lesto Iudâ, ac post eius discessum, ad
 impiam mercaturam ab avaricia attra-
 cto, distribuis Domine testamento mu-
 nera adoptivis electione tuâ filijs.
 Vna quidem hæreditas, ac summam
 omnium diuitiarum complectens,
 dilectio, quam & discipulus in Coena
 pectori tuo indormiens ad senium
 vsq; proprijs Discipulis commenda-
 bat, obsonia multa allata quæ com-
 mendarent charitatem. suauissimis la-
 bijs distillabas verba amore plena. Ex-
 aot, sumam mihi quinq; ruminanda,
 ad cor meum caritate accendendum.
 Spiritum Sanctum consolatorem à
 te discipulis promittis mittendum.
 Mundi tempora etiam longissima &
 ætates millenas modicum appellas.
 Mansiones multas & diuersas in domo
 Patris tui esse, firmiter asseueras.
 Mundi Principem, nihil in te habere,
 nec in tuos, constanter prædicis. De
 tua glorificatione, quam habuisti in
 coelo, antequàm mundus fieret, enar-
 ras.

O verè Diuinum Testamentum,
 accomodatam & tempori & personæ:
 Spiritus Sancti promissâ missione suc-
 curristi

curristi afflictis Discipulis consolatione futurâ, cum se orphanos breui, te absente, fore cognouerant, præuenisti itaq; eorum moerorem, ne tristitiâ nimîâ, obtui ex hoc mundo abitum consumerentur. Scimus enim quales fuerint ante aduentum Paracliti, & quales post acceptum eundem: non quidem capiebat mens caduca eorum tunc, nam in Passione tua fugâ dilapsi, de tua redemptione desperârant; postquam verò superuenit promissus Spiritus Sanctus, timor versus est in audaciam, ita vt irent gaudentes à conspectu concilij, quòd passione tuâ eos dignos effeceris. Et modicum tunc intellexerunt, esse mundi longissimas ætates, cum varijs tormentis, & tortoribus ipsi sese offerrent, vt è modico hoc abirent, & ad æternitatem aspirarent, infinitisq; alijs persuaserunt, vt modicum hoc relinquerent, & æternitati se manciparent; paruus mundus videbatur illis, non vt Alexandro magno ob ambitionem, sed ob desiderium eum tibi lucrandi.

Quid enim mirabilius, quàm vt duodecim Personæ, non præliando; nec armis militaribus vincendo, sed faciendo & moriendo, idola destrue-

rent, & ad verum Dei cultum totam
 machinam mundi adducerent. Con-
 dimentum fuit ad labores perferendos
 Apostolorum, multitudo mansionum
 in tua residentia cœlesti commendata,
 ne incapacitate loci putarent multos
 fore exclusos, vel illâ comparatione
 fagenæ missæ in mare, existimarent
 esse exigua loca & angustias, quibus
 coarctari electi deberent, agnouerunt
 plurima loca, eaq; infinitæ magnitu-
 dinis dictante Spiritu Sancto, & tuum
 verbum hac in parte de mansionibus
 diuersis in cœlo explicante; vt vnus
 ex Euangelistis viderit turbam electo-
 rum, quam dinumerare nemo poterat,
 ex omnibus gentibus, & nationibus,
 & tribubus, his omnibus speciali-
 a loca assignata sunt à Patre Cœle-
 sti, ante constitutionem mundi. Quo-
 modo non poterant Apostoli mederi
 suæ tristitiæ, cum hæc audirent? For-
 tasse tamen imperfectio & imbecillitas,
 oculos & intellectum eorum ve-
 lauere: quod velamen Spiritus Sanctus
 superueniens sustulerat, vt hunc
 timorem Apostoli excluderent. De
 Principe mundi, incassum venabula
 sua vibrante, edocuisisti Domine:
 abiit ille tristis & confusus in barathrum.

Apo. 7.
 v. 9.

thrūm.

thrum, absq; lucro, potius cum detrimento tot animarum electarum.

Tu enim Christe, dixeras in exordio Passionis tuæ ad Patrem: (*Quos* Ioan. 18.
dedisti mihi, non perdidisti ex eis quem- v. 9.
quam) Contentus sis Sathana solo Iudâ, reliqua ceterua extra tuam potestatem in sinu Saluatoris mansit, manebitq; in æternum. Et hoc est quod subintulisti, Domine, *de claritate tua, quam habuisti ante mundi creationem.*

Apage Ariane, cum tuo temporaneo Deuo: Testamento credo Christi, qui rubicundo sanguinis sui sigillo veritatem consignauit, omnesq; in se credentes ad illam claritatem ab æterno habitam suæ Passionis triumphali gradu perduxit. Hæc consideranti, anima mea, defluant ex oculis plurimæ guttæ poenitentes, demissè agendo gratias Christo, quod tantâ curâ salutem tuam procuraauerit, & loquere ad tuum Redemptorem: Dic Domine, & factum erit, vt idem testamentum audire possim, in abitu ex hoc mundo. Spiritus Sanctus, inter anxietates intrinsecas consolator adsistat: modicum hoc contemnatur, quod quotidie euanescit, mansio, æterna electione tuâ diuinâ

mihī attribuatur: Princeps tenebrarum in agone victus tuis meritis abscedat: Claritate tuæ gratiæ perfusa & illuminata, cruoreq; tuo (licet immunda) mundata, ad illam perueniam claritatem, quam habuisti priusquam mundus fieret, & in æternum habebis.

C A P V T VI.

Recessio Iudæ ad Iudæos: CHRISTI iter ad Hortum, & conuersatio.

Patientissime I E S U. Absolutâ coenâ, & Testamenti Discipulis enucleatione, dixisti: *Surgite eamus hinc*: Iuisti ad hortum, tuæ captiuitati designatum, in quo elegisti, vt initium Passioni tuæ ab æterno præordinatæ dares, neq; Iudæ ipsi locus non cognitus. Ille ergo tum temporis cum Dauide loquendo, habuit *veloces pedes ad effundendum sanguinem*: discurrebat furens, vt acceptâ pecuniâ, verbo iniquo staret: ergò synonyma inter se tripudiant; & similis similibus & nomine, & insaniâ, & malitiâ congaudet. Iudas cum Iudæis instruit contra te aciem, vt quantocius ad effectum, perfidiam & prauam intentionem

Ioan. 14.
v. 31.

Psal. 17.
v. 3.

tionem perducant. Tu verò armatus charitate, quæ tibi vindictam abstulerat, expectabas voluntariè ictum: Turbatus est oculus tuus (cui nihil secretum est) passione crudeli imminente, & stante ante faciem tuam, representabat memoria, recentibus coloribus, plagas & vulnera; intellectus cogitabat enormitatem dolorum & vellicationum; voluntas ad hæc omnia toleranda, amore animarum lucrandarum ferebatur. Hoc illis verbis testatus es Domine: *Tristis est anima mea usque ad mortem.*

Mar. 26.
v. 38.

O quam graue scelus peccatum! Ipsam consolationem, & Deum totius consolationis mœrore ingenti afficit, præsertim eo perseverante ad mortem: nouerat Saluator mœrorem futurum in inferno mortalium infinitum: ideo propria tristitiâ ad mortem satisfecit iustitiæ diuinæ, illamq; auertit, vt ipsemet Discipulis retulit: *Tristitia vestra vertetur in gaudium:* quasi voluisset dixisse: Ego iam contristor, sed mea tristitia, causa erit, vt vos afflictî, consolatione superueniente, obliuisci tribulationum vestrarum possitis: interim tamen, occupauerat pavor corda Discipulorum,

Mar. 14.
v. 34.

1oa. 16.
v. 20.

cùm Magistrum cedere animaduertent. verùm non frustra hæc dicta verba à Salvatore: Hominem verum se esse, hac voce verè confessus est, neq; ficta futura tormenta, neq; in apparenti corpore tolerata, prædixit: confusis Hæreticis, qui talia affingere capitibus suis erroneis conabantur. Deum etiam se esse non negavit, dum futura vt præsentia intuitus, verbera & mortem, & horrorem fragilitati carnis communicavit. O quàm funesta conuersatio! cùm in capacibus discipulis, in via, mortis suæ austerum nuntium adesse propalauit, signumq; mœroris ex vultu sacrosancto & gestu ostendit.

Inter hæc colloquia mutua, horti conspectus adfuit oculis, memoriã subeunte horti Paradisi, à quo primi Parentes eiecti, inobedientiã & præuaricatione instigante, in exilium huiusmodi, & ex hoc mundo ad gehennam destinati; vt iterum non horto, sed cœlo restituerentur, & cum illis omne genus humanum, hætenus perditum, in funestum hortum, Pater, iustitiã instantè, & amore non repugnante, inclusit Salvatorem, in quo, satisfaciendo delicto delicati cibi, contra
man.

mandatum gustati, amarissimum poculum expectabat; vt tanquam medicinæ pharmaco eijceretur noxa pomi comesti, & vt Angelus post delictum primorum Parentum, clauserat portas Paradyfi; ita iam Angelus etiam annuntiaret, post euacuatam porionem à CHRISTO, non tantùm Paradysum, imò totum cœlum apertum fore, nunquamq; ocludendum.

O nimia charitas! quæ dum oculis peccatorum occurrit, ariditate nè lapidescent? De hoc horto loquitur Sponsa aliquoties in Canticis, semel inuitando in persona naturæ humanæ, quasi nolentem. *Apprehendam te, & ducam in domum matris meæ, ibi me docebis, & dabo tibi poculum ex vino condito, & mustum malorum granatorum meorum.* Quæ domus alia Matris Euæ, nisi hortus Paradyfi? itaq; ad similitudinem illius horti, ad hunc inuitat. Docetur à Sponso in eodem horto, & modus orandi, quo Diuinæ voluntati se subiecit: & vigilantia commendatur Discipulis, & mansuetudo, quâ inimicum Iudam benigno responso excepit, innotescit.

Propinatur poculum ex vino condito amaritudine: & quia recens, idèò

mustum vocatur, in Cruce, tum demum antiquum vinum & forte, ebibetur: malorum granatorum, quæ & rubra sunt & amara; ita in horto Sponsus, sudore sanguineo granata rubra & amara, expressit. In alio loco, inuitat

Cant. 5.
v. 1.

Sponsa ad hortum: *Veniat dilectus meus in hortum suum, & comedat fructum pomorum suorum.* Fructus, ex pomo à Parentibus nostris consumpto, sunt peccata; hæc absorpsit voluntariâ in horto resignatione suâ ad Passionem tolerandam. Eadem Sponsa, declarat

Cant. 6.
v. 1.

venisse in hortum Sponsum: *Dilectus meus descendit in hortum, & pascatur in hortis, & lilia colligat.* Collegit CHRISTVS in horto, vel potius seminavit Lilia, ex quo tanta messis Martyrum excreuit. Eheu anima mea, resolvas te in planctum, & si non primorum Parentum, saltem tua desse peccata, quæ Dominum coeli & terræ, in angustum hortum concluderunt, procidens roga, vt tristitiam tuam de peccatis, in gaudium æternæ gloriæ transferre, mediante preciosissimâ suâ morte, Saluator velit.

CAPVT VII.

Derelicti alij Discipuli, tres tantum à Domino in hortum assumpti.

Patientissime IESV, Nihil à te actum est sine insigni mysterio, at occultum nostræ simplicitati manet, possumè te tamen interrogare, ô Domine, cur non omnes, verum tres in hortum, locum traditionis tuæ Iudæis, discipulos tibi associasti? Agnosco me indignum responso tuo, quæ enim communicatio creaturæ abiectissimæ cum Creatore, circa mysterium Redemptionis? Ergò audebo ipse mecum ratiocinari, cum amatorio affectu. Hæret mihi illa tua seuera sententia: *Multis Vocatis, pauci electi.* Fortè paucitas discipulorum, electorum exiguum denotabat numerum, non quidem & alij Discipuli reprobati; similitudo tamen terret, si intueor, & plures Catholicos, & me ipsum licentiosâ lege decurrere scenam vitæ: vel, Domine, paucos incolas prioris infelicis horti imitatus, expectasti serpentem, quem fouisti in sinu tuo, ut te astublandi osculi, non seduceret, sed abduceret, non excluderet, sed edu-

Cur Christus tres tantum discipulos secum in hortum assumpti.

Mat. 22.
v. 14.

ret, non intercluderet moerorem, sed
 augeret mortis dolorem; vel, vt in-
 minima assistentia, resoluendo te, vt
 tradereris Iudæis, comparuisti, vt eò
 magis, voluntati Patris te accomoda-
 res, vt ipse postea in passione Pilato
 respondisti: *Regnum meum non est de*
 Ioa. 18. *hoc mundo: si ex hoc mundo esset Re-*
 v. 36. *gnum meum, ministri mei utiq; decer-*
tarent, vt non traderer Iudæis. Habe-
bas defensores & Angelos, & Discipu-
los: illos prohibuisti, nè auxilium ti-
bi ferrent, hos pauore pereulisti, vt
fugerent.

Quid si, vt in quatuor partes muni-
 di, fructus tuæ passionis dilataretur:
 idè cum tribus Discipulis, tu ipse
 quartus, hortum petijsti? Occasum
 tuâ morte tibi sumpstisti, & verissimè;
 quia & ascendisti in crucem super oc-
 casum, & occidere in passione solem,
 non seruato cursu naturali, fecisti; &
 idola omnia, Ethnicaq; superstitiones,
 tum & ceremonias veteris Testa-
 menti occumbere iussisti. Petro, Se-
 ptemtrio debebatur, frigeat miser
 destitutus calore charitatis, idè cale-
 faciebat se, Boreâ timoris flante, & in
 corpore, & in corde. Cùm enim te
 CHRISTE negâisset, intensum frigus
 sensit;

tensit. Ioannes Orientem, inuentâ ca-
 stimonix & Asiæ mansione, figurabat.
 Nam cum in pectore Redemptoris in
 Coenâ obdormisset, euigilans intelle-
 xit in se ortum specialis gratiæ Diui-
 næ, vnde præ cæteris discipulis magis
 diligebatur, & secreta Coelestia præci-
 pua ei fuerant communicata, & ex
 Discipulo, Filius DEI Matris, voce
 pendentis Domini in Cruce factus,
 quasi denuò renatus, & ortus videba-
 tur. Meridiem Iacobus præsignabat,
 in calidis partibus, doctrinæ CHRISTI
 præco effectus, tantoq; ardore erga
 Dominum spirituali accensus, vt
 primus omnium Apostolorum, san-
 guine proprio obrulerit holocaustum,
 & iam, vbi in vita fidem Catholicam
 seminauerat, feruentissimos fructus E-
 uangelij, vigere mundus agnoscit.

Sed quid hoc, quòd secretum Orati-
 onis tuæ ad Patrem, exiguâ eâq; dor-
 miente assistentiâ, absoluere elegeris?
 Non mirum, id fecisti, quod docuisti,
 clauso ostio cordis, & solo DEO Patre
 teste, precando, vt & nos similiter ad
 te supplicationes nostras attollamus.
 Fortasse etiam tot numero Apostolos,
 ad Transfigurationis tuæ gloriam o-
 stendendam, quot ad ignominiam ca-
 ptiuita-

Mat. 6.
 v. 6.

ptiuitatis tuæ testandam, elegisti; eodemq; adesse voluisti, vt quem DEVM antea nossent, humilitatis saccum induisse, etiam scirent; & vbi antea in monte Thabor, bonitatem DEI prædicabant, & residentiam loci optabant, iam fugâ, solâ abscisâ hostis auriculâ, sibi consulere. Adhuc hac paucâ electione discipulorum, quis scit, an non vocationi nostræ regulam præscribere voluisti Domine, dum hos propius inuitâsti, alios longius abesse permisisti, vt quilibet suâ vocatione contentus, sentiat tuæ passionis meritum. Vt enim vita tua communis omnibus fuerat, participareq; cuiilibet licitum eam considerando, sic & passio omnis generis peccata deleuit, & in quacunq; vocatione ad brauium capeffendum, inuitauit.

An non per hos tres discipulos vicinos tuæ orationi, tres virtutes præcipuas ad promerendum coelum, & DEO appropinquandum eminenter proposuisti: videlicet, fidem in Petro, quem & fundamentalem lapidem post te in tertis designâsti: Spem in Iacobo, qui à dextris, vel sinistris, in regno tuo desiderabat esse, colorâsti: Charitatem in Ioanne depinxisti, quâ,
 recum-

recumbentem in pectore tuo, abundè imbuisti, Hinc Ecclesia recitat illum versum. *Omnipotens sempiterne DEVS, da nobis fides, Spei, & Charitatis augmenta, & Et mereamur assequi quod promittis, fac nos amare quod precipis.* Anima mea, humi succumbens, ora, ut in virtutibus, maximè verò his tribus, proficias, & assequaris quod Passio Christi promittit, nimirum vitam æternam.

CAPVT VIII.

*Oratio Christi ad Patrem breui stylo
Euangelistæ descripta.*

Patientissime IESV. Quis non mireretur, dum sciens voluntatem Patris tui, quæ immutari nunquam potuit, & tua in idem consentiente, tamen ut auferretur calix à te, diligentissimè oràsti, & quidem ter reperisti, quandam immutationem Paternæ voluntatis desiderando? Latet arcanum nobis, nostræq; seruiens vtilitati, præscribendo mortalibus normam precandi, scilicet, ut & nos etiam si imminens flagellum pro excessibus nostris, coelitus conspiciamus, oratione,

*Quare
Christus
calicem
à se au-
ferri ora-
uit.*

tione, lachrymis, poenitentia auertere conemur, si verò nihilominus fulmen illud non recesserit, subeamus, colla subijciamus cum Salvatore no-

stro dicendo: *Fiat voluntas tua Deus, sicut in celo & in terra.* Vel cum alio & Sancto: Ipsa gratissima voluntas tua, sit semper summa consolatio nostra.

Sed cur pro tanta Passione auertenda, tam succincta & brevis Oratio? Fortè dormientibus testibus Discipulis, non tota nota. Ait enim vnus ex Euangelistis, prolixius Christum orasse, vt vt est, breuis quidem illa; at quintam essentiam, & succum petitionis doctrinaeque exprimit. *Pater mi,*

si possibile est, transeat à me calix iste, Seruum tamen non sicut ego volo, sed sicut tu. Ter ore tuo sanctissimo Domine repetisti hæc verba: vel, vt Sanctissimam Trinitatem & tres Personas in vnitate Deitatis, edoceres: ideoque eandem orationem ter iterasti, vt vnum DEVM in tribus Personis esse, nobis aperires: vel, quòd pro hominum triplici genere pati designas, videlicet, quod ante Incarnationem tuam erat, & quod tunc sub tempus Passionis tuæ vivebat, & quod residui erant ad consummationem sæculi.

Omnia

Omnia tria tempora: præterita, præsentia, & futura, Deo Patri præsentando, & passionem, in satisfactionem delictorum diuersorum temporum, offerendo: Vel, denotando tres horas, quibus cruci affixus, viuis, voluntati paternæ obediisti, eamq; ad effectum deduxisti. Mira & imitanda Oratio tua nobis, in omni etiam summa angustia nostra, Patrem Deum vocare, qui paternè immittit correctiones, quibus ei placuerit castigare mortales, hoc tu nos facere docuisti.

Quod sequitur; si fieri potest, vt transiret calix, quid aliud exercuisti, nisi nostras orationes improbando, quibus extorquere à Deo volumus, non quod illi, sed quod nobis placet, qui solus scit melius quid nobis conducatur; imò si vel non statim recedit à nobis afflictio; vel non eo modo, vt nos optamus, succedit; cœlum implemus clamoribus si non blasphemis: vtamur potiùs illo verbo: Si fieri potest, si non fiet, patienter sustineamus; si verò fiet, gratissimus pro beneficio accepto: Vltimò addidisti:

Verùm tamen non quod ego Solo, sed *Mat. 26.*
quod tu. *v. 39.* Ecce summa & regula nostra, considerando Filium Dei, Passi-

onis.

onis tempore, Dei Patris se submissis-
se voluntati, quid nos, & ego maxi-
mè cinis & puluis, facturus sum? De-
beonè refragari voluntati Diuinæ, &
Patri meo clementissimo recalcitra-
re? Si ruminares, anima mea, quoti-
es reiecisti à te voluntatem Diuinam,
& obliuioni dedisti orationem Re-
demptoris? Doleas & dic: feci id
millies, iam sicut tu Domine, dolore
ingenti circumdatus, & lachrymis
vberimis perfusus, hæc verba pro-
tulisti, ita fac vt & ego aquam diffu-
am contritionis, in omni tribulatio-
ne & mœrore, instruar petere, id
quod Deo, non mihi, videtur bonum,
quod iudicio superno, non quod meo
imbecilli, prodest animæ.

Audebo tamen plorans, similitu-
dine tuæ orationis, interpellare Pa-
trem illum coelestem: Pater mi, si
possibile est, transfer à me calicem
perpetuæ damnationis, & calicem fu-
roris tui, qui est in manu tua, & quem
bibent omnes peccatores terræ in
æternum, transfer à me lugubre can-
ticum, Væ, væ, quo à tua gratia in-
æuam separati, horribili voce vlu-
labunt: verùm tamen non sicut ego
volo, sed sicut tu: scio autem tuam
volun.

voluntatem, quòd non vis mortem peccatoris, sed vt conuertatur & viuat, Magistrum meum te esse agnosco, & in schola tua erudiri cupio, maximè, vt orationis tuæ modum, & tenorem retineam, nihil vnquam, neq; orando, nec operando admittam, quod Maiestatem tuam offendere possit: verùm eheu quoties illud mihi seruit, quòd te tantùm labijs honorem, cor meum autem à te longè sit, ante conspectum tuum verbis me sisto, cogitationibus per mundum discuro, & & quòd maius, peccatis me occupo. Humiliter itaq; peto, per meritum orationis & Passionis tuæ, da mihi, Redemptor, vt hic & orem, & viuam, toto tibi deuinctus amoris & gratitudinis affectu, quatenus in altera vita, in illa felicitate æterna viuam, defixus in glorioso tui aspectu.

*Mat. 15.
v. 18.*

CAPVT IX.

*Inauditus Christi sanguineus sudor,
Angelo confortante præsentè.*

PAtientissime IESV, Plena quidem stupore Oratio tua, in præcedenti capite dicta fuerat, at excedit capium humanum, monstruosus & inauditus sanguis

sanguineus in Oracione sudor tuus, rapitur admiratione recogitans incensum amore cor, tale Passionis miraculum. Verba tua CHRISTE verè vera fuerant in Coena coram discipulis prolata: *Desiderio desideravi manducare hoc Pascha & vobiscum, antequam patiar.* Quid est desiderio desiderare, nisi præuenire Passione Passionem? id tu fecisti, cum desiderio Passionis præuenisti intrinseco dolore, omnia tua subsequutura vulnera: sicut enim anima præest corpori, ita & tu sanguineo sudore, cruciatus animæ tuæ, antequam Corpus tuum sacrosanctum exponeret tormentis, quales debuerunt subsequi, ostendisti, ac forti, recentique imaginatione, guttas sanguineas ad terram vsque decurrentes, expressisti.

Auditumné hoc à sæculo, sudâsse aliquem sanguine? Non. In tuo solo Corpore hoc apparuit, qui & crudeli tuâ Passione, ante Passionem illud colorâsti, & anxietatem animi, emisso è corpore cruore, manifestâsti: nemo vnquam mortalium tanta passus: nemo ad oculum tormenta imminencia, tam euidenter sibi proposuit toleranda, ideo nemo tanto exteriori signo dolo-

dolorem ostendit. Si licebit tamen causam tanti amoris inuestigare, quis scit? annon fuerit paucitas saluandorum, cum non per totum hortum, at exiguam partem conspersam cruore tuo videam. Ah Domine, timor & tremor occupat ossa nostra, dum copiosa recolitur memoria tam diræ tuæ afflictionis, & tamen tot animæ pereunt? Tu anima mea, compatiaris tanto dolori Christi, non sis cor lapideum, vel adamantinum: emolliat, & liquefaciat te Dominus in agonia positus, qui mala multa, indignissimaq; tormenta præsentens, moerore ingenti, fluctuq; curarum obrutus, ad imminencia sibi funera immanissima, prouolutus in terram, sudore sanguineo, non solum corpus irrigauit proprium, verum & puluerem, riuis abundè defluentibus, purpurauit. Quare hoc? vt tuas terribilissimas nimirum maculas elueret, vt pauorem tuum excluderet, vt te perditum, & desperatum, & obrutum, & à cælo separatum, iterum reciperet, in gratia stabiliret, atque erigeret. O bonitas inexhausta! ô misericordia conceptu non assequenda.

In tali angustia interna Christo manenti, apparuit Angelus, illum con-

Luc. 22.

fortans *v. 43.*

fortans quidem, sed cum calice. In-
 digebasne tu Deus totius consolatio-
 nis confortatione, ad cuius nutum o-
 mnes Angeli tremunt, & micam con-
 solationis expectant? Quid est, quòd
 à creatura tua consolationem tibi af-
 ferri voluisti, & simul horrendum ca-
 licem in manu eius conspexisti. Ideò
 fortè admisisti Angelum, vt te non fi-
 ctè afflictum probares, vt te verum ho-
 minem esse, & cælum, & terra com-
 probaret, vt verè passum te mundus
 agnosceret, propterea confortatio illa
 cum calice adfuit, qui plenus à Patre
 missus, mixtâ acerbitate, tibi propi-
 nabatur, & porrigebatur. Tu ergo e-
 bibisti totum plenè pro salute nostra,
 ita vt nihil nobis relinqueres, nisi exi-
 guas reliquias doloris. Quid enim nos
 patimur pro proprijs delictis, respectu
 tuæ Passionis pro alienis? Ebibisti to-
 tam amaritudinem, vt nobis concilia-
 res, integram, & perennem dulcedi-
 nem. Exhaustisti poculum moeroris,
 vt nos coelesti ambrosiâ potares: non
 reiecisti calicem dolorum, vt nos ad
 mensam lætitiæ æternæ collocares:
 Propinas quidem nobis calices angu-
 stiarum, sed quàm exigui, & quàm
 citò auferuntur à nobis, & præmij
 loco,

Cur ad-
 fuit An-
 gelus
 Christum
 confor-
 tans.

loco, si ebibimus, hilari vultu æternam mercedem promittis, & donas.

Procede ergo anima mea ad terram, coram Divina Maiestate supplicans, ut quotiescunque sanguineus sudor Christi, polluens tellurem, tibi in mentem veniet, (utinam autem quàm sæpissimè veniret) perfundas & tu terram tuam copioso imbri lachrymarum, dicendo ad cruci affixum: Rogo te Christe per agoniam, & confortationem ab Angelo, da mihi, ne amplius timeam timorem illum nocturnum, cum exacto cursu diurno vitæ meæ, nox mortis aderit, baiula malorum, quæ meis demerui peccatis: fac, ut Angelus aliquis bonus, tunc in agone decertanti, pius consolator adhsit, cum derelictus à sensibus, in illa hora tremenda, mortua lingua se nequibit mouere ad inuocandum te, neque oculi mei lucem capere poterunt, auresque nulli voci patescunt, tum missus nuntius à te, guttam saluifici sudoris tui, mihi moribundo instillet, desperationis foueam remoueat, calicem poenarum inferni auferat, & genimine coelestis scaturiginis, inebriatum roboret ad vitam æternam, per mortem transitoriam, capeffendam, sanguine:

tuo mediante, cui & tunc, & nunc
grates summas rependo.

C A P V T X.

*Somnus Apostolorum præ tristi-
tia, & ad vigilandum CHRIS-
TI admonitio.*

Patientissime I E S U. Mirabilia tua
facta, & sanguineus sudor, ante-
quam proderis inimicis, non exci-
tarent Discipulos dormientes, necesse
fuit, vt tu ipse Domine, qualibet ora-
tione absolutâ, ter eos excitares. Præ-
dixeras illis traditionem ab vno ex di-
scipulis, angorem animi, & in cœna, &
post cœnam, sermone tuo longo pate-
fecisti, de morte iam iam imminente
tua, præmonuisti, & tamen nihil eo-
rum, eos ad vigilantiam commouit:
Luc. 22. sic enim loquitur Euangelista. *Cum*
2. 45. *surrexisset ab oratione, & uenisset ad
Discipulos suos, inuenit eos dormientes
præ tristitia, & ait illis: quid dormi-
tis? surgite, orate, ne intretis in ten-
tationem. Qualis iste somnus præ tri-
stitia, quæ aliàs somnum excludit?
Nam commotio animi impedire solet
quietem. O magna benignitas tua, &
summa ingratitude humana: nonne
te moe-*

te moestum vsque ad mortem publicasti? nonne proditorem venturum indicasti? nonne vale vltimum illis dixisti? tamen somnus occupauit membra, & tristitia causa fuit tantæ debilitatis. Compassio tua Christe, declarauit originem soporis, dum eos alloquendo, grauedini corporis, non spiritui adscriberes, dicens: *Spiritus quidem promptus est, caro autem infirma.* Mat. 26
V. 42.

Quæ sententia non solis Apostolis conuenit, rectius nobis, & tibi præcipue anima mea, apud quam & spiritus infirmus, debilisque; quanto magis caro?

Dominus visitando discipulos, ter verbum illud, *Vigilate*, mentibus illorum imprimere voluit, innuendo fortassis, omni tempore necessariam esse vigilantiam, & omni ætate custodiendam, nec adolescentia careat vigilantia, nec adulta ætas cesset à vigilantia, nec senectus obliuiscatur vigilantia. Nec tantum dormientibus Discipulis, præcepit vigilantiam Christus, sed & ante vigilantibus: *Vigilate ergo*, nescitis enim quando Dominus domus veniet, serò, an mediæ nocte, an galli cantu, an mane? ne cum venerit repente, inueniat vos dormientes: quod autem vobis dico, omnibus dico: *Vigilate.*

Qua-

Quatuor tempora assignat vigilantia, serò, vt in decrepita ætate, & mundo declinante ad corruptionem, vigilemus. Mediâ nocte, vt inter tot hæreses, & scandala, tentationesque varias positi, vigilemus. In galli cantu, quando omnia ad nutum, & prospera accidunt, vigilemus. Mane, in florida ætate, in summo gradu sanitatis constituti, vigilemus. Nihilque expressius addit Dominus, ne fortè solis Discipulis dictum videretur. *Omnibus dico.*

Mar. 13.

Vr 37.

Vigilate. Remedia contra dormitionem, quâ intratur in tentationem, tanquam duo scuta assumenda edocuit, nimirum vigilantiam, & orationem. Suntque hæc duo ita coniuncta, vt neque oratio sine vigilantia, neque vigilantia sine oratione, emphasim apud cælum habeat: immò non tantùm vigilantia corporis, verùm mentis & intellectus necessariò adhibenda. Inspice tuam vigilantiam & orationem, anima mea, quia nec vigilas vt decet, nec oras vt debes: nam si vigilas, in opere Dei deprimeris, & somno pigritiæ opprimite leuiter finis. Si oras, quales tuæ preces, vel vagabundæ, vel labiorum motione tantùm notandæ, vel quod maius & peius, peccatorum cogitationibus.

nibus impeditæ, vt prorsus iuxta Prophetam. *Oratio tua fiat in peccatum.* Quales tuæ vigilæ! non citius declines ad somnum, quàm in ipsa oratione, & vigilantia vnus horæ, in seruitio Diuino totius diei tempus imaginari, & è contra.

Confusa ergo anima mea, doctrinâ Christi, gemens implora gratiam eius, vt tandem tibi sedulam vigilantiam, & ardentem orationem donet, dicendo: Eac me Domine vigilare, cùm tu vigilas pro nobis: excita me à somno desiderii, sicut tuos discipulos, exprobrauit Simoni: *Sic non potuisti vnâ horâ vigilare mecum?* & ego vix momento vigilare possum ad mandata tua: suppleat ergo misericordia, nec permittas me sopore illorum grauari, qui nihil inuenerunt in manibus suis, auerte à me somnum; ne tum dormiam, quando Iudas infernalis veniendo me ex horto corporis mei desperatione eripere conabitur, immò excita torpentem; & exemplo tuo ad vigilantiam, & corpus, & spiritum dispone, immisso vt in Apostolos Spiritu sancto, quo superueniente, caro infirmitate caruit, & spiritus suam promptitudinem carni debili communicauit. Promeruerat

tua Passio Christe, aduentum Spiritus sancti in eos: vnde repente corda eorum velocia, ad decurrendam viam mandatorum tuorum, exiterunt. Eadem Passionis tue efficacia, vti nam & spiritus meus, Spiritu tuo sancto cooperante, & socium corpus, videlicet, alacritate spirituali induat, vigilantemque, ac orantem, assidue reddat, tandem etiam vterque tue mortis pretio, ibi post mortem compareat, vbi perpetua vigilia, nullo somno interruptetur, nec oratio laudum tuarum decantatrix, vlla lassitudine conquiescet.

C A P V T X I.

*Vigilantia Iuda, & strepitu
plenus ingressus eius in
hortum.*

*Matt. 13.
v. 33.*

Patientissime I E S V. Tua admonitio non fuit tam efficax, vt dormientes discipuli vigilarent, & diabolus, Iudæ mancipio suo illam vigiliantiam insufflauit, vt non gustato somno, te vendere in somnis voluerit. Comparasti tu Regnum cœlorum fermento, habet & Orcus singulare quoque fermentum: tu tuo fermento, non adeo

Disci-

Discipulos oppleuisti, inimicus animæ effudit totum fermentum in proditorum, & successit ad mentem. Fermentum hoc fuerat vigilantia, est enim viâ quædam ad cælum, est & ad infernum: acrius ergo fuerat diabolicum fermentum, viâ enim latâ celeriter descendit Iudas in gehennam: tuo fermento tati Discipuli, vix tandem post negationem, & dispersionem à te, proprio sanguine effuso, iter coeleste inueniunt.

Inde canit lugubri tono Ecclesia, recolendo circuitum annum tuæ Passionis, in persona tua, ad Discipulos: *Vnâ horâ non potuisti vigilare Mat. 14. mecum*; qui exhortabamini mori pro me. Vel Iudam non videtis, quomodo non dormit, sed festinat tradere me Iudæis. Incusabimus fortè Iudam, quòd eo tempore non dederit se quieti, (felicissimum enim somnum quilibet appellare potuisset) & voce, & affectu execrabimur illius vigilantia, & tamen (proh dolor) Iudam imitatur, dum choræis, dissolutionibus, occasionibus peccandi, ita inuigilamus, vt noctes integras sine somno decurramus. Ad orandum autem, si semel, aut bis in anno surgamus dilu-

*Vigilantia Iudæ
& somni
Discipulorum
quid portende-
bant.*

culò, vt laudibus nomini tuo dedica-
tis assistamus, quàm oscitantes, pigri,
desides comparemus? Quis scit an non
mysterio vigilantis Iudæ, & somni Di-
scipulorum figurâ, Ecclesiam tuam
adumbraueris, Domine? cuius Pasto-
ribus, ac Rectoribus sæcularibus, &
spiritualibus, sopore negligentiz op-
pressis, vigilabant sectarum diuersa-
rum intentores, in magna, quæ lege-
tem excreuerunt; non enumerando
vigilantiam antiquorum Hæresiarcha-
rum, somnosque veterum Pastorum.
Ecce recens Lutherana, & Calviniana
peruersa doctrina, conspurcauit Ec-
clesiam, illis qui euellere tempestiue
debuerant, ingrata semina, vel permit-
tentibus, vel non resistentibus. Et in
nostra Polonia, hæreses eâdem somno-
lentiâ Catholicorû, propagatæ (quod
dolendum) sunt. Machiaulli inter-
pretatione instar Euangelij allegata, li-
bertate vesanâ id prælegente: Ob bo-
num pacis. O verè filij tenebrarum
prudentiores filijs lucis? vtinam tan-
dem è somno excitentur Præpositi
Ecclesiarum, vt tam vigilantes reperirentur
ad curam, quàm alacres currunt
ad Cathedram. Sed & tu anima mea,
vigila, neque in hortum cordis tui per-
mittas

mittas intrare vigilantem Iudam proditorem tuum, ad minimam tentationem non succumbas signo, & somno consensûs, verum nitaris vigilantia repulsa.

Ita Christe, tuis dormitione in horto detentis, furia infernalis Dux Iudas, & cetera illa militum, insolentia delectorum, irruit in locum tuæ orationis, & strepitu ingenti implevit aërem, & hortum, ipsis spiritibus malignis clamorem & fremitum, ut cooperatoribus, timor & tremor excusserat Discipulis somnum, & pallantes dispersit. Audiebantur ululatus varij, strepebant catenæ ferreae, ligna & fustes concrepabant, omnia funesta arma in te vnum collimabant. Antesignanus Iudas præibat cohorti sanguinea, teque vnum petebat, ut tandem perfidiae suæ satisfaceret, & te in manus inimicorum traderet.

Considera, anima, illum strepitum in horto, ad quem & cælum, & terra contremuit. Et humillimè supplica, per illum horrorem, & impetum aduersariorum Saluatoris, ne in vltima hora exitus tui, tuba illa terribilis, dormientem te reperiat, & spiritus tuus recollectione peccatorum admis-

forum conturbatus, in egressu tuo ex horto corporis, malorum spirituum irruptionem, & timorem expauescat. Iam rumina sæpius, & illum ingressum Iudæorum in hortum Domini, & tuum egressum è sarcina mortali. Propter te illa irruptio in Christum facta, ne te ille leo, qui rugiens circuit, deuoret. Assiduò vigila, recogitando intellectu formidinem futuram in agone, id si feceris, concedet tibi Redemptor somnum spirituales, vt absorpta in illo, & Passionis eius amaritudine immersa, obliuiscaris sensuum, & carnalium omnium appetituum, ac suauissimo compassionis liquore, in soporem suauissimum resoluta, omnem carnis, & mundi delectationem, fæditatemq; reijcias. Roga vultu demisso Dominum, vt merito captiuitatis eius, vinculis peccati soluta, in libertate perenni, ab illa collocata, in æternum læteris.

C A P V T XII.

CHRISTI Prolocutio, Ego sum: & Iuda, Iudæorumque supina recessio.

Patientissime IESU. Certè omnia
 tua facta in admirationem rapere
 possunt vniuscuiusque cor, vt & tua
 dispositio (antequam Iudæi exple-
 rent odium) contra te profundè ani-
 mo immittenda: Primò enim ante-
 quam capereris, timebas, tristitiamq;
 cordis non celabas. Iam vtrò proce-
 dis, excipis eos, & alloqueris: ita e-
 nim sublimis aquila de te. IESUS *Ioan. 18.*
v. 4.
istaque sciens omnia, qua ventura e-
rant super eum, processit, & dixit eis:
Quem queritis? Ecce quasi admones,
 & corripis latrones ad te venientes, &
 quale facinus committere meditaban-
 tur, prauo affectu expedirent, male-
 uoloque effectū, innuere voluisti,
 queritis me Iudæi? Ecce sum: Sed
 simul sum & Deus & Homo. Vtrum-
 que executus es potestate, etiam inter
 ipsam resignationem ad humilitatem,
 & captionem tuam reseruatā, prius ta-
 men voluisti, vt dicerent, & ore pro-
 prio confiteri possent, quisnam tu fu-
 eris? ad responsum illorum, esse te Ie-
 sum Nazarenum, quem quærebant,
 solumque hominem imaginabantur,
 vnico verbo: *Ego sum*; deiecisti eos
 in terram, & omnipotentiam Maiestatis
 tuæ etiam velatā, abire retrorsum cōe-
 gisti:

Vox Chri-
sti, Ego
sū omni-
potens.

Ioan. 18.
v. 5.

gisti: Iterum ergo interrogas illos, an eundem quærent, quem ex tanta potentia Deum agnoscere potuissent, at in profundis ignorantia tenebris occupatis cordibus, frustra erat etiam miraculo resipiscentiam ingerere: nam tua voluntas, quâ te pro nobis obtulisti, obcoæcauerat, mediante inferno, mentes Iudæorum, & Coryphæi Iudæ.

Ergo primò, *Ego sum*, ostendisti te Deum verum, & à conspectu tuo, tanquam peccatores indignos vultu tuo repulisti; secundò, *Ego sum*, declarasti te, & hominem esse, & non tantum non retrò cadere lictores fecisti, verum & capi te voluntariè permisisti. Priusquam mortalitas tua texisset Deitatem, quanta energia verbi tui, *Ego sum*, fuerat. Moyses etiam locum pedibus tangere prohibitus, vnde illa vox audita, *Ego sum*, fuerat: Postquam verò Verbum Caro factum est, statim cum de Abrahamo dixisses: *Antequam Abraham fieret, Ego sum*: vix non à lapidibus obrutus, subducere te de templo, coactus es, nunc verò dicto eodem verbo, *Ego sum*, horâ & tempore designato, & capi, & crucifigi voluisti, in domo Annæ dicendo. *Ego palam locu-*

Ioan. 1.

v. 14.

Ioan. 8.

v. 58.

Ego sum. Ita contemptum hoc tuum verbum, *Ego*, vt alapa ferrea despexerit illud. Veniet tempus quo dices: *Ego sum*: in Iudicio extremo, arescent homines præ timore, ipsique Angeli & Sancti contremiscent.

Sed cur iam & Deus, & homo dicendo, *Ego sum*, tam facilem te ad capiendum præbuiſti, & in iudicio talis Deus & homo licet eris, tamen, *Ego sum*, proferendo, difficilem te exhibebis ad ignoscendum? Non alia causa, nisi quod iam misericordiam, & amorem, tuam Passione manifestasti, ibi autem iusticiam, & timorem mundo patefacies. O quali fonte lachrymarum indigerent oculi, anima mea, dum Deum omnipotentem, infinitis offensis sceleribus, licet scias omni loco, omni tempore, omni occasione, illum præsentem adesse, tibi que in aurem insurrare, *Ego sum*. Tu verò abijcis te retrorsum ad terrena, & non permanentia, longè que à Deo recedis. Iterum te sæpius interrogat: Quem quæris, misera anima? Nonne scis omnia esse vt stercora, caduca, in ictu oculi transeuntia? *Ego sum*, qui sum, ego te creavi, redemi, & extensis brachijs expecto te; Veni ad me amica mea, hinc re-

quiesce sub umbra alarum mearum,
 Et tu repellis tales inspirationes, ani-
 ma, & desideria, siliquis vt porcus, vt
 subulcus in longinqua, & aliena terra,
 maus pasci, quam in domo Patris, &
 benefactoris tui manere, vbi abundan-
 tia panis, & pacis. Ad quodcunque o-
 pus tuum, quo te occupari destinās,
 seruiat tibi pro excitatorio illud ver-
 bum Dominicum: *Ego sum*: Etiam si
 enim vbi que sit Deus, tamen in hac vi-
 ta leniter præsentiā suam adesse sen-
 tiunt homines, adstat quasi dissimulans
 peccata mortalium, nec agnoscitur,
 nisi per flagellum immissum, poten-
 tia, & præsentiā eius. Vti Antiochus
 qui cū sensisset manū Altissimi,
 exclamauit: *missum est, subditum esse*
Deo, & mortalem non paria Deo sen-
 tire: & Herodes, cū a vermibus vi-
 uis consumeretur, factus est præsentiā
 Dei adfuisse, at vlticem.

Per dolores Christi, anima mea, de-
 missē ora, dicendo: Redemptor mi,
 adsisitas mihi in agone extremo, pater-
 no affectu, vt merear audire vocem
 tuam. *Ego sum Pater tuum, & Pater*
misericors. Et ego respondeam: Ego
 Filius tuus, quamuis indignus, & im-
 morigerus fuerim, expecto donec hæ-
 redi-

reditatis tuæ me participem reddas,
non meis peccatis debitam, sed tua in-
exhaustâ charitate, mihi promeritam.

C A P V T XIII.

*Osculi signo à Iuda completa
traditio Christi, & eius a-
mica responsio.*

Patientissime I. E. S. V. Benignitas tua
non tantùm eleuauit ad terram al-
lissos Iudæos, sed & ad te capiendum
manus soluit, & traditori Iudæ, oscu-
lum non declinauit. O quanto hor-
rore iunctis lachrymis, anima Catho-
lica corripitur debet, considerando illud
abominabile osculum? Vnde tessera
proditionis, osculum, cuius inuen-
tum, vt falsa amicitia osculi specie in-
venenum transformaretur inimicitia?
In vltima cæna, vt supra dictum est,
sumpto indignè pane, & cibo cœlesti
Iudas, post buccellam porrectam à
Christo, intrauit in eum Sathanas: iste
Magister, inuentorque signi huius pe-
stiferi, iam enim obsessus, & possessus
à Dæmone, quid aliud, quàm illius
cantilenam canere debuit, pacto se o-
bligando, Iudæis dicens: *Quemcunq;*
osculatus fuero, ipse est, tenete eum, &

Mar. 26.

v. 49.

ducite cautè. Quàm circumspècta, & artificiosa admonitio, nec immeritò, modus, ac circumstantia describitur proditionis per os Iudæ, ex instinctu Doctoris malitiæ.

Iuda osculum, in alapa Christo grauior?

Possemné te Domine interrogare, quid te magis indignè affecerit, an osculum Iudæ, an subsequens scelerata illa alapa in domo Pontificis? Vtrumque in gradu supremo execrandum, ignoro tamen, quid leuiùs ex his duobus? in alapa dolor acer, in osculo summus fætor! ibi generalis confusio, hîc inaudita ingratitude: ibi adulatio ignominiosa, hîc duplicitas cordis criminosa: ibi sanguineus tumor faciei, hîc insolita conturbatio, & commotio viscerum: ibi interrogatio fallax, hîc vulpina Magistri appellatio: ibi responsum Christi reprehensiuum, hîc ad reductionem amicitia Verbum affabile. Si viri Sancti multi hoc dono à Deo donati fuère, vt ex halitu solo, peccatores & ingratos superis, agnoscerete potuerint, veluti de S. Policarpo legitur, cùm ei fortuitò obuiam venisset Martion Hæresiarcha, & diceret: Cognoscis nos? Respondit: *Cognosce primogenitum Diaboli.* Et S. Antonius Abbas, ab Hæreticorum, & Schismaticorum.

CORUM.

corum hominum, maximè Ariatorum congressu, & colloquio sic abhorrebat, vt ne propè quidem ad eos accedendum diceret, & alijs plurimis Sanctis id euenit, ex odore malo, & ore sordido prodiderunt reprobi à Deo, immunditiam intùs latentem.

Quid putas, anima mea, Christum pertulisse, dum os spurcum leprà infernali, & tabe proditionis infectum, sacrosanctis labijs, & odorem suauissimum redolentibus, applicare mansuetudine summà permiserit? Narrat Regius Psaltes de peccatoribus.

Sepulchrum patens est gurgur eorum. Apertissimè conueniebat ori Iudæ: quòd sepulchrum factoris grauitatem, maledictionemque gehennalem spirabat. Et tamen quàm humana responsio Domini.

Amice, ad quid uenisti? & Iuda, osculo filium hominis tradis. Ac si dixisset: Video te, & amicum, & clientem meum, quem enutriui, uenisse, & quidem cum osculo, quis aliud, nisi amorem, & beneuolentiam sperasset? Et tu instrumentum charitatis mutas, in acutum ferrum traditionis? uenisti, vt me signo osculi ad supplicia inimicis extraderes: verè meliora sunt uulnera amanti, quàm oscula blandienti.

Psal. 5.

vers. 11.

et Psal.

13. v. 30.

Matth.

26. v. 50.

Amice, ad quid uenisti? & Iuda,

osculo filium hominis tradis. Ac si dixisset: Video te, & amicum, & clientem meum, quem enutriui, uenisse, & quidem cum osculo, quis aliud, nisi amorem, & beneuolentiam sperasset? Et tu instrumentum charitatis mutas, in acutum ferrum traditionis? uenisti, vt me signo osculi ad supplicia inimicis extraderes: verè meliora sunt uulnera amanti, quàm oscula blandienti.

Amice, ad quid uenisti? & Iuda,

osculo filium hominis tradis. Ac si dixisset: Video te, & amicum, & clientem meum, quem enutriui, uenisse, & quidem cum osculo, quis aliud, nisi amorem, & beneuolentiam sperasset? Et tu instrumentum charitatis mutas, in acutum ferrum traditionis? uenisti, vt me signo osculi ad supplicia inimicis extraderes: verè meliora sunt uulnera amanti, quàm oscula blandienti.

Amice, ad quid uenisti? & Iuda,

osculo filium hominis tradis. Ac si dixisset: Video te, & amicum, & clientem meum, quem enutriui, uenisse, & quidem cum osculo, quis aliud, nisi amorem, & beneuolentiam sperasset? Et tu instrumentum charitatis mutas, in acutum ferrum traditionis? uenisti, vt me signo osculi ad supplicia inimicis extraderes: verè meliora sunt uulnera amanti, quàm oscula blandienti.

Amice, ad quid uenisti? & Iuda,

Matr. 6.
b. 37.

Præmeruiné ego hoc, qui cùm fuerim doctor veritatis, & synceritatis, edocui te, & alios: *Sic sermo vester, est, est, non, non;* neque aliter instruere poteram, cùm sim Filius hominis, & filius Dei, quem tu nosti, tu verò aliter interpretaris meam doctrinam, & instructionem? Rabbi me quidem vocas, osculo verò, velut lanceâ prodicionis transuerberas cor.

2. Reg.
20. v. 9.

Non profuit obstinatæ menti vltima correctio, ibat in prauis adinventionibus suis Iudas. Figurabat mundum, qui amantes sui osculo voluptatum, deliciarum, ac variarum illecebrarum osculatur, vt deserat; blanditur vt occidat; verè impletur in mundo illud: *Pax non Pax:* sæpissimè sub specie amicitia, maximæ insidia metuendæ. Infinita huius rei exempla, tantùm ex antiquis vnum de Ioab, proponatur: qui cùm Amasam vidisset, dixit: *Saluus frater,* & tenuit manu dextrâ mentum Amasæ, quasi osculans eum, porrò Amasa non obseruauit gladium, quem habebat Ioab, qui percussit eum in latere, & effudit intestina eius in terram, nec secundùm vulnus apposuit, & mortuus est. Ecce in ipsa amicitia crudelis lamina.

Anima

Anima mea, circumspicias sæpius cogitatione, qualia sunt mundi oscula, quibus tanquam hamo, in sagemam perditionis attrahat mortales, caueas, ne hac arte decipiaris: potiùs aduolue te ad pedes Saluatoris, rogando per humilitatem, in osculo proditoris Iudæ admissò, ut te non impediant in hoc mundo oscula vanitatum, quæ tanquam fumus prætereunt, quo minùs ad illud osculum pacis peruenias æternæ, uti desiderat Sponsa in Canticis: *Cant. 1. 2.*
Osculetur me osculo oris sui. Quis nisi *v. 1.*
 tu sponsus meus, Christe.

C A P V T X I V.

Auris Malchi à Petro gladio abscissio, & Christi redargutio, aurisque restitutio.

Patientissime IESU. Ita iam in prædam cessisti inimicis tuis. Fuit né inuentus, qui te defenderet, & pro te decertaret? Non: vnus quidem Petrus, animositate exiguâ excitatus, gladio ferijt Malchum, & auriculam eius dextram abscidit: sed quid profuit tibi talis ictus! Inualida prorsus fuerat defensio, quæ etiam tuis displicuit oculis. Attamen quare reprehenditur audacia.

Sur Pe-
rus à
Christo
reprehen-
sus, gla-
dio Mal-
chū vul-
neratus.

dacia Petri, Domine? Fortè Martyrum tuorum, & à te delectorum, viam ostendisti, doctrinamque reliquisti, ne se gladio tuerentur, cum pro te, & fide tua, Tyrannorum sæuitiam, tormentaque experirentur: tu enim Domine, antequam Passionis tempus à te ab æterno designatum aduenisset, modò te occultabas, modò per medium Iudæorum ibas, modò declinabas aliò, cedendo furix eorum: ybi verò hora illa terribilis comparuit, vltro exijsti, & te in manus Iudæorum, volens dedidisti, nec vllam defensionem admisisti.

Stabant duodecim legiones Angelorum armatæ, ad tuendum te, vt ipsemet Petro declarasti: Discipuli quoq; parati erant, vt pro te decertarent; nonné numerus illorum potuisset contere omnes cohortes Iudæorum? Tu Domine, id fieri non permisisti, potius Angelorum zelum imperio cohibuisti, & immotòs eos videre te captiuum mandasti; Discipulorum verò corda à timore occupari permisisti, vt magis de fuga, quàm de auxilio tibi ferendo, cogitarent. Exemplum tuum secuti Martyres, & in antris, & in desertis locis delitescabant, ac sese occultabant, priusquam voluntas tua eis

constaret, illâ patefactâ cœliûs, & milites, & Legiones integræ sub iugum Martyrij missæ, impauido corde consuebant, absque resistentia, patientiam. Instruebas ergo eos, ne & ante tempus Martyrio se obijcerent, vti Petrus fecerat, qui volendo tibi commori, ter te negauerat, & tempore martyrij assignato, liberè se tortoribus præsentarent.

Illâ nihilominùs tua sententia timore digna: *Omnes qui acceperint gladium, gladio peribunt* Matth. 26 v. 52. Homicidia, & contentiones ad sanguinem redarguebas: quæ si alibi, certè hîc in Polonia celeberrima, maximè inter conuiuia, & quæ non gladio, sed marsupio puniuntur: Quare ergo Petrus, qui gladio percussit, non gladio periit? quia te defendendo eum eduxit, non tamen immunis à violenta morte, potius socius tuæ Passionis. Sicut enim tu Domine, in cruce mortem ferendam elegisti, ita eandem tuo defensori, licèt inuerso capite, designasti.

Quætere etiam aliquis posset, quæ causa, quòd & dexteram auriculam absciderit Malchi Petrus, & tu eam sanaueris applicando? Primum à te Cur Christus dexteram auriculam Malche restituit. Christe, fundamentum in sede Petri consti-

constitutū fuit, multos Malchos pseudofundamentalistas exerescere prouidisti: qui in plurimorum aures, falsum Euangelium immittere debebant, necesse erat, vt tuum Euangelium auriculam dexteram abscinderet, non quidem gladio materiali, sed explicatione verā Euangelij, quod est gladius spiritualis, hic abscindit omnes errores, & damnat, vnde confusi abeunt, abibuntque omnes; Malchi, falsi Euangelij disseminatores: tu tamen plurimos sanas, & aurem, dexteram salutis restituis, & nunc, & in fine mundi, vbi erit vnum ouile, & vnus Pastor.

Vellem adhuc doceri, cur Petrum, Christe, redarguisti, qui amore tui, in discrimen vitæ se coniecerat? Mysterium magnum, fortassis quod Ecclesiam tuam, non effusione alieni sanguinis, sed proprij, crescere voluisti: non ita infernus, ad osculum patet: per tot annos Calvinianam, & Lutheranam sectam, augmentum suorum errorum, gladio & cruore aliorum ædificare, deuastationibus, & deprædationibus crescere, vsurpatione alienorum dominiorum dilatare, & quod magis mirandum, non semel in pinaculis

lis Synagogarum, loco Crucis tuæ sanctissimæ, visus gladius impositus, quo signo qualis sit doctrina omnibus ostendunt, & quem gladium tu Domine absque sanguine, ex tua gratia, à nobis amouisti: eum ipsi educere venfano affectu conantur.

Anima mea perpendens hæc omnia, procide coram crucifixo, dicendo: Sana Domine, aurem meam, quæ varijs oblectationibus abscissa, & separata à te, occupabatur, vanas cantilenas, obscæna verba, libenter admiserat, restitue illi sanitatem, vt suauitate concentûs mandatorum tuorum, hîc & in futuro sæculo, delectari possit. Angelorum verò Legiones, & auxilium Discipulorum tuorum, non detineas in furore tuo, verùm cum ad capiendum me infernus dilatauerit os suum, maximè in vltima hora discessûs mei, defendar protectione vtrorumque, vt post mortem præparem aurem ad concinendum hymnum læticiâ plenum, cum omnibus Sanctis tuis, & per tuam mortem, eripiar à morte æterna.

CAPVT XV.

*Fuga Discipulorum, & timor,
solo Christo inter Iudæos, &
milites relicto.*

Patientissime I E S U. Post exiguam
resistentiam, & quidem vnus Pe-
tri, omnes Discipuli in fugam effusi,
& dissipati, nec Maiestatis tuæ reue-
rentia, nec dilectio, quam tantopere
eis commendasti, assistentiam & socie-
tatem Passionis, illis persuadere potu-
it, timor præualuit: sine gratia Diuina,
quæ ñ potest in humanis cordibus, pro-
totypon nobis exhibitum: illi enim ij-
dem Apostoli, qui iam latibula quære-
bant, postea illuminante eos gratiâ Di-
uinâ, ac Christo roborante, ingentia
tormenta, tanquam Leones imperter-
riti, pertulerunt. Noluit Dominus, ut
aliquis eum iuuaret in illo prælio cum
Goliath infernali suscepto, figura erat
in David, cum ille solus, non armatus
gladio, & thorace Saulis, processit ob-
uiam hosti impropertanti genti Iudææ,
baculo solo assumpto, & quinque lim-
pidissimis lapidibus tantum deiecit in
terram aduersarium, de eiusque spolijs
triumphauit: sic planè Christus, ge-
neris

geris humani hostem, non indutus armaturâ coelesti, relictâque, vt dictum supra est, militiâ Angelorum, accepto baculo Crucis, ac quinque vulnerum apertione, contriuit: ideo de se apud Prophetam ait Dominus: *Torcular calcans solus.* Neminem adiutorem adhibuit, non cælum, non terram, quæ omnia tunc contra illum conspirauerant, eo itaq; maiori vi aggressus prælium, & solus inuasit Luciferum, & solus de eo triumphum obtinuit.

Isa. 63. 3.
v. 3.

Quærendum tamen est, vnde tantus pauor Discipulorum, & iactantia compassionis coram Christo, versa in fugam, & negationem? Nihil frustra factum est circa passionem Domini, non enim acceptum illi est, si quis proprijs viribus fidens, defensionem eius, & fidei suscipiat, qui omnia verbo creat, & omnia perdere potest: humana erant freti Discipuli audaciâ, quæ respectu Diuinæ nulla, & cum maxime de victoria polliceri sibi videtur, sunt in confusionem; si enim Discipulis mens illa fuisset, & sic inuicem ratiocinari voluissent. Itane Deum & Dominum nostrum, relinquimus? dixeramus ante: *Ad quem ibimus, Verba Ioan. 6.*
Vita aterna habes? Iurauimus prius

v. 68.

ad mor-

ad mortem ipsam non deserturos illum, & iam omnia aliter à nobis geruntur, maluimus fugere, & latebras quærere, quàm tam bono Domino adhærere! Timor, & inconsiderata voluntas abripuit aliò, obliuioneque sepeliuit, & beneficia collata, & amorem reciprocum promissum. Eheu anima mea, reuolue cogitatione, quàm sæpè derelinquis Deum tuum, & fugis ab eo peccando: non consideras dona quæ singulis accipis momentis: non reducis in memoriam pactum tuum in baptismo cum Deo tuo: non bene proponis, & inculcas memoriæ tuæ, quid sequetur perpetrato peccato, non comparas vnum instans vitæ tuæ, cum æternitate sine fine.

Post fugam Discipulorum, solus Christus inter duplices hostes relictus, tanquam Agnus inter feroces bestias, circumdatus sæuitiâ, & crudelitate eorum. Quæ mens angustias pectoris Diuini tum temporis considerare dignè poterit? Creatorem cæli & terræ, & hominum, ab omnibus derelictum, in manus ferocissimorum aduersariorum deuenisse? Quæ societas Agni cum Leone, inferni cum cælo, vitæ cum morte, bonitatis cum malitia? mansue-

mansuetudinis cum ferocia? Ideo Ecclesia in persona Christi, die Parasceues, flebili cantu intonat: *Omnes amici mei dereliquerunt me, & praeluerunt insidiantes mihi, tradiderunt me in manus impiorum, & inter iniquos procecerunt me, & non pepererunt anima mea, congregati sunt aduersum me fortes, & sicut gigantes steterunt contra me.* Quis melius describere posset malignorum cum Christo tunc coniunctionem? De Domino dictum est: *Exaltauit & gigas ad currendam viam: & iam non ipse gigas,* Psal. 138^o
v. 6^o verum inimici gigantes effecti. Amor hoc effecit, vt gigas coelestis, paruus & inermis appareret, immò vermis, ac opprobrium plebis. Iudæi autem milites magni, ac generosi viderentur.

Tu ergo anima mea, defigendo oculos mentis in Salvatorem, circumdatum à Iudæis & militibus, demissè roges Dominum, dicendo: Conforta me gratiâ Spiritûs Sancti, ne te deseram, neque à te fugiam, quò enim sine te vadam? *Si enim ascendero in calum, tu illic es, si descendero in infernum,* Psal. 138^o
v. 8^o *ades:* Tu quidem potes esse sine me, at ego vbi ero solus sine te? Væ soli, cùm enim ceciderit, quis eum eleuabit?

bit? toties cado, & demergor in profundum barathri: si tu me non eleuabis, quis meus adiutor? Coniunge ergo me tibi totaliter, Christe, nexu Passionis tuæ, vt nunquam à te separer, nec hîc per desiderium, nec in cælo per saturitatem.



ACTA CHRISTI
tempore Passionis.

LIBER SECVNDVS,

C A P V T I.

*Iudeorum in Christum irru-
ptio, & mala tractatio.*



Atientissime I E S V. Ingres-
sus es iam tuam Passionem,
cùm solus & traditus, & re-
lictus fuisti: persecuentibus:
te. Quis exprimere verbis posset, quid
illo assultu in te à Iudæis factum? quis
hoc intellectu versare præsumet, & la-
chrymarum siccitate prædominante,
transibit oculis non madidis, conside-
rationem principij tuæ Passionis? Pa-
ter tuus dereliquit te, propter tuam
submissionem, quâ te satisfactorum,
pro grauissimis mundi sceleribus, de-
uouisti: Discipuli aufugerunt con-
sternatione occupati: Angeli non
succurrerunt, à supremi Numinis po-
testate, & mandato detenti. Præuidisti
tu hæc omnia, Christe, & per Prophe-
tam Regium, à te dictum ad Patrem:

Ecce ceperunt animam meam, irruerunt. Psal. 58.

D.

runt. V. 4.

runt in me fortes, neque iniquitas mea,
neque peccatum meum, Domine, sine in-
iustitate cucurri, & direxi.

Amor &
peccatum
Christum
esperunt.

A quo capta est anima tua, Redem-
ptor, in quam habuisti potestatem po-
nendi eam, & iterum sumendi eam?
duo diuersi lictores, vnus charitas è
cælo, alter peccatum è terra; peccatum
causa prima, quòd commiseratione
deformitatis suæ, detraxit charitatem
è cælo, quâ inebriatus gigas, egressus
ad currendam viam, inopinatò circum-
uentus, & in opprobrium inurbanz
multitudini, tanquam maximè reus,
datus. Ideo adiecisti Domine? *Neque
iniquitas mea, neque peccatum meum.*

Psal. 37.
v. 5.

A peccato origo, sed alieno, iniquitas
non propria, sed mutuata, & ab illis
accepta, qui cum Dauide verè incusare
possunt, seiplos deplorando. *Quoniam
iniquitates nostra supergressa sunt ca-
pita nostra, & sicut onus graue grauata
sunt super nos.* De Salvatore autem lo-
qui decet: *Hic autem nihil mali fecit.*

Luc. 23.

v. 22.

Psal. 58.

v. 5.

Quare ergo capitur, & diripitur? *Sine
iniquitate cucurri, & direxi:* aesi di-
xisset Dominus; Charitas sola me pro-
didit, charitas ista me & dicere, & fa-
cere còegit: *Desiderio desideravi hoc
Pascha manducare, & occidi pro pec-*

Luc. 22.

v. 15.

cato.

catoribus: Charitate præunte, obuiam processi Iudæ & Iudæis: charitate persuadente, vinci me passus sum, & tam atrociter comprehendi: charitate comitante, supplicia & tormenta grauissima pertuli: charitate sequente, & persequente, & perseuerante, flagellatus fui, coronatus, cruci affixus, & morte tandem obsignavi. fortitudinem charitatis: Insignia tot mihi in captura prolata à charitate, in quibus ita mihi complacuit, vt enumerarem illa: *Tanquam ad latronem existiis cum gladijs, & fustibus, & lignis, comprehendere me: Gladij mortem, fustes vapulationem, ligna redolent contusionem. Euadere potuissem, si voluntas mea accessisset: nonne ille ego sum Deus & homo, cum docerem in Synagogis, cum instruerem in templo, cum in montibus concionarer, & tandem non me cepistis? Verba ipsa Christi non aliter sonant. Quotidie apud vos sedebam, in templo docens, & non me tenuistis.* Mat. 26
v. 49.

Cur hoc? Non impleuerat tunc finem redemptionis excessiua charitas, iam plenam mensuram ebibit in calice ab Angelo porrecto charitatem, statimque in gladios, & fustes, & ligna ipse se ingerit, Mat. 26.
v. 55.

gerit, & malè tractatur, vt dicere posset: *Irruerunt in me fortes.* Quos armavit charitas, quæ fuit ad eò fortis, vt omni defensione ipsam fortitudinem exspoliaret. An non fortes, cum quibus & cælum, & terra, & infernus, vires suas & permittendo, & operando, & cooperando coniunxit? An non fortes, qui fortissimum Samsone[m] blandiente charitate, & abscisis crinibus, demonstrationis potentia[e] Diuinæ, tantâ cæcitate, percusserunt, vt oblitus virium suarum, *Velut agnus coram se condentibus obmutuerit?* An non fortes; qui, secundam personam Deum, vt hominem, inaudito exemplo vitâ priuârunt? subiungit deniq[ue] Christus. *Cucurri, & direxi.* Summâ alacritate iouitante, eâdem charitate cucurrit vsque ad mortem, & mortem crucis, direxitq[ue] Passionem suam ad saluandas, quæ perierant animas.

Tu anima flendo demissè, dic: Propter me Domine tuam occultasti fortitudinem, vt imbecillum clypeo tuæ infirmitatis solidares? In exitu meo à corpore, sis mea fortitudo, & si irruent in me fortes, repellas insidiantes mihi hostes, victoremque illuc introducas, quò direxisti saluandos per me-

rita tormentorum tuorum, multos :
utinam & ego annumerer illis, quorum
nomina scripta in cælis.

C A P V T II.

*Nuncius de captiuitate Filij di-
lectissimi, quo dolore à Ma-
ria exceptus.*

Patientissime I E S V. Anxiè sciens
Mater tua à teipso, de te breui tra-
dendo, expectabat Nuncium, & simul
secundùm ictum gladij à Simeone præ-
dicti, augmentum, & circumstantia ca-
ptiuitatis tuæ tempore aggrauabat mæ-
rorem, cùm quasi linceis oculis, cha-
ritate ostendente hæc omnia, quæ tibi
dirè à Iudæis euenerant, instrueretur,
& quia nihil te latebat, nec ipsam la-
tuit ; relatio enim fuit vt amoris, sic &
doloris : iam te hætenùs Matrem Chri-
sti appellabant omnes : nunc titulo tuo
addetur, vt incipias nominari, *Dolo-
rosa Mater*. Quâ enim fronte, & qui-
bus oculis, ac quo corde exceperis de
captiuitate filij tui tabellarium, aude-
rem quidem interrogare, at vereor, ne
silentio tristitiam potiùs, quàm verbis
exprimas : rogarem magis, ô Domina,
vt cordi meo firmiter imprimas.

Ego mihi tamen imaginor, tibi paruisse illo puncto, quo mansuetissimus Filius tuus, circumuentus à conuentu fuit malignantium, duosq; nuncios ad te missos existimo, vnum per palantes discipulos, alterum per reuelationem intrinsecam à Filio: ita enim amor coniunxerat, & maternus, & à Spiritu sancto infusus, corda Filij & Matris, vt communia gloriosa, gaudiosa, dolorosa, viderentur mysteria, nam si minoribus sanctis, sæpissimè tanta fuit gratia cœlitùs data & concessa, vt quod à longè agebatur, ipsorum distantibus oculis vicinum compararet: Quid de Matre, & tali Matre, cogitandum? Fortè in Canticis de hoc infelici horto scriptum legitur: *Veniat dilectus meus in hortum meum, & comedat fructus pomorum suorum.* Maria, quæ tanquam prima causa post Deum Patrem, amore detraxit è cælo te Redemptor, eademque inuitavit ad hunc hortum lugubrem, vt comederes, & concoqueres fructus pomi vetiti amaros, tuos appellasti, & quia creasti, & quia tanquam tuos proprio sanguine degustasti.

Certatur omninò amore relatiuo:

Cant. 5. Filius enim Matrem rogat vt etiam ingrediatur eundem hortum: Veni in hortum

hortum

hortum meum soror mea sponsa, messui myrrham meam cum aromatibus meis, comedi faenum cum melle meo, bibi vinum meum cum lacte meo? Licet absens corpore, quis dubitare posset Mariam presentem corde, & affectu fuisse in horto cum dilecto suo, & verè fuit. Videndum iam, quid collegerit ibi, *Messus myrrha*, quid aliud significat, quàm abundantiam atrocitatis, & furie Iudæorum contra Christum, Myrrha, verè sanguineus ille in magna copia sudor in terram è Sacrosancto corpore effusus: Myrrha, tristitia summa cum aceruus dolorum futurorum ante oculos stabat: Myrrha, cum virulento osculo ingratiſſimum factorem Iudas emisisset.

Aromata autem qualia? In primis Patris coelestis voluntas, cui placidè se Christus totum submiserat, charitas odorifera, quàm ardebat, vt quanto tuius pateretur: fructus saluandarum animarum, quos offerre Deo Patri quàm plurimos desiderabat: Comestio faeni cum melle quid? nisi commixtio doloris cum amore, quo leniebat omnia in vicinia aduentantia tormenta: Vinum cum lacte quid? Refocillatio quædam sensuum, ad patiendum resolutorum,

fortitudinis cum innocentia cōāgula-
tio, diuinitatis cum pura absque ma-
cula humanitate coniunctio, ipsius do-
loris Christi cum Matre communica-
tio, quæ lac quondam infanti propina-
uerat, iam vinum amarum ipsa bibere
cogitur.

Vndique angustix opprefferunt cor
Mariæ: sicut enim præsentia Filij, &
conuersatio hucusque mirè recreabat
animam Matris, eamque mille conso-
lationibus replebat; sic nunc absentia
eiusdem, & quidem talis, vt inter ma-
nus inimicorum incidisse sciret, à qui-
bus tot verberibus, flagellis, irrisioni-
bus, sputis, alapis, affici debebat, quali
dolore affectam putamus! Præsertim,
tu anima mea, si eam Matrem tuam a-
gnoscis, vt agnoscere pro infinitis be-
nificijs debes, reuoluas intellectu, &
terræ inhærens, fletuque & faciem, &
genas profundens, obtesteris Mariam
Matrem Dei, & tuam, per illum acu-
tissimum dolorem, quem ex nuncio
captiuitatis filij dilectissimi suscepit,
vt quando hora euocationis tuæ, ex
hoc horro corporis tui, imminebit,
intercessione suâ potenti, è manibus
ad rapinam paratis inferni te eripiat,
& in illum hortum introducat, vbi
nulla

nulla myrrha affectionis seminatur, nec aromata redolentia acerbiter colliguntur, sed lacte, & melle, & vino suavissimo recreantur in æternum corda electorum.

C A P V T III.

*Deductio infamis, & ludibrijs
plena processio Christi ad
Annam.*

Patientissime I E S V. O verè tua infamis apprehensio à Iudæis, & Processio detestanda! Imaginor mihi Regium Prophetam in Spiritu vidisse cruentam hanc irruptionem in te Domine: *Circumdederunt me Vituli mul-
ti, tauri pingues obsederunt me, aperu-
erunt super me os suum, tanquam Leo
rapiens & rugiens, circumdederunt me
canes multi, consilium malignantium ob-
sedit me.* Quicquid venenatæ malitiæ potuit Lucifer intellectu depravato in te depromere, totum euomuit: homines enim feris ferociore effecti, omnia membra tua sanctissima ita in laniam conuerterant, vt prorsus illa crudelissimè dilaniarent. Non errabit quisquam, qui certò credet te, Redemptor, tum temporis, & terræ illisum.

& tanquam prædonem, & omnibus sceleratioribus antesignanum ab illis æstimatum, & eo modo tractatum, quo nemo nocentissimus durius tractari potuit, ligatum, cathenis compressum, baculis contusum, facie per vepres, & saxa laceratum, totoque corpore afflictum, extractumque è loco captiuitatis tuæ, insolitâ furiam iactatum, & per fluuium Cedron, benedicto tuo corpore instar pontis strato, cruentis, & madidis, ac siccis vulneribus coram Anna Pontifice? steterunt, simul & eadem vulnera coram Patre cœlesti constituta, quæ & charitatem tuam erga nos testarentur, & indignationem offensi Patris à nobis auerterent.

Persecutores
Christi,
cur vitulo,
tauro,
leoni, &
canibus
comparati.

Verùm cur quatuor bestijs comparauerat Psalmographus, malam tuam à Iudæis tractationem? Vitulos enim, tauros pingues, leonem, & canes nominauit. Optimè expressit angustiam tuam, Domine, & scelera eorum in te, summâ petulantiam commissâ? Per vitulos, fortassè insolentiam depinxit, illusiones, verba criminosa, insultationes, certè fuerant, vt ipse per Prophetam dixeris, *Subsanarunt me subsanatione, frenduerunt super me dentibus suis.* Viguli saginati currunt & saltant,

secum;

Psal. 34.
v. 16.

tecum cucurrerunt per ardua, & saltant
 runt per inuia ac deuia, quo calamita-
 tem auerterent tuam. Primus saltus ex
 horto fuit ad Annam, Secundus ad Ca-
 ipham, Tertius ad Pilatum, Quartus
 ad Herodem, Quintus iterum ad Pila-
 tum, Sextus ad locum supplicij, Septi-
 mus ad ipsam Crucem. De hoc saltu,
 & Sponsa de te: *Ecce iste venit saltans*
in montibus, transiens colles. Transi-
lijsti montem Caluarix, & colles om-
nes superasti, nam supra terram ad ip-
sam Crucem saltus tuus ascendit. Per
tauros pingues, ferociam (describit
Rex) Iudæorum, & militum. Cinxer-
unt te, & cornibus maledictionum, &
verberum, punxerunt ad intima pene-
tralia penetrantes, pinguedine mali-
gnitatis impleti, obruerunt te, & op-
presserunt acrimoniâ Passionis, vt de
te fateretur alter Propheta. A planta
pedis ad verticem capitis, non erat in eo
sanitas. Per leonem rugientem, & ra-
 pientem, terrorem figurauit idem,
 quando innocentia ipsa, terroribus in-
 ferni circumdata est, vocibus simili-
 bus, rugitibus leonum, impletus est
 aër, quo territi noti tui à longè stete-
 runt, dispersique sunt à te, propter
 ingentes clamores, quos delicatissimæ

*Septem
Christi
ductus.**Cant. 10.
v. 8.**Isai. 54.
v. 6.*

tuæ aures, & cor tuum expertum est abundè: in escam datus es à Deo Patre, vt alio loco Propheta: *Catuli leonum rugientes, & rapiant, & quarant à Deo escam sibi.* Per canes rabiem expressit David, quæ reuerà fuit in te Iudæorum, multi canes conuenerant: omnium enim nationum capita coniuurârunt in perniciem tuam. Rabies canina discersere cogitat prædam: talis rabies fuit apud Iudæos, cùm clamarent: *Tolle, tolle, crucifige.* Tu tamen Domine, præcipuè de ferocia, & terrore conquereris, & Patrem inuocas in auxilium. *Salua me de ore leonis, & à cornibus Unicornium humilitatem meam.* Humilitas summa Dei, quæ passa est tam ignominiosâ processione se duci in Ierusalem, ad confusionem coram omnibus ibidem existentibus mortalibus.

Psal. 22.

v. 22.

Anima obmutesce, & pro indignatione conductionis Christi tam infamis, lachrymarum glacie concreisce, humilitatem eius humillimè implorando, vt cùm ex horto corporis ad cœlestem Ierusalem deducéris à quatuor illis bestijs, te immunem, & sine noxa intactam defendat à vitulo, quæ est caro, & eius insolentijs protegat; à tauro
piu-

pīngui, mundo, & illecebris eius liberet; à leone, dæmone, ferociâ, terroreque eius eripiat; à canibus multis, id est scrupulis, conscientiam tuam rodentibus rabie, tueatur; processioque eius ludibrijs plena, confundat tuos nominatos hostes, vertatque in gloriosam deductionem ad se, qui propriâ ignominia, triumphum electis promeruit.

C A P U T I V.

*Ad Annam adductio Christi,
ubi alapa illi funesta inflata.*

Patientissime IESU. Tu Iudex mortuorum & viuorum, cum esses in statione prima ignominiosa, permisisti te coram Anna Pontificæ præsentari, qui gaudebat tandem Pharisaico odio imbutus, habuisse te in manibus suis, & in disputationem tecum descendisse, ipsemet & accusator, & ferens decretum, omnes assistentes illi applaudunt, condemnant, & exequi sententiam urgent. Interrogatio Pontificis circa duo puncta versabatur, de doctrina, & de Discipulis tuis exosis Synagogæ, ut ergo capereris in sermone, qui iam vin-

Etus stabas in corpore, obijcitur tibi vtrumque, & solutio expectatur. Tu Domine ipsa sapientia (nam omnis sapientia à Domino Deo est, & cum illo fuit semper, & est ante ævum) licet: Corpus tuum & membra ligata, intellectus solutus, & perfectus, vt in Deo, admirabili tuo responso confudisti interrogantem. Verùm pro replica, in facie tua delicatissima ferream alapam reportasti, & prudenti tuo dicto: *Ego palàm locutus sum mundo: & ostendisti te & Deum, & Doctorem, non angulos quærentem, non sophisticis quæstionculis stabilientem doctrinam, non conuenticula priuata celebrantem.*

Rectè appellas te hoc verbo, *Ego*: qui eras, es, & eris tanquam Deus in æternum, & bis repetijsti, *Ego*, vt declarares te esse & Deum & hominem: *Palàm*, in omni loco disseminasti semen tuum, velut optimus Paterfamilias, quod in multam segetem excreuit, testimonio generali approbas tua facta,

dicendo: *Interroga eos, qui audierunt, quid locutus sum ipsis, ecce hi sciunt, qua dixerim ego.* Fortè ita argumentatus es Domine, ad incredulos Iudæos: Iam perdidisti apud vos, vestrà malitià prædominante, fidem, non creditis

ditis mihi, saltem auditui alieno credite, operibus meis fidem date, ore non meo, sed multorum, innocentia mea innorescet vobis. Non profuit illis tam suavis allocutio: è schola diuersa Luciferi sumpterat Annas argumentum, quo doctrinam, & discipulos tuos improbat, ideò de his interrogabaris, quàm maximè Domine. Ad tam modestam, & subtilem elocutionem quis non sperasset vel vltiorem disputationem, vel absolutionem? Non ita factum est, alapa ferrea responsi instar successit.

Anima mea exclama lugubri voce, cum Propheta: *Obstupefcere calis super hoc, & porta eius desolamini Vehementer.* *Hie. 2. 7.*
Angeli inducite ruborem, & oplemini confusione, quòd facies illa, in quam vos desideratis assidue aspicere, colapho nebulonis vnus inflicto, totâ tumore, & sanguine conspersa est? Terra quare non contremiscis, & quæ propter vitulos quondam aureos adoratos, multa millia hiatu absorbuisti, nunc videndo summum liuorem, & contemptum Creatoris tui, adhuc stas immobilis? Cælum, quod sæpius propter minora flagitia, fulmine terroribusque igneis sæuebas in tam atroci per-

percussione faciei Dei tui conquiescis? Benignitas, & charitas velârunt tantum dedecus Christi, ipse tu Domine affabili sermone te vindicâsti, quid dico vindicâsti? imò docuisti scelestum, qui adulatoriâ voce iniuriam Pontifici te intulisse, protestabatur.

O adulationem proscribendam ex omni aula, quæ in Dei ipsius faciem non veretur insurgere, & colapho dehonestare! quàm suauiter verò adulationem reprimebas, Saluator, dilemmate insolubili: *Si malè locutus sum, testimonium perhibe de malo, sin autem benè, quid me cadis?* Difficile argumentum, non poterat in demo Annæ Pontificis explicari. Ideò vterius tua processio progrediebatur: relicta apud Annam confusio, & vindicta alapæ in die iudicij comparenda.

Anima mea, considerando, quòd pro te Redemptor tuus, & pro tuis flagitijs, absque verecundia commissis, tam cruentam alapam, in conspectu Pontificis & plurimorum, excepit; tota rubore & horrore confusa, percuriens tuam faciem, conuoluta terræ tremebunda supplica, dicendo: Fac mi Iesu Christe, tuæ Passionis, & suscepti colaphi ferrei, meritis, ac mihi in vltimo halitu
vitæ

vitæ meæ, satellites infernales alapas mortales infligant, potius ipsi confusione acceptâ recedant, & tu me in delicijs colloces sempiternis.

C A P V T V.

Christi in domo Caiphæ presentatio, ubi consilium Iudeorum coactum, & falsi testes.

Patientissime IESU. Secunda statio confusionis tuæ amaræ plena fuit in domo Caiphæ, qui tanquam Pontifex Anni illius, prophetavit: *Expedis* Ioan. 18 v. 14
Unum hominem mori pro populo, ne tota gens pereat. O miserrime Caipha, non plenè prophetâsti? ex parte quidem verum, cum expediret vnum hominem mori pro populo, aliàs non tantùm tota gens, sed totus mundus etiam perisset, verum non nouisti illum vnum hominem. Vnus fuit talis homo, scilicet, simul & Deus: neque debuit innocens tanquam nocens mori, quem tu falsis inductis testibus, in domo tua Concilio ideò habito, condemnâsti: Benè prophetâsti, modum executionis pessimum inuenisti: Peruersum tuum Concilium, in quo Filium Dei hominem factum, innocentia clarum, caudid-

fidicis, cum erroneis testimonijs indu-
ctis, nullo defensore tradito, iniquâ
sententiâ morte dignum iudicâsti.

Ah Christe mi Redemptor, ad te o-
culos meos, guttis lachrymarum ple-
nos conuerto, & miror vehementer,
testimonium contra te prolatum, tam
manicum, incredibile, prorsus confi-
ctum. Sic enim accusatio instituta fuit
coram Pontifice Caïpha à testibus. *Hic
dixit, possum destruere templum Dei,
& post triduum readificare illud.* Vani
accusatores, oportuisset interrogâsse
Dominum, de causâ huius sermonis,
vt ipse verborum suorum esset inter-
pres, cur hoc, & quomodo dixerit?
Audiuissetis responsum longè alienum
à conceptu vestro; Omnino stulti vos
& stupidi, non de materiali machina
templi vestri, sed de templo pretiosi
Corporis sui intellexerat Dominus; si
enim S. Paulus: *Omnia corpora homi-
num templa Dei vocare ausus est*, quid
illud Corpus? quod in se Deum habu-
it, & coniuncta in illo natura humana
cum diuina, vnitae inseparabili, verè
repræsentauit verum & viuum tem-
plum Dei. Propterea nullum respon-
sum dedit Saluator, tacitè reprehen-
dendo insipientiam accusantium, quod

Euan-

Mat. 26.

10. 61.

Cor. 3.

Euangelista expressit, his verbis: *Non erat conueniens testimonium illorum.* Mar. 1. v. 59.

Dominus autem fortè cogitabat, condemnatis me inauditum, interpreta-
mini malitiã vestrà, verba mea charita-
tiua, fiat, ego implebo hoc dictum, de
templo destruendo, non vestro, sed
meo, hoc reedificabo in maiori gloria,
cùm resurgam: vestrum autem tem-
plum Romani deuastabunt, lapidem
super lapidem non relinquentes, nec
vnquam restauratio integra succedet.

Cùm ergò tu nihil loquereris, præ-
bens te hostiam viuam in holocaustum,
pro delictis mundi, Pontifex interro-
gat & adiurat, vt dicas: *Si tu es Filsus Dei & eius,* loquebatur hoc, non vt te ta-
lem sciret esse, vel cuperet doceri, ten-
tando dixerat, vnde stabiliorem causam
criminandi inueniret. Iam non tacu-
isti Domine, partim vt te Deum esse,
etiam in statu iniquissimi iudicij non
celares, partim vt ignorantia crassa Ca-
iphæ, & asseclarum, in tuo tremendo
iudicio non suffragaretur eis, de tuo
iudicio vero, in iudicio falso, prophe-
tasti, & monuisti: *Videbitis Filsuum ho-* Mat. 14. v. 62.
minis, quem iam despicitis, cuius in-
nocentiam prostituitis, cuius correcti-
onem fugitis, cuius verba irridetis, se-
den-

*Christus
adiurat
in domo
Caipha
cur re-
spondit.*

dentem à dextris virtutis Dei, & Gen-
antem in nubibus cali.

Pontifex, qui ponderare respon-
sum tuum debuerat, abreptus errore
Pharisaico, blasphemiam appellat, scin-
dit vestimenta sua, reum mortis decla-
rat, ad omne genus iniuriarum exer-
cendum, ad cædendum, & conspuen-
dum, videlicet exponit. O infelix Ca-
ipha, non vestimenta, sed cor tuum
scindere debuisses, cùm de iudicio ter-
ribili audis Dominum concionantem,
verùm expletum est dictum Saluato-
ris: *Qui ex Deo est, Verba Dei audit:*
propterea Caiphas non ex Deo fuit,
quia verbum Dei admittere ad aures
noluit, potiùs ex inferno origo eius,
& ibidem residentia perpetua.

Joan. 8.
v. 27.

Lugeas anima, in memoriam reuo-
cando, iniustum Concilium contra Sal-
uatorem congregatum, sed quia ideò
se subiecit illi, vt te eriperet è formi-
dabili iudicio sceleribus tuis debito,
ex infinita sua misericordia, demississi-
mè rogans, dicito: *ô Domine mi, per
ignominiam, quàm à falsis testibus per-
tulisti, fac, vt cacodæmones, in sepa-
ratione mei à corpore, velut falsi tes-
tes rejiciantur, nulloque responso à te
in detrimentum mei accepto, ad sup-
plicia*

placia subterranea sibi debita inanes reuertantur: Tu verò decreto tuo fauorabili, me ad perpetuum tuum osculum, & hilarem oculum admittas.

C A P V T VI.

Negatio terna Petri, & Iudæ suspensio.

Patientissime IESU. Accesserunt ad tuos colaphos, & sputa ab ipsa impuritate iniecta faciei tuæ pretiosæ, interna duo sputa, & colaphi à duobus discipulis cordi tuo inflicti, dum vnus te nunquam nosse, aut vidisse ter iurauit, alter delictum venditionis, scelere desperationis cumulauit, benè dixisti per Prophetam: *Sagitta infixa sunt* Psal. 137
mihi: quando duos ex alumnis tuis in V. 3.
 perditione ruere vidisti, vni eorum oculi aspectu succurristi, alterum precipitari crimine desperationis permisisti. Infelix duplex mercator Iudas, Deum pro triginta argenteis vendidit, & pro illis funem præcidentem fauces miseræ emit, vel potius gratis accepit, reddita pecuniâ. Præmium tale auaritiæ debitum. Hic exclamare potes anima mea cum S. Paulo: *O altitudo* .. 115
diuitiarum, sapientia & scientia Dei, V. 33.
quâ 10

quàm incomprehensibilia sunt iudicia
tua Vterq; peccauit, & vnus repul-
sus, alter meruit gratiam. Nonné pul-
chra, & dolorem resonantia apparent

Mar. 27. verba Iudæ: *Peccauit, tradens sangui-*
V. 4. *nem iustum; Peccatorem & traditorem*

Cur Iudas agnoscit se vitrò, sanguinem Christi fate-
suspen- tur effusum, & tamen furca loco abso-
sus & Petrus lutionis illi assignatur. Petrus nihil di-
conuer- xisse legitur post negationem, nec re-
sus. uocauit se errasse, solo fletu purgauit
scelus.

Quid est hoc? Fortè, quia Iudas de-
derat occasionem & initium Passioni,
Petrus verò vnicus inuentus, qui in
principio passionis defendit gladio Do-
minum suum, vel quòd Iudas excæca-
tus auaritiâ, non meruerit videre ocu-
lû Christi, Petrus timore solo peccans,
obtinuit, illum vt respiceret Redem-
ptor, sic enim in Euangelio legitur. *Et*

Luc. 22. *conuersus Dominus respexit Petrum.*
V. 61.

Mirabilis tuus & efficax aspectus Sal-
uator, ad similitudinem solis; qui ra-
dios in humidam terram immittendo,
attractit vapores, & nubem efforman-
do, per imbrem reddit iterum terræ,
pinguedine eam replendo: in siccam &
aridam verò emissi radij absq; fructu
operantur, sponsa in canticis de oculis
diui-

diuinis ait: *Oculus tus columbarum, absq̃* Can. 4.
v. 1. 1
eo quod intrinsecus lateat: Benignita-

tem & mansuetudinem columbinam, oculi tui Domine præferebant semper, sed intrinsecus latebat vis summa attractiua, nam visu solo & Matthæus à telonio auocatus, relictis opibus, atque habitu contracto diuitiarum, Apostolus & Euangelista creatus, & Petrus visu simili flendo amarè delictum, remissionem est tam enormis peccati consecutus, ipso passionis tempore, peccauerat Petrus, & statim effectus passionis Christi in illo apparuit, radij gratiæ ex sacrosanctis oculis in humidam pusillanimitate plenam terram Petri ferebantur, inde vapores attracti in cor illius recordatione prædictionis Domini de negatione ipsius terna, nubem contritionis densam effecerunt, quæ per pluuiam oculorum effluxit, & fructum poenitentiaë generauit: Iudæ cor durum, & ariditate inferni siccum, respuit radios coelestes, & disruptis visceribus, in sempiterna remansit sterilitate.

Stupenda res, Petrus qui iam negat nouisse se hominem, antea dixerat: *Tu* Mat. 16.
v. 16.
es Christus Filius Dei viuis, qui iam
 ter, cum iuramento, detestatur notitiam,

am, ter postea interrogatus à Domino, se habere erga illum amorem, protestatus est: qui antea velle se commori gloriabatur, iam gallo teste, nec audire de Magistro vult: qui in turba & strepitu in horto captiuitatis, audaciâ accinctus, ferro inimicum ferit, iam coram muliere & seruo, verbis defendere veretur, eumq; profus pernegat. Oratio tua Christe subuenit Petro: *Ego a-*
raui pro te, & non deficiat fides tua, &
tu aliquando conuersus, confirma fra-
tres tuos. Nobis in exemplum datum, ne desperemus de misericordia Dei, vt Iudas, fletu corrigamus errata, vt Petrus, qui licet veniâ ab ipso Domino donatus esset, pro vna culpa tamen, toto vitæ tempore non cessauit à lachrymis.

Væ tibi, anima mea, peccatrici maximæ, quæ pro ingentibus sceleribus tuis, vix guttam aliquando emittis, & iterum ad priora peccata redis; contrito corde, accedas ad crucifixum petens: Respice me misericordix tuæ oculo, Domine, & liquefacias compunctionis dolore genas meas, quatenus defluant aquæ ex illis, purgantes sor-des meas, quibus deletis, post mortem abstergas omnem lachrymam ab oculis
 meis,

meis, perducasq; ad illas delicias, per Crucem & Passionem tuam, quæ nec oculus vidit, nec auris audiuit, nec cor humanum comprehendit.

C A P V T VII.

Nox illa terribilis Christo in domo Caiphæ, ubi quid factum sit, nec scriptura expressit sacra.

Patientissime I E S U. Quis audebit describere, quæ passus es nocte illâ vel in residuo noctis, antequam illucesceret dies, in carcere Caiphæ? quid egisti, ubi fuisti, quæ conuersatio tua? Saxeum & lapideum meum cor distilla, Domine, & educa, tanquam è petra aquas salubres poenitentia, quibus defleam te, vel potius me, cuius causâ, tanta passus es. Copiosa tua redemptio necessaria erat, nouisti, ante cuius oculos omnia sunt aperta, mortales omnes peccasse, & peccare die noctuq; ita tu die & nocte eluisti scelera eorum, nocte potissimum in silentio, in abscondito offenditur tua Maieestas, tu ore tuo Sanctissimo elocutus es. *Omnis qui malè agit, odit lucem, &*

*Ioan. 2.
v. 20.*

non venit ad lucem, & non arguantur o-
pera eius.

Lux, est quasi inspector operum no-
strorum, fugimus, dum aliquid non
boni exequi intendimus, & noctem e-
ligimus, quâ tecti impunè liceat flagi-
tiji vacare, quod contra tuam ordina-
tionem facimus. Ordinatione tuâ per-
seuerat dies: in quo pie Rex? respon-
det in altero Psalmo: Ortus est sol, &
homo exiit ad opus suum, & ad opera-
tionem, & ad vesperam. Nox pro-
pter quietem data hominibus, vel vt
somnia recreent artus, vel vt in te Do-
mine habeant requiem, & tecum se
occupent exemplo Dauidis: Mediâ
nocte surgebam ad confitendum tibi. Ve-
ra quies, quia in te & tecum: Quibus
ergo seruit nox vt malè orientur? Idem
Propheta: Posuisti tenebras, & facta
est nox, in ipsa pertransibunt omnes be-
stia sylua, caruli Leonum rugientes, &
raptant, & quarant à Deo escam sibi.
Quando ergò homo instar feræ, noctu
quærit prædam in plateis, in domi-
bus, in angulis, volutaturq; in cogita-
tionibus, & desiderijs impuris, talis e-
sca, non à Deo, sed à diabolo, qui ho-
mines in feras conuertit, qui tempus
quietis, in labores bestiarum commu-
tat,

tat, qui noctem vertit in diem, & diem in noctem, vt noctu peccatis pollui, dormiant in seruitute eius, ad meridiem, putant se pacatos in lecto desiderare, & ipsi in faucibus Leonis illius, qui quærit quem deuoret, comprehensi stertunt.

O Redemptor mi, cùm in me ipsum descendo cogitatione solidâ, & agnosco me solum, tot vitijs nocturnis, quorum sine singultu, & gemitu recordari non possum; offendisse te Dominum meum, quid totus mundus ab Adam, ad excidium fabricæ huius, non committet? fortè notauit id Eldras, & annuntiat nobis, dicens: *Altissimus dedit intellectum quinq; uiris, & scripserunt, qua dicebantur excessiones noctis, quas non sciebant.* Tu scis, & sciebas Christe, omnes excessiones nocturnas omnium temporum, non te latuit ira Patris, & ideò vt satisfaceres, & mollires furorem Genitoris æterni, noctem illam in domo Caiphæ, sine vlla quiete, in loco fordido, inter lixas & feces insolentissimorum seruorum, transegisti; verè ad prædam ex permissione Dei Patris, Catuli Leonum exierunt, & te miserè affixerunt. Quot ibi tormenta concurrerunt, quæ abluendo nocturna

peccata tolerasti, noctu omnes morbi grauiores, & maior afflictio, & hæc circumstantia aggrauabat tuam pœnam, tenebræ parua luce illuminabantur; locus angustus & ingratus odore, requies fugerat, cùm alij alijs succederent, quibus infernus somnum adimebat, hi & vellicationibus & alapis, sputis, turpibus alloquijs, maledictis verbis, omniq; genere petulantiz, in te inuehebantur, ac contumelijs varijs, ad ipsum diei diluculum, diuexabant.

Expergiscere anima mea, è lethargo peccatorum, & gratias agens Saluatori tuo, cum lachrymis dic: Sit tibi gloria, Domine, in æternum, quòd nocturna mea, mundi q; totius delicta, Passione pacificaueris, & occultari fecisti à facie commoti iræ Patris tui, ne propter illa, æternâ nocte damnationis puniremur, demississimo vultu, profluentibus guttis rogo, vt merita tua me à tenebris, & nunc scelerum, & post obitum, perpetuis præseruent, atq; ad lucem, quam ipse inhabitas, & quam electis tuis per passionem tuam

præparasti, perducas.
æternam.

CAPVT VIII.

Mane CHRISTVS coram Praeside Pilato sistitur.

Patientissime IESU. Ortus est dies, felix quidem generi humano ob pretium incomparabile redemptionis, quod peractum est, tamen cordi amanti iugubris memoria, ob compassionem vulnerum tuorum debitum, intermiscet dolorem. Nocte ergò vigilando consumptâ, an refocillatio secuta quietis die. Planè illud Poëtæ congruit: Nocte pluit totâ redeunt spectacula manè. Pluit sputis, alapis, vellicationibus, nox in te Domine, iam manè spectacula prodeunt. Deo Patri, Angelis, & hominibus, non visum spectaculum, Deum vt hominem condemnari & mori. Ah proh dolor, acerbis amaritudinum accreuit in corpore tuo Saluator mi? Iam enim absoluto nefandissimo consilio Iudæorum, & iniustissimo decreto, in quo innocentia, nocens inuentâ Hypocrisis Pharisaicâ, dum ad eos Pilatus dixisset: *Accipite eum vos, & secundum legem vestram indicate: Clamârunt: Nobis non licet interficere quenquam.*

Ioan. 18.
v. 31.

Bene aduertit S. Augustinus astutiam illorum, in illud Psalmi: *Exaceruunt tanquam gladium linguas suas: Non dicant Iudæi, non occidimus Christum: etenim propterea illum dederunt Iudici Pilato, ut quasi à morte eius viderentur immunes, nam respondentes: nobis non licet occidere quengquam: iniquitatem facinoris sui in iudicem hominem refundere volebant. Sed nuncquid Deum iudicem fallabant? non certè: sicut & David, cum Vriam interficere tacitè curâisset, & in bello Ammonitarum ille occubisset, Nathan Propheta exprobrando excessum illius, sic affatus est: *Vriam Hatuum percussisti gladio, & uxorem illius accepisti in uxorem tibi, & interfecisti eum gladio filiorum Ammon.* Non latuit scientiam Diuinam occulta iussio, ut periret, Vrias multò magis, quando ipse Deus & homo subtilitate Iudæorum condemnabatur; Non acceptata talis excusatio à Deo, quam veretur & Rex pœnitens. *Non declines cor meum, in verba malitia, ad excusandas excusationes in peccatis cum hominibus operantibus iniquitatem: Et alia falsitas apparuit in Iudæis teste Euangelio, de illis enim dictum: Et ipsi non introierunt**

Psal. 63.
v. 40.

2. Reg. 12
v. 9.

Psa. 240
v. 4.

Ioan. 18.
v. 28.

runt

runt in Prætorium, & non contaminarentur, sed & manducarent Pascha. Minus peccatum veriti, in maximum inciderunt.

O duplici corde fallaces; non aude-
tis intrare prætorium, & ausi fuistis,
eo die & iudicare, & innocuum solo
inuidiæ liuore stimulati, sententiâ
mortis afficere? Ecce statuitis Christum
ante faciem Pilati, instatis vt pereat è
vita. Pilatus vt prudens Iudex, scisci-
tatur causam adductionis Domini.
Quam accusationem affertis aduersum Ioan. 18.
v. 29.
*hominem hunc? Videte, qualis ad in-
terrogationem; & quàm indirecta, &
præoccupato rabie animo, responsio?*
Si non esset hic malefactor, non tibi tra- Ioan. 18.
v. 30.
didissemus eum. Non sic Iudæi proce-
dendum; Enumerate, quæ maleficia,
quod delictum ab illo commissum, &
postea vrgebitis poenam. Palàm osten-
dunt causam fuisse necis Domini, con-
demnationem antè proprio decreto,
extorquent ergò, vt Iudex eorum iu-
dicio subscriberet. O falsitas inaudita!
Optimè quidem remittis Pilate ad
illos, vos ergo iudicate eum, quia reum
inuenistis, non ego, qui nullam in eo
inueni causam. Pilate, ô inconstans
Iudex, si sciisses, quis coram tuo tri-
bunali

bunali constitutus fuerat, fortè fortius pro illo cum Iudæis decertasses: ignorantia & timor Cæsaris, in bono cursu deficere tibi persuasit.

Tu anima mea, scis, quis coram Pilato stabat, & causam non ignoras, Deus ipse fuit, & pro te iudicari se iniquè permisit. projice te in terram, & plorans, statue tibi ante oculos Creatorem cœli & terræ, ab omnibus destitutum, stare in conspectu Iudicis, vnius hominis, suæq; vilissimæ creaturæ, & dic ad Dominum: Per illam stationem tuam coram Pilato, fac, vt cum ego post dissolutionem corporis, ante tuum strictissimum iudicium præsentabor, non sicut tu innocens, tanquam nocens morti traditus fueras, sed tuâ Passione mediante, me nocentissimum, innocentæ decreto absolvas, ne æternæ morti manciper, verùm misericordiâ tuâ inexhaustâ subueniente, brauij sanguine tuo precioso promeriti, participem me clementer efficias.

C A P V T IX.

*Pilati insufficiens defensio pro
CHRISTO, Iudæorum acclama-
tio: Crucifige.*

Patientissime I E S V. Tam iniquè instabant Iudæi aduersùm te, vt nec rationem aliquam, saltem ad apparentiam afferrent, quâ te condemnarent, nec vllum defensorem, secundùm iura, concederent. Quid ergò, itané innocentia periclitabitur? Non. Permisit quidem Deus, & voluit, vt iudicium condemnationis sequeretur, ac testimonium innocentia, Iudicis ipsius voce, & disputatione cum Iudæis, memoria omnium descriptum mansit: Subscripsit pro innocentia vxor Pilati, iustum Dominum proclamando.

Nihil tibi, & iusto illi, multa enim passa sum per & istum hodie, propter eum? Animaduertat sathanas, morte Saluatoris se peri, & iugulari, tardè deceptum se agnouit: Ergò qui ante vrserat executionem mortis, per ora Iudæorum, iam per potens instrumentum mulierem, aggreditur expugnare, cor Pilati occupatum instantiâ Iudæorum, illam terrendo visu nocturno. Dominum autem iustum propalando. Non succeder ars tua diabole, oblatu est, quia ipse voluit, velis nolis sacrificium cruentum perageretur, quo vires tuæ frangentur, & potestas collidetur.

Pilatus itaq; prudenter satis à principio

Mat. 27.
v. 19.
Diabolus
per vxorem
Pilati
Christi mortē
voluit
impedire.

cipio tutatus est causam Christi: Pri-
 mo interrogat eum: *Tu es Rex Iuda-*
rum? Cùm Dominus sapientissimè re-
 spondisset: Ego quidem sum Rex, sed
 non de hoc mundo: nam & mei mini-
 stri decertassent, vt non traderer Iu-
 dæis, vides contrarium, omnes mei
 dilapsi sunt, solus sto ante te, non am-
 bio regnum caducum, qui aliud qui-
 dem & perpetuum possideo. Pilatus
 exit foras aliquoties, protestatur se,
 nullam causam mortis in eo inuenire,
 & quod magis, vt furori Iudæorum sa-
 tisfacere posset, mitigareq; feruorem
 crudelitatis, & Barabbam dimittere co-
 gitat, & flagellat, & coronâ spineâ per-
 missâ cruentat, & tum demùm excla-
 mat: *Accipite eum vos, & crucifigite,*
quia ego nullam in eo inuenio causam.

Luc. 23.
 v. 22.

Hucusq; iustè, Pilate, defendisti in-
 nocentiam Domini, perseuerantiâ o-
 pus fuerat, in qua tu defecisti de plo-
 randè: prudentia tua caruit effectu,
 non mirum; *Sapientia huius saculi*
inimica est Deo: vti enim mundus non
 est infinitus, neq; opera eius, ita nec
 prudentia eiusdem: *Initium sapientie*
verò timor Domini. Initium sapientiæ
 mundi, timor inanis, & creaturarum,
 non Creatoris, Talem timorem Iudæ-
 orum.

orum, & Pilati, Propheta in spiritu longè ante depinxit: *Quoniam ecce Psal. 42. Regs terra congregati sunt, conuenerunt in unum, ipsi & videntes, sic admirati sunt, conturbati sunt, commoti sunt, tremor apprehendit eos. Iudæi Romanos verebantur, ne tollerent eorum gentem, propter doctrinam Christi, ideò conuenerunt, ideò tremor apprehendit eos. Pilatus, auditâ voce: Si Ioan. 19. hunc dimittis, non es amicus Cesaris. v. 12.*

Timorem iam conceptum auxit, magisq; timuit, licet innocentiam Christi perspectam haberet, de quo latius infra.

Quam tamen rationem protulerant Iudæi, nullam aliam, nisi clamorâ, nulloq; nixam fundamento: *Tolle, tolle, crucifige eum: pro tot beneficijs acceptis à Domino, pro tot ægris sanatis, pro tot laboribus in salutem illorum insumptis, merces, Crux. Deus Pater aliter, pro tot ærumnis & plagis, quas Saluator sustinuit pro nobis, præmiû summum attribuit, vt ipse fateatur: Ego autem constitutus sum Rex Psal. 26. ab eo, super Sion montem sanctum eius. v. 6.* Et cum pateretur, Pater allocutus est eum: *Postula à me (& videns sufficientem satisfactionem & dignam postu-*

sal. 2.
p. 8.

lacionem) *Dabo, inquit, tibi gentes
hereditatem tuam, & possessionem tu-
am terminos terra.*

Tu anima prouoluta, cineribus
commiscens pluiam lachrymarum,
postula dicens: Supreme Iudex, tu in
iudicio tuo ipse sis defensor causæ
meæ, melior enim & tutior, perseue-
rantiorq; erit, quàm Pilati, nullum
tu times, potiùs Reges terræ seruiunt
tibi, in timore, & infernus coram te
contremiscit, da ergò, vt inter hæredes
Regni illius sim, quorum possessio tra-
dita est tibi à Patre æterno in æternum.

CAPVT X.

*Silentium CHRISTI coram
Pilato.*

PArientissime IESV. Qui linguas in-
fantium facis esse disertas, & bene
omnia faciendo, surdis auditum, &
mutis loquelam restituis, quid est, quòd
coram Pilato constitutus adèd taceas,
vt ipse Præsès miretur vehementer?
Non est, tantum animi in me, vt te de
silentio tam mirabili interrogem, quis
enim tuus consiliarius fuit? Reddesné
rationem alicui tuæ hætenus taciturni-
tatis? Inspira ergò cordi meo, vt in-
uesti-

uestiget rationem tui silentij: Prædixisti Martyribus tuis antea dicens: *Dum steteritis ante Reges & Præsides, nolite cogitare quomodo, aut quid loquamini, dabitur enim vobis in illa hora, quid loquamini, non enim vos estis qui loquimini, sed Spiritus Patris vestri qui loquitur in vobis.* Et tu Domine, cum & verba habeas (es enim Verbum æternum Patris) & Spiritus Patris est in te (vnius essentia cum sit tecum) & tamen taces?

Audebo suspicari, te Domine omnia & singula nostra delicta singulari modo expiare voluisse. Nostra enim garulitas & multitudo loquendi offenderat maiestatem Diuinam, lingua nostra veluti gladius biceps acutus famæ aliorum non parcat, tanquam in molendino rota assidue voluitur, vt alijs obloquatur, rodat existimationem, lædat honorem, in ipsum denique auctorem vitæ insurgendo, quid vani, inanes, turpes sermones nostri: quot vicibus dies noctesq; occupant integras; Et nos putamus, tempus perditum, quod ineptis confabulationibus eximitur. Tua lingua benedicta Christe, quâ nemo hominum taliter vnquam locutus est, verba vitæ disseminans, ne nostræ, æter-

*Cur Christus
stusl cori
Pilato
tacuit.*

ternum Væ clamarent: ideò obmutuit, & catalogum vanitatum linguarum nostrarum, carbone cacodæmonis notatum, deleuit.

Docuisti etiam Domine in causa iusta, silentium, esse maximum apud Deum causidicum. Ita Susanna tacito suspirio defendi meruit à propria innocentia: ita de Sanctis, dum supplicijs afficerentur, canit Ecclesia: *Caduntur gladijs more bidentium, non murmur resonat, non querimonia, sed corde taesto, mens benè conscia conseruat patientiam.* Si iniusta decreta obruunt iustitiam, silentio appellatio ad supremum subsellium deducatur, expectatur illud tempus, quo promittit se Deus accipere iustitias iudicandi. Ergò vindicta, non alla debet esse Christiana, illa namque reprobatur, quæ mira & horrenda imprecatur, coquens vltionem: Ex tuo, Domine, silentio doctrina sumi potest, vbi nihil proficitur in corrigendò proximo, & in vanum laboratur, sermoq; inutiliter consumitur, ibi silentio potius vrendum erit, nec fatigandum, vbi nulla spes, vel fructus laboris sequitur, tam diu operari circa salutem aliorum oportet, quam diu speratur solatium conuersionis, si frustra.

frustra fieri agnoscitur, soli Deo, silentio & oratione commendanda res, hoc placet superis, neque meritum amittitur, sed ponderatur potius in libra coelesti, magniq; valoris esse reputatur, exemplo Domini, qui post tot conciones, & adhortationes Iudæorum, & antè & nunc Pilati, in passione prolatas, cum nihili æstimarentur, silentio, Deo Patri in sinum, saluandorum numerum reposuit.

Obseruârat Dominus tempora, quibus distincta opera sua manifestaret vniuerso mundo; non doctrinæ & loquelæ, verùm passionis tempus tum adderat, ideò pauca verba eius & miracula tacitè peracta. Nonné aspectu solo Petro subuenit? Nonné Longinum a pertione lateris sanauit? Nonné Centurionem morte solâ conuertit? Nonné latroni licèt defensori honoris sui parcè respondit, vtinam ego refrænem linguam meam multiloquam, & parcius vtar vetitis sermonibus, per meritum silentij Dei mei.

Tu anima desleas tot sordidas confabulationes tuas, imprimendo timorem amici Dei Iob, qui ad mille interrogata, ne vnum verbum respondere posse creatori factus est, illum diem re-

uocando in memoriam, quo de omni verbo otioso stricta ratio reddenda erit, demisso vultu dicendo ad Crucifixum; Fac tuo silentio Redemptor, vt in iudicio meo coram te accusatores mei obmutescant, & ego introducar ille, vbi absq; silentio incessanter clamant electi tui: Sanctus, Sanctus, Sanctus Dominus Deus Sabaoth.

CAPVT XI.

CHRISTVM interrogando Pilatus, quid sit veritas? noluit audire, sed foras exiuit.

Patientissime IESU. Exulârat veritas è mundo, quia nunquam eam cognouerat, antequam, tu ipsa veritas venires; dicit David: *Veritas de terra orta est*; non antequam tu terram, carnem videlicet nostram assumeres ex ea terra, sancta, incorrupta, eius fons & origo, at non ex sola terra, coeleste semen commixtum terræ, veritatis, Parens. Primò veritas fuit vsq; ad nubes tantùm, incognita, accessu difficilis; Moyses ascendebat montem, vt audiret de veritate, & vix posteriora meruit videre, tonitrua, fulgura, deterrebant à schola veritatis, ita vt Iudæi nollent à Deo

Psal. 84.
v. 12.

à Deo ipso audire veritatem, maluerunt per Moysen interpretationem eius admittere. Rarò Doctor veritatis in mundo inuentus, vetus prouerbi-um: *Veritas odium parit*; ideò iudicio Regis declaratus: *Omnis homo mendax, & mendaces filij hominum*, idem iterum increpat & redarguit. *Filij hominum & sœquequò graui corde, & quid diligitis Vanitatem, & queritis mendacium?* Non tantùm non quærebant veritatem mortales, sed potiùs hostem eius mendacium: quomodo ergò viam sciuisent veritatis, cùm contrarium iter ab eis inuestigaretur, vanitas & mendacium illorum materia, circa quam versabantur filij hominum, veritas abolita ab eis, obducta velo ignorantia, quia cùm festinatione dies vanitatis & mendacij transacti. Tu Domine venisti in mundum, & tecum veritas, quia tu ipse veritas, nec dissimulas te id esse, cùm ais: *Ego sum Via, Veritas, & Vita*; ipsimet inimici tui ad tentandum te missi, confessi sunt dicentes: *Magister, scimus, quia Verax es, & Viam Dei in Veritate doces*: aberrantes enim à via, ad veritatis veram semitam reduxisti: mendacium, veritatis semine iugulasti: veritate cognitâ

Rom. 3.

v. 4.

Psal. 61

v. 10.

Psal. 4.

v. 2.

Ioan. 14.

v. 6.

Mat. 22.

v. 10.

æternâ, vanitatem transitoriam è cordibus humanis euanescere fecisti.

At omnene genus humanum veritatem tuam secutum est? Proh dolor! pauci? in schola discipulorum, vnus vanitatis lucro deceptus, à veritate non tantùm discessit, verùm eandem falsis Pharisæis, scribis tradidit ad mortem, Pilatus fugit à veritate, interrogat Dominum: *Quid est Veritas?* & exit: Pilate cur non audis definitionem veritatis? Cur responsum de veritate à magistro veritatis non expectas? cur doceri recusas de veritate ab ipsa veritate? Ad quid interrogas, si celeri cursu à doctrina veritatis te proripis? Bene dixisti antea Domine. *Qui ex Deo est, Verba Dei audit.* Lima est veritas, quæ per verbum Dei profertur, illisq; prodest, qui sunt ex Deo Charactere eius glorioso prædestinationis notati: fortè Pilatus, si expectâisset ex ore veritatis responsum, veritatem agnouisset, & Discipulus eius factus fuisset, iam miser prætermisso tempore, quo salutem suam operari potuisset, longè recessit à veritate, & incidit in viam mendacij, & vanitatis. Licet enim innocentiam Christi publicè propalauerit, tamen ob vanam Cæsaris gratiam, mendacio

Ioan. 18.

P. 38.

Ioan. 8.

V. 47.

dacio condemnationis, præcipitium sempiternum sibi, & exilium à veritate acceleravit.

Sed quid ego Pilatum redarguo, cum me procul à veritate abesse non ignorem? quæro vanitatem & mendacium, omnibus diebus vitæ meæ. grauitè Deum offendendo, & transitorias voluptates sectando, expello vanitate veritatem, neq; enim in vno eodemque subiecto conuenire possunt simul.

Anima mea, declinando ad terram, fletu miscendo preces, dicito ad Redemptorem: Expelle à me Domine vanitatem, occupa cor meum veritate, non est enim quo vanitas intret, vbi veritas iam totum occupabit; da vt quid sit veritas, & interrogem, & responsum expectem, instruarq; de veritate. Tu es, mi Christe, ipsa veritas, qui pro veritate etiam mortem subiisti, concede, vt te perfectè agnoscere possim, veritatis doctrinam ingredi, quâ tutus ad vitam æternam perueniam, quam mihi viâ sanguinis tui pretiosissimi mercatus es.

CAPVT XII.

CHRISTI ad Herodem missio,
 & ignominiosa cum contemptu
 eiusdem remissio.

Luc. 20.
 v. 5.

Patientissime IESU. Quanta bla-
 sphemia à Iudæis commissa, in tui
 accusatione iniusta, maledicta vox, in
 Euangelio sic legitur; dùm enim Pila-
 tus nihil se inuenisse causæ fateretur in
 te, dixerunt Iudæi: *Commouit populum*
docens per vniuersam Iudæam, incipiens
à Galilæa & huc: Estne ista commo-
 tio, Iudæi? tot languentium curatio,
 tot mortuorum resuscitatio, tot fame-
 licorum saturatio, tot infirmorum sa-
 natio? hoc propterea factum est tuâ
 permissione, vt maiorem satisfactio-
 nem delictorum nostrorum, à Patre
 impetrare posses, ideò ampliori con-
 temptui occasio data verbis Iudæo-
 rum: Audiens enim Pilatus de Gali-
 læa, misit te ad Herodem, vt processio
 tua crebriori despectu augetur: steti-
 sti ergò in conspectu adulteri, qui cu-
 riositatis persuasione, signa à te fieri
 videre voluit. Non ad mentem eius
 tuum silentium, tu verò indignum iu-
 dicasti, coram eo maiestatis tuæ Diuinæ
 iura

fura ostendere, potentiaq; tuæ insignia explicare, qui fratris sui vxore polluit chalamum: qui Ioannem tuum famulum, & præcursores, redarguentem scelus, conuiuiali Choreâ capite minuit: qui persecutionem in Apostolos futurâ meditabatur executione. Stultitiam eius, & arrogantiam, & curiositatem silentio confundisti.

Quia verò prudentia mundi reputatur pro amentia in coelo, & è contra, idcirco ausus est Herodes te spernere, atq; irrisum albâ induere veste; nesciens, trium virtutum perfectionem, albedine tibi adscripsit. Alba vestis, quid aliud, nisi castitatem, innocentiam, aut simplicitatem, puritatemq; cordis designat? Spernitur talis vestis, in mundo, in aulis, in iudicijs, mundus quid magis odit, quàm has tres virtutes? Castitatem irridet, innocentiam, simplicitatem contemnit, puritatem despicit, ex aula exulat castitas, innocentia, simplicitas vili penditur, puritas sibilis & cachinnis excipitur, iudicia castitatem rarò defendunt, innocentiam sæpè condemnât: de puritate si dicitur, vix ad aures admittunt, amittitur causa harum virtutum non semel in iudicijs, & ipsa Christi causa non successit, quæ emine-

Vestis alba Christi, quæ denotat.

eminebat, in his tribus supra dictis perfectionibus.

Sed quæro à te imprudens Herodes, cur tu Dominum irrisisti? quæ causa contemptus? unde origo tanti despectus? Dicis, quòd nullo signo, vel miraculo, vt tu in superbo corde tuo meditaberis, & spe deuoraueras, te recreauerit Dominus? Minimè id merebaris, cùm signum Christi aduenientis in mundum, & miraculum Orbis, videlicet Angelum in carne (vt ipsum Saluator appellauit) præcursores Domini, sustuleris: Et fortè ideò non est dignus Dominus responso suo te honorare, neque verbo (quod intendebas audire) salutare, cùm vocem clamantis Ioannem Baptistam decolaueris, & inter fercula conuiuialia, crudelem discum, in quo caput eius repositum fuerat, in bestiarum natalis tui festo, collocaueris, & fortè ideò silentio te Dominus redarguit, cùm verba proficua, damnantia scelus tuum (in quo cum vxore fratris tui viui immerfus fueras) præcursoris Christi reieceris, & loco præmij, silentium capiti eius imposueris. Verùm & silentium Redemptoris tibi profuit; quod inimicitias inter te & Pilatum composuit: Ecce silen-

tij

tij qualis fructus: testimonio Euangelistæ: *Et facti sunt amici Herodes, & Luc. 23 Pilatus in ipsa die, nam antea inimici v. 12. erant ad inuicem.*

Per illud silentium Christi, contrito corde exores, anima mea, dicendo: Domine mi, non condemnes, potius per meritum tui silentij, inspires mihi paucitatem verborum, da gratiam silentij, vt clauso ore, in abdito conscientæ meæ, sileant cogitationes mundanæ, & ego occuper tacitè ruminando coelestia, vt sicut tuum silentium, inter Herodem & Pilatum, pacem operatum est; ita inter Deum Patrem (cuius inimicus hæctenus fui, sceleribus meis continuis iracundiam promerendo) & me vilissimam creaturam, concordiam stabilem constituas, vt & hęc motuum, & affectionum mearum consonam, in Dei Patris mandatis voluntatem geram, & in cœlo, vbi vera pax est, concordem cum omnibus Sanctis, inhabitem perpetuò mansionem.

C A P V T XIII.

Præpositus à Indais Barabbas

præ CHRISTO.

Patientissime I E S V. Ex vno contemptu in alium ruis causâ nostri,
& qui.

& quidem extremum, honoris videlicet. Quid non fit in mundo, vt honor integer seruetur? Mors ipsa eligitur pro honoris læsione, saluo honore, omnia salua. Et tu fabricator cœli, Dominus dominantium, Rex Regum, innocentia ipsa, honor summus, creator omnium, postponeris Barabbæ sceleratissimo mortalium, homicidæ seditioso. Aduoco in testimonium ipsum cœlum, & Angelos, quibus contumelia maxima illata, quorum Dominus, (cuius aspectu satiari nunquam possunt) tantam iniuriam passus, vt ipso perfido Barabbâ nocentior, publicâ voce proclamaretur: *Non hunc* (dimitte nobis Pilate) *sed Barabbam:* clamabant Iudæi.

Luc. 23.

v. 18.

Ioan. 18.

v. 40.

Verùm cum nihil frustra in tua passione Christe factum fuerit, quis scit, an non ob duo peccata communiâ mundi, in honore periclitatus es? superbiam scilicet, & nimium zelum impertinentemq; tuendi honoris. Lucifer antesignanus superbiæ, multos suæ sectæ habet alumnos, superbi nolunt alijs esse æquales, tantò magis minus æstimari, hæret illis obiectum Diabolicæ Philosophiæ in mente: *Similis ero Altissimo.* Ascendere nituntur semper

semper superius, magisq; eleuari cum Psalmista: *Superbia eorum, qui te oderunt, ascendit semper.* Phariseus orans in templo dupliciter superbiâ impetit, de se nimium præsumendo, & alium temerè contemnendo: *Non sum sicut cæteri, origo altior in oculis proprijs, præ cæteris sibi visus est, nec comparationem vilo modo ferre potuit.*

Tu Domine medicinam è cælo attulisti nempe humilitatem, eamq; docuisti, in postpositione tui Barabbæ, ille fur sceleratus, publicè tibi anteponitur, & tu pateris hoc, silentioq; concedis: imò permittis, vt re ipsa, te audiente tibi præferatur? Quæ comparatio Creatoris ad creaturam, summæ bonitatis ad insignem malitiam, sanctitatis ad peruersam vitam? Et tamen scelus triumphat, & innocentia rea agnoscitur. Honor delicata res in mundo, etiam mansuetissimos lacessitus commouet: non verbis, non verberibus, vix sanguine satisficit honori offenso, vnde tot duella, tot cædes, tot vindictæ sequuntur, non dimittit aliquando lesionem honor suam, etiam in tormentis, etiam in ipsa morte: Si illi viçato apponatur cogitatione infernus,

& poenæ illæ infinitæ, nihil prodest,
tanquàm cœcus omnia contemnit.

Ecce Saluator remediũ tanquam ve-
rus medicus, proponit cuilibet animæ
inflammatæ vindictã honoris, dicens
& inspirans cordi: Eheu misera anima,
quid vanos honores læsos, tam acriter
propugnas? Nonne ego Deus, qui di-
xi: *Honorem meum nemini dabo*, & mi-
hi honorem à creaturis deferri refer-
uavi, nihilominus contemnor, non
potuit mihi maior læsio inferri ve-
quàm, nec à magis vili persona, & ego
do manus non repugno, & loco vindi-
ctæ, sanguinem meum, pro contem-
ptoribus & conculcantibus honorem
meum offero: loco duelli, inermis cum
armato inferno concurro; & prostitu-
entes honorem meum è potestate e-
ius, & imperio eripio: loco cædis, me-
am vitam in mortem trado, vt derogan-
tes honori meo saluem, & vitam æter-
nam tribuam.

Erubescere anima mea, erubescere Chri-
stum, qui Barabbæ impio subesse, &
minor quàm ille in reputatione homi-
num censerì voluit: *Erat autem Ba-
rabbas latro.* Ergò plus quàm latro
Dominus? ille enim dimissus, hic re-
tentus, & loco illius condemnatus;
ille

Joan. 18.

v. 40.

ille peccauit, hic poenam exoluit: ut tamen scelera eius, passionis merito mererentur veniam, temporalis hæc impetrata est, non æterna. Tu anima confusa hac prodigalitate honoris, tui Domini, dic: Da mihi, ut & honorem meum, & vitam meam pro te contemniam, & per Passionem tuam merear honorari illo honore, quo tu promittis coram Patre tuo cœlesti honore afficere honorantes te.

C A P U T XIV.

Inaudita flagellatio CHRISTI.

Patientissime IESU. Post dimissionem Barabbæ, ut furori Iudæorum mederetur, ferocemq; vindictam emoliret, cum verba nulla ad dimittendum profuissent, frustra q; se laborasse cerneret Pilatus, ad verbera ventum, ut tandem visu cruentarum plagarum cicuraret cor Iudæorum, crudelitatis Leoninæ siti æstuans. O factum execrandum? contumelijs, & percussionibus faciei, & laterum fatigatus Domine, nondum auaram rabiem Iudæorum sedasti, necesse fuit, ut totum corpus flagris cæderetur. Imperat præses te flagellari, deponuntur vestes, corpus tuum Sanctissimum nudum, coram omni

populo exponitur, columna adest. at humilis, ad quam manibus ligatis, toto corpore ictibus excipiendis te resolueras, stas ergo cum Dauide dicens: *Psal. 37.* *Quoniam ego in flagella paratus sum:* *18.* Parasti animam cum resignatione patiendo pro delicijs nostris.

O Columna, nescio an te venerari, an vituperio afficere debeam? Hæsiso intellectu, si enim considero Deum meum proprijs manibus te tangere, quid felicius? si te instrumentum aduerto, per quod pars maxima Passionis Christi in salutem animarum nostrarum absoluta fuit, quid gloriosius? Si sanguinem pretiosum, quo aspersa es, intueor; quid sanctius? E contra, si pro latronibus, & executione iusta posita cum sis, eodem scelere innocentiam inuoluis, quid funestius? si Creatorem tuum ludibrio denudationis exponendo firmiter tenes, quid detestabilius? si inauditæ crudelitate sæuendo in Dominum, obtemperas carnificum voluntati, quid execrabilius?

Columna facta S. Lucie melius inseruit contra violatorem castitatis, stetit enim illa instar columnæ immobilis defendendo proprium virgineum pudorem,

dorem, tu lacerans membra niueæ castitatis Saluatoris, adhuc vltiori castigationi exponis, immota, fixaque: Vt tu ipsa fixa, ita & barbaries Iudæorum. Audicunne, vel oculi aliquando legere potuerunt (vt ipse Dominus cuidam Sanctæ apparens, testimonium perhibuit) vltra sex millia plagarum inflicta, aliquo tempore fuisse corpori humano, & tamen morti illud non succubuisse? Tam ergò atrocem flagellationem sustinuit Dominus, & cum speciosus præ filijs hominum fuisset, delicataque membra è Virginis puro sanguine sumpfisset, eò grauiores ictus, magisque sentientes, & penetrantes in corpusculo suo suauissimo, exceptit.

Plaga
vltra 6
millia
Christo
inflicta.

Describit Regius Propheta flagellationem Domini, in persona ipsius conquerentis: *Supra dorsum meum fabricauerunt peccatores, prolongauerunt iniquitatem suam.* Quid habet fabrica cum iniquitate? Imò maximè hîc conuenit. Fabrica à fundamentis exurgit, & verticem attingit, non cessatur à structura nisi perficiatur, tunc sionibus malleorum expoliuntur lapides, planè idem hîc secutum: scrutati sunt manibus carnificinis, ad medullas ossium, & iuncturarum. *A plantæ pedis ad vertex.*

Tob 2.
v. 7.

ricem capitis non erat sanitas in eo ; omnia membra liuore, sanguine, tumore plena, concurrerunt ad inferenda vulnera, & virgæ ferreæ, & scorpiones, & catenæ, & cuncta dolorem inferentia instrumenta. Prolongauerunt verè iniquitatem incessanter absque requie, acerbitatibus alijs, ac alijs nouis superuenientibus vsque ad mortem.

Promisisti Domine destruere templum te posse, id est, Corpus tuum, perfecta destructio fuit dilaniatio, & perforatio membrorum: infatigatus percipiebas plagas, fatigando ipsos percussores: At ego duplicem patientiam tuam vehementer admiror: vnâ, quòd sustinueris tam fortiter millenas percussiones; secundam, quòd tacitè hæc omnia toleraueris, nulla allata à te excusatio, nulla vox defensionis, nulla petitio remissionis, duplex enim meritum ad nos promanauit inde, remissio culpæ, & condonatio poenæ: pro hac, à poena æterna liberati sumus, pro illa, à culpa absoluti, Patri æterno reconciliati mansimus.

Anima, siccisné oculis, imaginatio-
neque flagellatum Dominum intueberis? ne flagellareris sempiterno cruci-
atu, tam dira pro te Deus sufferre di-
gnatus

gnatus est, denudatus est, vt tua peccata, turpes aspectus, denudationes, oculorum lasciuias curaret. Cadens in terram, deprecare Dominum, vt potius te flagellis in hac vita corripiat, quatenus euadas persecutiones spirituum malignorum. Si enim Christum oportuit pati, & ita intrare in gloriam suam, quid tibi non faciendum abiectissimæ, & peccatrici creaturæ? Nunc ergo compatiaris Saluatori, vt te introducat eò, vbi non erit amplius vllus dolor.

C A P V T X V.

Coronatio CHRISTI *spineâ* *Coronâ.*

Patientissime IESV. Debuit acquirere tyrannicum cor Iudæorum, dum discerptum corpus sacrum tuum, vulneribus ad ossa ipsa pertingentibus, intueretur, sed quia in inferno nulla vnquam misericordia comparuit, ideò non iussu Pilati, velut flagellatio, at insolentiâ militum, ex Pharisæorum vel mandato, vel vt magis illis complacerent milites, coronatio spinea, Lucifero ipso ministro, & auctore peracta, quæ describitur ab Euangelista his verbis: *Tunc milites presidio susce-*

*Mat. 27.**v. 27.*

entes lesuni in Pratorium, congregauerunt ad eum vniuersam cohortem. Et exuentes eum, chlamidem coccineam circumdederunt ei, & plectentes Coronam de spinis, posuerunt supra caput eius, & arundinem in dextera eius, & genu flexo ante eum, iudebant ei dicentes: AVE REX IUDÆORVM, & expuentes in eum, acceperunt arundinem, & percutiebant caput eius.

Descriptio inuentionis Diabolicæ. Quis vnquam legit, audiuit, cogitauit, de tali & tam infami coronatione? Omnia alia tormenta Saluatoris, licet in summo crudelitatis gradu; tamen in alijs etiam Sanctis, & sceleratis, in minori quantitate, & qualitate adhibita; Coronatio spinea sola, in solo Christo, & primò, & vltimò exhibita. Quis comprehenderet discursu, cur talis cæremonia acerbitalis plena perageretur? Deuota anima, intellectum acue, & deplorandò statum tui Redemptoris, ploratu insolentiam, & illusionem militum detestare.

Primò ergò tantum scelus non publicè, v. recundiâ solâ prohibente, & inimicorum insolentiam, intrò in Prætorio patratum, cohors assumpta tota, vt maiori ludibrio Tragædia decurre-

ret.

ret. Deinde veste exuunt Dominum, quæ vulneribus antea illatis ita cõaluerat, vt cum dolore summo à corpore auelli debuerit: postea chlamys coccinæ, vel vt alij scribunt, Purpureâ superindutâ, tum corona ex spinis facta acutissimis, in capite posita, arundo in manu, loco sceptri data, & tanquam Regi adoratio adornata, & spuris facies eius venerabilis conspersa: vrque magis caput torqueretur, arundine percutiebantur spinæ, vt cerebrum ipsum acerbissimis puncturis attingerent.

Quidam ex reuelatione notârunt, septuaginta duo vulnera capiti fuisse inflictâ, & quia nulla pars corporis vacua à plagis manere debuerat, ne & caput liberum à pœna esset, nouo exemplo corona imposita; quam nouitatem tam accuratè duo Euangelistæ descripserunt, vt ferè vix longioribus verbis, reliqua puncta Passionis descripserint. Quot dolores simul in coronatione apparuerunt? caput cruentum totum, corpus integrum, detractione vestis ad carnem sanguine agglutinatæ, plagis renouatum, crebra percussio arundine, maiore dolore cerebrum affecit, arundo in manu contemptu plena, flexio genibus irrisoria, facies spuris for-

*Corona
spinea 7
vulnera
Christi
capiti
infixit.*

data, intolerabilis acclamatio falsi Regij tituli auribus onerosa, vno verbo, succus, & quinta essentia malitiæ.

Verum tu Domine, tam funestâ tuâ coronatione, coronam nobis, quæ vel benè meritis, vel Imperatoribus antiquis dari solita erat, promeruisti. Dabatur corona ob ciues seruatos, & tu Domine tot electos, & totum mundum saluasti, ipso teste Caiphâ, cum tuâ morte tota gens ad cælum designata, non periit. Dabatur muralis, & tu murum Ierusalem in natura humana primus conscendisti. Tuo exemplo id futurum David prophetauit. *In Deo meo transgrediar murum.* Transgressus est, quando è limbo animam eius ad cælum deduxisti. Dabatur laurea. Tu in victricem, coronam spineam commutasti virenti tuâ Passione. Tu ipse & in Sanctis tuis vincendo infernum, triumphasti. Imperatores triplici coronâ honorabantur, qui mos adhuc perseuerat. Ferrea nonnè plus quàm ferrea tua Christe corona, vel potius sacrosanctum Caput tuum, quod tanquam durum ferrum, non cessit spinis, miraculosèq; vitâ superstite sustinuit, superauitque? Argenteâ honorabantur. Et caput tuum spinis tanquam igne argen-

argentum, examinatum, probatum, & purgatum à nostris peccatis, puncturis, & acuminibus spinarum, victoriæ, & innocentix colore album mixto roseo remansit. Honorabantur aureâ: Et caput tuum aureum gloriâ spinis, in natura tua humana toleratis, aureo perpetuæ immortalitatis, & incorruptionis dono, vt omnes electi splenderent, à Patre impetrauit.

Anima mea, si fieri potest, vltra terram te projice, & confuso vultu præ dolore Coronæ spineæ Domini, offer te ipsam in satisfactionem pro delictis proprijs rogans; vt spinis contritionis cor transfigatur, quatenus Corona spinea Saluatoris largiatur tibi cum S. Paulo, coronam videlicet iustitiæ, quam reddet Iudex iustus ijs, qui diligunt aduentum eius.

CAPVT XVI.

Ostensio Christi à Pilato multitudini, dicendo: Ecce Homo.

Patientissime I E S V. Iam planè, vt verbis Prophetæ vtar, factus es: *Vermis & non homo*; ostendisti te populo cum iniquo tuo assistente, duo verba proferente: *Ecce homo.* Non

carent mysterio. Sic enim fortè secum discurrebat Præses: ô Iudæi, obtulistis mihi hunc hominem, qui Deum se esse iactabat, & nunc ita illum castigavi, & tam duriter egi, voluntati vestræ importunè assentiendo, vt nec hominis quidem speciem præferat, per irrisionem appello, *Ecce homo*, quasi minimè homo. Ad quid dixeras hoc Pilate? vel potius, cur Passionem tuam Christe, hâc cæremoniâ illustrâsti? Concedas Domine diuinare datâ veniâ, de facto.

Cur Pilatus
Christum
ostendens
dixit:
Ecce Homo.

Aliquot causæ reperientur, vt contemptum tui Domine vlcisci possim compassione. Aut ad sedandos appetitus Iudæorum inordinatos factum, vt aspectu hominis amisso, Christus susteret pertinaciam intentatæ condemnationis: non secutus effectus, quod enim in meritum cedere cælum decreuerat, in maius crimen barathrum verterat, voces impiæ, commiseratione exclusâ, *crucifige* resonabant: sibiq; misericordiæ indulgentiâ ablatâ, pœnam vltiorem inuocabant, & clausis visceribus, clementiam Diuinam admittere prohibebant,

Aut exinanitio tua Christe (vt non tantum cum S. Paulo: *In similitudinem*
Philip. 2. v. 7. rem

nem hominis factus, & habitu inuentus
 vt homo; sed iam non homo,) causa.
 Nam ita charitas humana tibi illude-
 bat, vt non humanè, amore ingrato re-
 sponderit, & quæ compunctionis do-
 lore & pudore, etiamsi Deum non ag-
 nouisset, innocentiam iniuriosè tra-
 ctari, permittere non debuisset, con-
 trariâ insatiatâ crudelitate, iam non
 homini, pœnam acerbiorẽ, & quæ
 vitam deleret, clamore postulabat. Ac
 te ad omnia paratum Domine inuenit,
 solummodò, vt perditum genus hu-
 manum, à perditione æterna præser-
 uares.

Aut videbas hominem aberrasse à
 fine homini destinato, velut Creator,
 & in oculis tuis non homo, sed iumen-
 tum apparuit, secundum Dauidem:
Homo cum in honore esset, non intellexit: Psal. 48
comparatus est iumentis insipientibus, v. 15.
 & similis factus est illis. Quid maius?
 adhuc diabolis factus est homo similis,
 propter peccatum. Tu ergo Christe,
 qui sarcinam peccatorum alienorum
 portandorum, in humeros tuos susce-
 peras, vt ostenderes fœditatem scele-
 rum, speciosus formâ præ filijs homi-
 num, factus es adeò deformis, vt & pro
 homine non agnoscereris, & repræsen-

tando illusionem dæmonum, qui peccatoribus pœnitentibus insultant, Idæam irrisionum tuo glorioso vultu à Iudæis exhibitam, penicillo charitatis depinxisti.

Aut imitari tua facta exemplo docuisti, vt homo, seipsum & conscientiam examinando. An sit homo, diligenter inquirat? An digna Christiano homine peragat negotia? an nomen cum operibus conueniat? an in Baptismo abrenunciatione diabolo factâ, re ipsâ promissum expleat? an doleat cum sui iuramenti formam violat? Conscientia enim vniuscuiusque est Iudex vt Pilatus, qui hominem, vel non hominem esse, sententiâ suâ certò declarabit. Aut cogitandum, quid erit in die Iudicij, quando Christus vt Iudex apparebit, & an me hominem inuenerit, vel potius Dei Patris, & sibi cohæredem. Ad hoc enim Dominus venit in mundum, vt mundus & homo saluetur per ipsum. Deus factus homo, vt homo esset quasi Deus, Deus in præsentatione Pilati, in Passione factus non homo, vt homo particeps esset felicitatis Diuinæ.

Quàm pulchrum erit audire vocem Dei in iudicio: *Ecce homo*, qui imitatione

tionem mandata veri Dei, & hominis secutus in hac vita, præmio ut homo bonus, coronabitur. Nam si: *Dixit insipiens in corde suo, non est Deus.* Deus sapiens respondebit insipienti in iudicio, in corde suo; *non es homo:* itaque cum Angelis reprobatis æternum cruciaberis, uti nesciens Deum, & tanquam inimicus in perpetuum Dei.

Anima mea seriò multoties occurrat tibi figura Christi: *Ecce homo.* Intuere vultum deformatum, ruminata Pilati ludibrium, cogita Iudaicarum insultus linguarum, dicendo ad Redemptorem: *Ut sumentum factus sum, & ego semper tecum.* Sim semper tecum meditatione Passionis tuæ acerbæ, ut virtute eius mediante, præparata gaudia ingredi merear, quæ veris hominibus ad cælum prædestinatis, cruore benedicto promeruisti.

CAPVT XVII.

*Timor Pilati ob non perden-
dam gratiam Cæsaris.*

Patientissime IESU. Hucusq; Præses, non Iudicis, defensoris potius munus obibat tuæ innocentiae, sat fidelis propugnator, iam voce: *Si hunc Ioan. 1. 4. dimis-* *v. 12.*

dimittis, non es amicus Caesaris; adeo
 territus est, vt cœcitate internâ per-
 cussus, innocentiā condemnandâ ini-
 quam Iudicem se præbuerit. Mira-
 bile, Verba terrebant circa Passionem
 tuam, & Petrum ancillæ vox, & Pila-
 tum Iudæorum acclamatio: neque
 tantum timor secutus est, sed tanta me-
 tamorphosis, vt qui ante Iudæis com-
 miserat decisionem causæ, neq; se ma-
 culare decreto constituerat, iam cum
 audisset hos sermones Pilatus (vt E-
 uangelista ait) magis timuit, ac non
 rogatus, adduxit foras Iesum, & sedit
 pro Tribunali.

Ego potius, timorem priorem con-
 sidero versum in audaciam, constan-
 tiam in leuitatem: Primò timebat, ne
 perderet innocentiam, nunc audet eam
 condemnare. Primò nullâ causâ in-
 uentâ, noluit Iudicis personam susti-
 nere, nunc assidet Tribunali: *Ecce Rex*

Ioan. 19. Vester, & Regem vestrum crucifigam.

v. 24. Primò luctabatur cum Iudæis, de di-

Ibid. v. missione Domini, nunc tradidit eis Il-

152. lum, vt crucifigeretur. Pilate, vnde

tanta mutatio, in momento timor va-
 nus, expulit verum timorem, auda-
 cemque reddidit timor seruilis? verè
 Propheta dixit de talibus timoribus:

Ibi trepidauerunt timore, Sibi non erat P^{sal.} 18
timor. Cæsarem timuit, si dimisisset v. 6.
 Saluatorem, & ideò tamen prescriptus P^{sal.} 52
 dicitur, ac odium incurrit eius, cuius v. 6. 1
 gratiam aucupari posse, iniulto decre-
 to sibi imaginabatur: videtur eius se-
 pulchrù Lugduni Gallorum, signum,
 quòd in exilio vitam miseram finierit.

O vanæ spes, & timores mundani!

Timor Pilati, est doctrina, & Politico-
 rum modernorum instructio, quam
 sæpissimè imitantur. Heu, quando
 causa pauperis in iudicio proponitur,
 quoties timor causidici instat, conde-
 mnat iusticiam inopis? Verbum, *non*
es, vel, non eris amicus, adeò perstrin-
 git Iudicium intellectus, vt qui antea
 propugnatores veritatis fuerant, ver-
 tant subitò folium, & subtilitate euer-
 tunt iusticiam. Vtinam hoc non esset,
 falsòque hæc notarentur? Agitur de
 fide, & libertate Ecclesiastica, timor
 obnubilat cor, veremur bella, confu-
 siones, amissiones rerum possessorum,
 vsurpamusque crebrò illud Euangelij:
Sinite crescere vsq; ad messem. Timor *Matt.* 13.
 talis remissiores in tuendis iuribus Ec- v. 30.
 clesiasticis, & nunc, & ante facit Ca-
 tholicos; timor hic exprimitur à te
 Domine in Euangelio per noctem, &

ei assimilatur, quâ obcæcata mens humana, quasi dormit, somnoque graui oppressa iacet, interim inimicus homo superseminat zyzania, inde tot hæreses, schismata, scandala enata, quæ iam difficulter eradicari possunt, & quod dolendum, multiplicantur ferè quotidie timore nostro permittente. Timor Pilati regnat in cordibus mortalium, quando citius Deum, quàm hominem offendere malunt, ad nutus Dominorum statim mandata Diuina violant, & quod magis, ad ictus oculorum Heri, peccata exequuntur.

Anima mea fuge talem timorem, si optio daretur tibi, quem lædere mallet an Deum, an verò hominem, non occupet cor tuum momentaneum odium hominis, nec spes vanæ gloriæ, & præmij consequendi, considera illud dictum: *Spes impij tanquam fumus est, qui à vento diffunditur*, potius timore Dei arma te, qui in gehennam mittere potest te sempiternam. Si nunc interrogares Pilatum, quomodo ei placet timor Cæsaris? responderet in cruciatu inferni, detestando timorem cito transactum: de timore autem Diuino, quis dubitabit, quòd vertetur in summam consolationem, & tranquillitatem animi?

Roga

Roga ergo anima mea Crucifixi imagini adstans, vt vero timore suo, cor tuum Saluator repleat, time illum, qui æternitatis bonæ, & malæ clauem tenet: & timore (si amor insufficiens apud te est) inferni, ac tremendæ æternitatis, contemne timores mundanos, & potius tantum proficere coneris, vt tuus timor vertatur in amorem. Non timuit Dominus poenas pro te misero nocente sustinere, amor expulit timorem, imitare tu quoque Ducem tuum, neque timeas pati compatiendo Christo, & redamando eundem, dic effuso corde: *Confige timore tuo carnes meas, à iudicijs enim (non sæculi) sed tuis timui.*

C A P V T XVIII.

Lotio manuum Pilati.

Patentissime I E S V. Cæremoniâ Politicâ mundi, ante condemnationem tuam, vsus est Pilatus, lauit manus coram populo, dicens: *Innocens ego Matt. 27 sum à sanguine iusti huius, Vos Videte. v. 24. etis.* Pilate, duplici corde dicis, neque verba tua concordant facto, si innocens est, quare condemnas? si nocens, quare iustum fateris, & vocas, culpamque in alios transfers, dicens: *Vos Videte.*

Pfal. 50.
v. 3. deritis? aquâné tantum delictum abo-
lere, & abluere te putas? contrarium
Regi pœnitenti operaris, ipse non se
lauat, sed lauari orat: *Laua me Domi-
ne ab iniquitate mea, & à peccato meo
munda me.* Et tu lauas te, simulque
confiteris iniquitatem, inquinariſque
magis lotione, cum perfiliſ in perden-
do iuſto, & tamen mundum te putas,
alios peccato inuoluendo: In hoc be-
nè prophetâſti: *Vos &ideritè.*

Vident, & videbunt Iudæi, quanto
ſcelere polluerunt ſeſe, quantâq; ma-
ledictione propria capita, & descen-
dentium, inuoluerunt; dolenda ſen-
tentia eorum, & decretum ab ipsis in
Matt. 27
v. 25. ſeipſos latum: *Sanguis eius ſuper nos,
& ſuper filios noſtros.* Operuit illos
vindiçta, & temporalis, & æterna. In
ſpiritu condolet illis Pſalmiſta, & ro-
gat intercedendo, inducens ſeipſum in
Pfal. 63.
v. 2. perſona Iudæorum: *Salua me Deus,
quoniam intraverunt aqua & ſque ad â-
nimã meam, &c. Veni in altitudinem
maris, & tempeſtas demerſit me.* Aqua
ſanguinis Chriſti, vltia eſt Iudæos per
Romanos: In ſanguine Domini tan-
quã in rubro mari, perierunt cum
Pharaone; altitudo iudiciorum Diui-
norum, demerſit illos in profundum
infor-

infortunij, tantaque tempestas exorta, ^{Iudæi} vt dissipati, & vagi, ferè vsque ad ad- ^{propter} uentum Saluatoris in iudicium, eie- ^{Dauidis} ctique ex habitationibus suis, misere ^{postulati-} vitam sustineant. Non reiecisti tamen, ^{onem in} Domine, Dauidis petitionem, tandem ^{sine con-} in fine misereberis eorum, quod idem ^{uerren-} decantat: *Saluos nos fac Domine Deus* ^{147.} *Psalm. 105.* *nos, & congrega nos de nationibus, & v. 47.* *confiteamur nomini sancto tuo, & glori-* *emur in laude tua.*

Verùm quale hoc mysterium? Pila-
tus aquâ lauat manus, & Iudæi de san-
guine clamant, vt sit *supra illos, & fi-*
lios eorum. Aqua hæc immunda fuit,
quæ sanguinem effundendum declara-
uit tuum, Domine. Intellexerunt Iu-
dæi, & solitâ malitiâ appetebant sangui-
nem: Pilatus aquâ innocentiam suam
probare conabatur: Iudæi etiam, san-
guinis profusione tui, Pilato quasi ve-
niam promittebant, in se, & suos assu-
mentes culpam, verè dixerunt: *Super*
nos; nam non pro illis (quod ad effica-
ciam) effusus est Sanguis tuus, ô Re-
demptor, transfilij illos meritum Pas-
sionis, & nobis applicatum. Ideò po-
stea à Iudæis, neque Apostoli, neque
doctrina illorum acceptata, & hoc est,
quod S. Paulus alloquendo eos, dicit:

Quan-

Quandoquidem vos indignos iudicatis, semine Euangelii, sibiuis, & conuertemur ad gentes. Sicque receptum à gentibus Euangelium, quod simul fructum Passionis ijs applicauit, & contulit.

Anima mea, age gratias humillimas. Saluatori, quòd non sis. ex numero Iudæorum, quos sanguis eius. condemnat, lotionem imitare non Pilati, sed potius. Dauidis. Aqua illa versa est in sanguinem, hæc posterior, vocatur aqua poenitentiae, exprimet illa sanguinem, & dignum est, vt sanguis sanguine rependatur, si non re, saltem voto, & mortificatione. Quis scit, an non exprimere voluit Pilatus illa lotionem, repræsentareque iniustorum iudicum exemplar? qui leui aliquo dolore, extrinseco facto, sanguinea decreta eluere se putant, sanguineas maculas manuum, subtili elemosynâ redimere sibi pollicentur. Falluntur. Pilato non profuit aqua, nec sanguis Iudæis, nisi in perditionem. Deus auertat à Iudicibus poenam similem. Tu anima, te ipsam iudica, ne iudicaris à Iudice iustissimo, & terribili, neque simplici aquâ, verum durâ poenitentiam induta, exora, ne frustra pro te Sanguis Christi effu-

effusus, in die iudicij inueniatur: non sit *supra te, sed per te, & in te*, ad minimum vnã guttulã postules, satis erit pro tua salute, quæ pro toto mundo sufficeret. Roga ergò, vt conducat te illa ad vitam, quæ data est credentibus & quam promeruit morte suã Deus, & homo simul.

C A P V T XIX.

Condemnatio, & decretum infame Pilati contra Christum.

Patientissime I E S V. Pilatus itaque: Passuratione Iudæorum fretus, & se immunem à delicto reputans, decretum tulit contra te infame; vnum tale decretum à condito mundo, cùm homo Deum, peccator puritatem condemnat. A sæculo non auditum, nec audiendum, in iudicio comparuisse hominem Deum, & huic simile, vitam morte punitam. Pilate, si melius trutinasses, & in ferenda sententia deliberasses, fortassè mutasses sententiam, at orbis factus es, timor impertinens, non audita veritas, aqua sordida, quã lotus es, perfudit oculos tuos, ne agnosceres Dominum, futurumq; omnium & tui Iudicem: Data quidem fuit tibi
pote-

Ioan. 19.

v. 10.

potestas, vt ipse falsus es, dicens: *Potestatem habeo crucifigere te, & potestatem habeo dimittere te.* Verùm abusus es eâ tibi desuper concessâ, errâsti miser in electione, quia supremam potestatem iniquè iudicâsti: iudicium tibi assumpsisti, & illud non conscientia, non ius, non æquitas, magis respectus Iudæorum, & gratia Tiberij decretum formabat. Crudele, & terribile iudicium illud, quo innocentia absque causa legitima, solo causidico inuidiâ assistente, decernitur punienda. Tua Domine benignitas, & amor patiendi effecit, vt tanquam latro, & latronum pessimus ad detestandam mortem fueris designatus, cuius decreti, non alia causa, nisi vt nos à decreto æternæ liberares damnationis.

Vellem imaginari quale iudicium fuerit de hoc contra te decreto lato, inferni, terræ, cæli, video vbique & dolorem, & triumphum. Infernus triumphat, cùm inuoluit Pilatum Iudicem, & Iudæos peccato, qui iniquè tulerant sententiam: versus triumphus in dolorem, agnouit enim plene infernus hoc vno decreto à poena gehennæ, & formidabili decreto, genus humanum liberatum. Terra triumphat de iudi-

iudicio contra te prolato, cùm sublatu-
tus fueris, qui Iudæis vera dicere, &
redarguere scelera illorum liberè af-
sueueras. Dolet etiam terra, cùm multi
reuertentur post obitum tuum per-
cutientes pectora sua, & ad compun-
ctionem reuocarentur, & eadem terra
tremote præter naturam, amissoque
splendore mærorem testabatur. Cæ-
lùm triumphat quoque, pace factâ,
mediante hoc decreto cum terra, eâq;
publicatâ superis; Dolor occupauit
omnes coelites, qui tam indignè tractari,
& iudicari Creatorem à creatura vi-
dentes, commouebantur, testatique
sunt, per Solem, & Lunam obductam
nigredine, quâ amaritudinem propri-
am declarabant.

Quid tu facies anima, condolebisne:
Domino tuo, an gaudio exultabis, au-
dito hoc decreto? Relinque infernum,
neque triumphum, neque lætitiâ e-
orum admitte, imitare potiùs cælum,
& terram, vtriusque factum meditati-
one tuâ comprehende, compassionem
excita, gratias læta decantando, simul-
que profundum dolorem, ob tam cru-
delem, & ignominiosam mortem Sal-
uatoris. Ad hoc enim venit in mun-
dum, vt se exinaniret propter te, teque

lucraretur: passus est se condemnari, ut reatum tuorum veniam apud Patrem impetraret, non appellauit ab iniustissimo decreto, ut tu appellareris Filius Dei, & Cohæres in æternum Christi: statimque triumphus causam inuenies; cum post tale decretum Saluator de inferno, & mundo, & carne duxit triumphum: & tu eius virtute omnes hos inimicos superare poteris, dicendo: *Omnia possum in eo, qui me confortat.*

*Phil. 4.
v. 14.*

Decreto Domini iniusto, decretum illud Paradisi relaxatum fuit, aperti enim sunt cæli, & portæ patefactæ, cuilibet liber ingressus in illud: non sicut ante Passionem Christi, sanctissimi etiam homines, & in innocentia ex hac vita sublatis, non statim potuerunt ingredi cælum, expectabant aliquot milia Annorum, liberationem à Messia, ut Abel, Abraham, & reliqui clamabant assidue: *Rorate cali desuper.* Nunc apertæ sunt portæ, & multis ad cælum via patet, uti de S. Benedicto, & Francisco legimus, hi absque vllò impedimento euolârunt ad conspectum Dei.

*Isa. 45.
v. 8.*

Ergo anima mea alacriter perge, in cursu vitæ tuæ, & supplex ora Redempto-

demptorem, vt suo decreto iusto, iustam sententiã suam pro peccatis condemnantem mitiget, quatenus in dissolutione corporis, possis expectare iucundum illud: *Venite*, præualenteq; misericordiã eius, capere possis possessionem hæreditatis æternæ.

C A P V T XX.

Processio Christi ad montem Caluariae induti prius veste.

PAtientissime IESV. Decreto perleto contra te publicè, veste, quã indutus fueras ad ludibria, & cruciatus, exuunt te apparitores, & abstrahunt à sacrosancto Corpore tuo, & iterum ignominiosè denudant, restituntque priorem vestem, quæ sanguini tuo coniungitur, & vulneribus recentibus adhæret! Præcedit Magistratus, & turba, ad talem actum, multa se vndeque effundit, vt tuæ lamentabili processioni adsint quàm plurimi spectatores: Tibi verò iam ex plagis innumeris, verberibusque millenis, tum ex spinis penetrantibus cerebrum, debilitato, Crucem grauissimam imponunt portandam.

Q crudelitas absque vlla nota misericor-

ricordia! O duræ cervicis Iudæi! quod
 antea pessimè optâstis, vt verum Mes-
 siam ad mortem condemnaretis, peius
 adhuc continuatis. neque de leuamine
 aliquo afferendo cogitatis, sed onere
 insupportabili venerandos humeros
 deprimitis. In spiritu David intuitus
 hanc tuam Christe processionem, ex-
 clamat: *Iustitia ante eum ambulabit,*
 Psal. 84. *Et ponet in via gressus suos.*
 Psal. 14. *Ecce hoc*
 fit; iustitia Patris ante te ambulat, non
 ex tua culpa, quæ nunquam est, nec
 fuit, nostra delicta à te suscepta, talem
 iustitiam meruerunt, (respectu enim
 personæ tuæ Diuinæ, æterna poena in-
 tantam, & tam acerbam commutata est)
 quasi oblitus Pater sui proprii Filij, in
 corpore benedicto nostros excessus vl-
 tus est, & iustitiam ideò præcedere ius-
 sit, vt abundè illâ placaretur. Gressus
 verò tui, quos posuisti in terra fixos,
 quàm terribiles causant dolores? Non
 possunt esse horribiliores, quàm quòd
 tuo sanguine conspersi sint? nescio an
 felices, an infelices nominem gressus
 tuos cruore tuo manantes. Felices in-
 de, nam porta Paradisi antea occlusa,
 rubore tuo viso, quasi erubescens a-
 perta est. Infelices, Iudæos enim tan-
 to sanguine conspecto, plùs quàm ada-
 man.

mantina corda habuisse : respuerunt enim propriam salutem , neque emolliiri se passi sunt cruore Agni immaculati.

Ignoro an aliquis locus fuerit vacuus, & immunis à conspersione liquoris tui purpurei, & nihilominus contemptus, & vilis habitus, ad porcorumque transijt liberationem. Posuisti in via gressus tuos Domine, vt omnes clarè viderent, neque errare possent, sanguine tuo propterea notasti, & cruce vestigia impressisti, vt duplici viâ ad cælum humanum pertraheres genus. Martyrum vna, quæ imitatione Passionis tuæ, exactè custodit gressus tuos, pro ingentis pretij sanguine, proprium in recompensam (licet in comparatione exiguum, & non ad eò mundum) offert, munditiem consequens tuo: Confessorum, & mortificatorum altera via, quæ pondere portandæ crucis conatur assequi præeuntem te Dominum, & vocantem: *Qui vult venire* Matt. I
post me, tollat crucem suam. v. 24. Præcessit ergo & iustitia cum cruce tua, & vestigia cum sanguine iter monstrant. Vtinam & tu, mea anima, sequi posses vnam ex istis duabus viam, trita est, & à multis per tot millia annorum feliciter

confecta: stude vt ingrediaris illam, perueniasque ad montem, non ignominiosum, at gloriosum. Artifex enim cœlestis, crucem contemptibilem mutauit in adorandam, & montem Caluariz in montem gratiz. Vel si quis interpretaretur illud Regis: *Iustitia ante eum ambulabit, & ponet in via gressus suos.* Iustitia tua ante te in iudicio, id est, ante incredulos, & Iudæos, & reprobos ambulabit, & semper, & in æternum: hi misericordiã iudicati indigni, quia te iustitiam ipsam non agnouerunt, immò, quod peius, iniuste interfecerunt: ponet autem gressus suos in electis, videlicet, characterem indelebilem prædestinationis ad vitam æternam, quia ipsi te nõrunt, & tu nõsti eos, dicens: *Sicut nouit me viuens Pater, & ego agnosco Patrem.* Ideò: *Cognosco oues meas, & cognoscunt me mea.* Idem Psalmographus: *Nouit Dominus viam iustorum, & iter impiorum peribit.* Impij aberrârunt à gressu Domini, & in densas sylvas peccatorum, & laqueos inimici, iustitiã præeunte, inciderunt, & perierunt: Iusti autem sæpè per contemplationem cruoris Christi, & desiderium compatiendi, tum per afflictio-

nem

Ioan. 10.
v. 15.

nem membrorum suorum, vestigijs
adhærent tuis, idè error procul ab e-
is, notitiæque perfecta gressuum tuo-
rum adest illis.

O anima, anhela assiduè ad Crucifi-
xum, vt verè vestigia eius custodire va-
leas ad ipsum obitum tuum, rogando,
quatenùs processio tua vltima inhære-
at gressibus eius, quibus perducaris ad
montem salutis.

C A P V T XXI.

*Còactio Simonis Cyrenæi ad
portandam Crucem cum
Christo.*

Patientissime I E S V. Tandem com-
passio valde sera inuitavit Iudæos,
vt videntes te Domine grauatum cru-
ce, inuenirent quendam Cyrenæum
venientem de villa, eumque inuitum
angariauerunt ad portandum tecum
Crucem. Parua pietas, prorsùs minor
commiseratio, ex tanto numero, &
tam copioso, ne vnus quidem reper-
tus, qui sponte accurreret, associaretur
tibi, atque adiuuaret in tam graui o-
nere. Fortè hæc causa, quòd tu pri-
mus tanquam Dux cruciferorum, qui
post te baiulare nitebantur crucem, e-

xemplo tuo præiuiti, misera conditio humana nostra: fugimus crucem, tanquam rem detestandam, & potius Deum relinquimus, ne crucem feramus. Quot ob non portatam crucem temporalem, æterno macerantur supplicio? Quot non libentes cruci mancipati gemunt, blasphemant, lamentantur? qui si ex necessitate facerent virtutem, & alacres impositam crucem sustinerent, præmio honorarentur infinito, & nunc cum gemitu ad alterum gemitum æternorum cruciatuum deueniunt: Quot imaginantur sibi, & pollicentur, sine baiulatione crucis Christianæ, peruenturos se læto passu ad montem cælestis Ierusalem! falluntur.

Ego omninò puto istum Cyrenæum figurasse electos, (licet an ipse sit in numero eorum relinquo disputandū.) Electi in hoc mundo viuentes, pergunt ex villa vteri materni, cursu toto vitæ suæ in Ierusalem supernam, & velent intrare absque cruce, fieri id non potest: obuiam habent Passionem tuam, ibi per inspirationes, & occasiones, aliquando etiam per vim, vt Paulus, Eustachius, & alij multî, compelluntur ad portandam crucem, & tum
arma-

armatis illâ, primùm ingressus patet ad Ciuitatem illam, triumphus, & ornatu plenam. Hoc mirum, repertum vnum solum, & eum coâctum, vt tibi Domine socius esset in ferenda cruce. Terret cor animæ vniuscuiusque paucos esse imitatores crucis, propterea pauci electi, ideò suspirandum dilatato corde: vt simus de electis.

Dic anima mea, coge Christe tribulationibus, immitte angustias, ad crucem tuam baiulandam compelle intrare: Durus quidem labor, at præmium æternum. Quanta benignitas Saluatoris, non vult, vt integram crucem feramus: grauis est: nec Deus vt homo, voluit portare solus, ac sine auxilio eam ferre, ideò etiam crux Christi non integra, distributa in minimas particulas. Minima sunt, quæ nos toleramus, respectu dolorum Domini. Tres circumstantiæ in adiutorio crucis tuæ notatæ. Vna, opus esse adiumento alicuius: Alia, cogere oportet, vt feratur commodius crux: Tertia, non deposita ea ex humeris, nisi in loco à Deo Patre assignato. Passio Redemptoris est nostra imitatio, Quis posset nostrum in humero deferre crucem in hoc mundo, nisi illius adiutorio suffultus,

*Cruce cõ
Dei au-
xilio fer-
renda.*

Iohan. 15. qui de seipſo loquitur clarè : *Sine me
 nihil potestis facere.* Non deest auxilio
 Christus, qui vbiq; præſens est, no-
 uitque neceſſitates noſtras, ac paratus
 ſemper ad nos adiuuandos, ſed quo-
 modo potest cogi Deus? Potest om-
 ninò, rogari vult & non ſemel, petere.
 enim ab illo non eſt importunum eſſe,
 verùm obedire mandatis: ipſe enim
 Matt. 7. iuſſit vt peteremus: *Petite, & accipi-
 tis.* Oratione, boniſque alijs operi-
 bus cogi deſiderat. Quid iam ſperan-
 dum, niſi perſeuerantia? quæ omninò
 ſuccedet: non enim deponetur crux,
 niſi loco, & tempore à Deo præfixo,
 in monte illo gloriæ, vbi nulla crux,
 hic in mundo ipſa remanet.

Quid dices anima, ſi ad oculum vi-
 debis, nihil te circa ſe habere, niſi cru-
 cem? Caro, nonné crux? quæ te ad
 malum incitat, & retrahit à bono.
 Plumbea eſt, ex gleba terrena efforma-
 ta, idcirco ad imum tendit, teque ſe-
 cum ſemper compellit terrena ſapere.
 Mundus, nonné crux? quid blanditijs
 ſuis, & promiſſione longæ vitæ, sedu-
 cit, pollicendo vanè vana? Diabolus,
 nonné instrumentum crucis? miſeri-
 cordiam eleuando Dei, & iuſtitiam è
 contrario parui æſtimando, vt te non
 hanc.

hanc breuem crucem, sed sempiternam portare suggestionibus suis faciat? Conscientia, nonne crux? quæ te affidue torquet, & dilaniat, obijciendo varios scrupulos, & peccata in conspectu tuo statuendo, & quandoque ad desperationem inducendo? Honores, voluptates, damna, calamitates, inuidiæ immixtæ, nonne cruces?

Procide ergo anima ad pedes Christi crucem baiulantis, & apprehensis illis, cum lachrymis, inclinatoq; vultu, ora, vt quando sarcina corporis tui deponenda erit, sit tibi Dominus in refrigerium, accurrat inuitatus precibus tuis, & bono fine perseverantiæ tuæ benè facta coronet, vt in cœlestem Hierusalem ingredi, & montem montium ipsum Deum conspiciere in maiestate illius possis.

C A P V T XXII.

Trinus Christi lapsus cum cruce, vt traditio quorundam.

Patientissime I E S V. Admiror tuam debilitatem, cadis sub cruce, quid? nunc ante te procidunt omnes creature, de te canit Ecclesia: *O Radix Iesse,* Isaia 11, v. 10.
quis stat in signum populorum, super-

quem continebunt Reges os suum, quem gentes deprecabantur. Video nunc omnia contraria, corruis in derisum Iudæorum, contines ipse os sacrosanctum, non solum coram Regibus, sed etiam coram Iudice vno Pilato, gentium nulla deprecatio, potius totius populi auditur mala imprecatio. Quid causæ? Cur robur & vires tuas abscondis Domine, quas prædicat in spiritu David:

Psa. 117. Fortitudo, & laus mea Dominus, & factus est mihi in salutem. Anima, recognosce beneficium, considera misericordiam, aduerte intrinsecè sapientiam Dei, infirmus factus est, vt nos firmos redderet, cecidit, vt nos surgere-mus, & gloriosè resurgeremus. Debilitas humanæ naturæ assumpta, in terram eum deiecit, vt nos natura diuina eius ad cælum eueheret.

*Christus:
cur ter
sub cru-
ce ceci-
dit.*

Verum cur notatum de terno casu? stude meditatione, à longè rimari occasionem anima? vnum Deum, sed trinum in personis, peccatis nostris offendimus. Secunda persona Trinitatis, satisfaciendo in natura humana, trino casu reconciliat nos iræ supremæ: cæli Domino offert, vultumque cœlitum impetrat serenum. Triplicia sunt hominū scœlera, originalia, venialia,

alia, mortalia, hæc abluere venerat mediator, trino casu delet præcipitia nostra, impetrat veniam, cælum aperit. Peccamus nati, peccamus dum vivimus, peccamus dum morimur, ter ergò cadere debere Salvatorem, decreverat æterna sapientia:

Tria loca post peccatum assignata nobis, vterus cum delicto maternus, mundus semper malignus, infernus absque fundo misericordiæ: Trinus lapsus Christi præservauit mortales, qui ad vitam sunt prædestinati, ab hac triplici ruina.

Triples poena debebatur nobis, accidentalis, diuturna, æterna, præservati sumus medicinâ trinâ casus Domini nostri. Peccamus ferè triplici modo, soli, cum alijs, secreto, publicoque scandalo præbemus exemplum: expiatione trinâ, casus Christi placatus est Pater æternus, & facili poenitentia remittuntur scelera nostra.

Habemus tres potentias, quibus læditur diuina Maiestas: Intellectu, voluntate, memoriâ, distinctæ sunt, & diuerso modo vindictam à Deo expectant, ideò distincti casus Redemptoris, vt variarum noxarum elueret demerita.

Triplici modo prohibebantur animæ ingredi cælum: per retentionem, vt Elias & Enoch: per limbum, vt Patres: per purgatorium, qui non expletâ poenitentia è mundo excesserant; nulli olim rectâ viâ ad thronum Dei concessa, Passio, & trinus casus Christi, liberum accessum indulsit ad cælum, nullus iam mortalium cohibetur ab eius ingressu ipso die decessus, si absque peccato moriatur, & satisfactione absolutus compareat: non cum Ecclesia ad retentionem, non cum Patribus ad limbum, non cum aspersis maculâ ad purgatorium: directo tramite, viâ Passionis conscendit Paradisum, possessor eius fit, aperiuntur portæ à Ianitoribus constitutis, agnoscitur dignus intromissione: fit denique ex mortali immortalis.

Videtur quidem nobis exigua res peccatum, at in conspectu diuino pondus habet, & demergit ad centrum centri. Cogitatio nostra obscœna, quid est nisi ventus, & tamen solidam poenam meretur? ita, vt primus casus necessarius fuerit Christi, vt nostrarum cogitationum subueniret malo: verbum leue apud nos, de eo nihilominus rationem sumus reddituri in iudi-

cio, poenam, & hanc mitigauit secundus Christi lapsus, dum opere implemus desiderium noxium, summa subsequitur offensa Diuina, quam tertio casu Christus auertit. Difficiliter ascenditur mons coelestis: hanc difficultatem amouit Dominus trino casu.

Anima mea, non ter, sed si posses cum S. Iacobo, ter centies cadas super vultum deformem tuum, supplicando, vt quandoquidem non ter, verum infinities Deus erexit te, ne perires, erigat te Passione sua, & resurgere faciat constanter à praua, & inueterata tua consuetudine peccandi, à tot occasionibus impediens salutem tuam, & in hora vltima ab inferi casu, constituatque te erectum, & stantem, ad laudes Dei, & canentem illud Canticum, quo nunquam satiari possunt electi.

C A P V T XXIII.

Veronica occurrit Christo, & faciei eius impressio.

Patentissime IESV. Ecce multò melius Veronica pia mulier tibi compatitur, quàm gens Iudæa, non angariata, non coacta, festina occurrit,
& vi;

& visâ tuâ facie, quam antea nouerat,
 decoram, splendidam, candidam, rubi-
 cundam, delicatam, in qua aspicienda
 visus non potuit satiari Angelorum,
 multò minùs hominum, iam immuta-
 ta (quòd & parcè) vt verum fatear,
 vix agnita, spurca, fæda, sputis defor-
 mata, lacerata, conuulsa, despecta. Ob-
 stupuit S. fæmina, immisericordiamq;
 tot hominũ circumstantium detestata,
 accepto linteo, abstergit benedictum
 sanguinem, & faciem repletam cruore.
 Secuta statim merces, vultus Domini
 tanquam in speculo elaboratus, tan-
 quam excisus, tanquam impressus, re-
 mansit, remanet, & remanebit. Sis be-
 nedicta mulier, quæ & Christum ali-
 quo modo consolata es, & opem ali-
 quam exteris sanguine attulisti, nobis-
 que vultum eius horribilem aspicien-
 dum reliquisti, vt qui tempore Passio-
 nis eius, nec nati fueramus, nunc non
 tantum auribus, sed & oculis videndo,
 dolores eius lachrymis perfunderem-
 mus, (obiecta enim magis mouent sen-
 sus) Roma ostendit Veronicæ meri-
 tum, simulque incitat ad gratitudinem
 animam Christianam, & ad patiendum
 vicissim pro Domino, & ad fidem inui-
 tat.

Anima deuota cur non inuestigas, *Cur Christi*
quare voluerit relinquere Saluator *stus faci-*
vultum hunc impressum? Deus & na- *em im-*
tura nihil faciunt frustra, vel, vt quàm *presit*
gratum esset obsequium Veronicæ de- *lino Ve-*
clararet, reliquit vestigiũ faciei in lin- *ronica.*
teo, quo oblectaretur deuota fœmina,
præmiumq; maius in cælo certò cer-
tius speraret.

Vel, vt in nobis excitaret desiderium
sui, quatenus occurramus ei in Passi-
one, meditationeque, & assidua co-
gitatione, in sculparamus in cordibus no-
stris Veronicæ similem imaginem,
quod & in S. Clara sepulta in monte
Falconis peregrinis ostenditur, quod
& mihi aspicere contigit, dum Passio-
nis Christi mysteria, quasi arte excul-
pta, in eius corde fuisse monstrantur.
Et in S. Francisco imitatore crucis
Christi, extra, clauis in manibus, & pe-
dibus, & apertio lateris in corpore e-
minebat, interiorem compassionem
visibilibus signis prodendo, tum & alij
Sancti experti sunt idem, reuoluentes
memoriã efficaci, amaritudinem dolo-
rum Saluatoris.

Vel, vt à Veronica vultus exceptus
Domini, terreret inimicos crucis, &
opitularetur oppressis ab eis, quod fre-
quen-

quenter videtur Romæ, vbi multi ob-
fessi sacrâ imagine Veronicæ elatâ li-
berantur.

Vel, vt tam terribili visu faciei Chri-
sti, homo consideret iudicium vltimû.
Si enim ille immeritus, tantoperè fa-
ciem immutari sibi permisit, qualis
vultus erit damnatorum? Et ipsa facies
Iudicis, apparebit terribilis, cum, ver-
bo *ite*, repellat à iucunditate visionis
sux, inferno destinatos. Neq; hoc extra
mysterium, quòd non in alia materia,
at in linteo depingere voluerit Chri-
stus vultum proprium. Qui enim ex-
primere conatus fuerit in corde suo,
& repræsentare sibi crudelem eius Pas-
sionem, debet esse mundus, & albus.
Munditiem requirit, & albedinem in-
ternam à nobis Deus, fugit ab immun-
dis, nec videri se patitur, dicendo:
Beati mundo corde, quoniam ipsi Deum
videbunt. Conformando se Deo in
munditie in hoc mundo, & in cælo in
albedine casta, quisquis ille erit, vide-
bit, prout in se est, Deum.

Matt. 5.
v. 8.

Anima mea, occurre cum Veronica
Redemptori, atque in secreto conclau-
cordis, pleno compassionis affectu, in-
tuere faciem à Veronica exceptam in-
decoram: Deformis enim factus est, vt
te for-

te formosam faceret, immutârat splendorem, vt tu sicut Sol radios emittes lucentes: exijt se venustate, vt te indueret veste immortalitatis. Verùm hîc prius munda per confessionem, & contritionem conscientiam tuam, hâc visâ, certò relinquet similitudinem faciei suæ in visceribus tuis, vel potiùs te in se transformabit: vt sicut nunc inueneris mente vultum dolorosum, ita in cælo aspicias vultum eiusdem, re ipsâ gloriosum.

C A P V T XXIV.

Expendenda verba prolata à Christo ad filias Hierusalem, Nolite flere super me.

Patientissime I E S V. Felicior fuit Veronica præ filiabus Hierusalem, illa, mercede Sancti vultus tui retentâ, inter luctum lætior abiit. Filix Hierusalem lachrymas suas tibi offerunt, & duro responso admonentur: itané pro compassione minæ, Domine mitissime? Aliud iudicium Dei à nostro, nouit ipse corda hominum. Ex muliebri affectu tantùm fletu excitato, non satis fit Saluatori, verus dolor, & compunctio cordis requiritur, vt benigno, quis

Quare Christus filias Hierusalem prohibuit flere,

quis responso à passio Christo recreetur. Ruminanda sunt seriò horribilia verba Domini, & in viscera profundè immittenda. *Filii Hierusalem nolite flere super me, sed super vosipsas flete, & super filios vestros.* Fortè voluisti dicere: Ego fletu vestro non indigeo, & consolationes omnes respuo, ipontè me in has submissi pœnas, ac Passio mea breui in gloriam, commodumq; generis humani conuertetur: At vos fletum vestrum in vos ipsas vertite, quæ non recepistis doctrinam meam, respuistis admonitiones, Messiam verum non agnouistis, sicut & filij vestri, quos molliter educastis, genimina viperarum, qui tam ingrati extiterunt, vt visis signis, miraculis, prophetijs, prodigijs, me loco gratitudinis ad mortem condemnârunt, & quòd crudelius, vt meus sanguis caderet super illos, & filios eorum, publico clamore præoptârunt.

Sequuntur postea vltiora acerba verba Redemptoris: *Quoniam ecce venient dies, in quibus dicent, Beata steriles, & Ventres, qui non genuerunt, & Utera, qua non lactauerunt.* Hoc ferè voluit intelligi. Iam quidem bonos ducitis dies, optatis vobis prolem, vnde

vnde consolationes vestras quærat, & genio indulgeatis, verum ecce prædico, quia veniet dies, dies vltima, & amara, dies iræ, quando æternâ damnatione vos cum filijs vestris coârcetati, perpetuo planctu, & vlulatu, fridoreque dentium, infernum replebitis, ac in mutua odia, & execrationes, & rabiem conuertimini, maledicentes diei, quâ nati estis, optantes, vt nunquam fuissetis emissi ex vtero, sterilitatem foecunditati præferentes.

Procedit vterius Dominus in terribili sententia: *Tunc dicens montibus, Ibidem
cadite super nos, & collibus operite nos.* v. 30.
Innuendo de vultu suo, quem nunc filij vestri, & vos tot ludibrijs, & verberibus affecistis, in iudicio extremo faciei meæ, & Maiestatis splendorem non feretis, & abscondi cum S. Iob velletis, ne aspicere possentis, inclamabitis montes, & colles, vt cadant, & operiant vos, non fiet hoc, iuxta opinionem D. Bernardi, potius continget, quod dicit: *In conspectu Iudicis æterni, damnatus apparere erit insolubile, latere impossibile.* Vel etiam per montes, & colles Dominus vanitatem designat, & superbiam, quâ in vita Iudæi eleuabantur, dolebunt post mortem,

tem, & vellent humiliari, & non videri, nihil verò illis proficiet hæc inuocatio: ibunt in ignem æternum cum suis vanitatibus, & in centro terræ humiliabuntur.

Ibidem
V. 31.

Concludit tandem plenis timore verbis: *Quia si in aridi ligno hoc faciunt, in arido quid fiet?* Id est: Si ego, inquit, qui florui in diuinitate mea ab æterno, & in æternum florebo, & in innocentia mea, etiam homo cum sim, floreo, tamen tot flagella, propter aliena peccata dorsum meum excepit, & adhuc ferreos clauos sustinebit, & ab ijs in cruce sustentabitur, quid vobiscum fiet? cum iusto Dei decreto, tanquam arida ligna, quæ citò concipiunt ignem, projiciemini in gehennam, vbi experiemini flammam, nunquam extinguendam? Verè arida ligna, quæ nullum fructum, neque ex virenti Passione mea retulistis, neque ex mandatis meis percepistis, ad nihilum ergò valetis, nisi vt projiciamini in flammam æternitatem.

Tu anima mea, cum Veronica potius occurre Christo, & vultum eius exterge linteo doloris, quàm vt simplici fletu ex timore seruili proueniente, cum filiabus Hierusalem, Dominum

minum prosequaris, virensque bonis operibus, crucem eius dulciter amplectendo, deprecare humiliter, ne cadant in te tam horrenda verba Salvatoris, sed ut sanguis pretiosus eius, pro te etiam effusus inveniatur.

C A P V T XXV.

Maria luctus videntis à longè Filium cruce gravatum.

Patientissime I E S U. Extra dubium est, Matrem tuam secutam esse, & comitatam, tuam atrocem crucis baiulationem. Sed quid causæ, quod illam insalutatam præterieras? Ad Veronicæ occursum nihil locutus, pignus faciem tamen impressum ei reliquisti: filiabus Hierusalem pro fletu (ut vel sic tantum respicerent) damnationem prædixisti: Matri tuæ dilectissimæ, nec Ave dixisti. Et quod magis, nemo Evangelistarum, ne quidem mentionem Mariæ præsentis, & doloris calamo descripsit. Non casu factum, nec frustra: est & hoc ad augmentum Passionis utriusque, & Filij, & Matris. Filius præ mæstitia, nec verbo, nec aspectu, languentem animam exacerbare Genitricis suæ voluit. Mater vix præ gut-
tis la-

tis lachrymarum intueri sanguine ve-
 latam faciem Filij valuit, reciprocus
 dolor ita radijs compassionis vtrumq;
 cor affecit, vt vtrique ori silentium
 imposuerit, ne locutione intrinsecum
 affectum commotum amborum ali-
 quo modo mitigaret: nec in multilo-
 quium descendit Mater, sciens verba
 eius, quasi noua verbera Filio accedere
 posse: & vicissim aperire nouos & la-
 chrymarum, & sanguinis fontes.

Intuere interno oculo Matrem, a-
 nima, quàm fœcunda fuerit afflictionis
 eius materia: Videre Cirenæum ali-
 enigenam, iuuare baiulando crucem
 Domini, & ipsam otiosam, solo dolore
 occupatam stare: Sed quid? Fortè ipsa
 maius pondus addidit, iuuando spiritu
 laborem Filij, prompta ad auxilium
 ferendum, alacris ad latera propria
 supponenda oneri dilecti. Sanguinem
 extersisset melius Veronicâ, assueta à
 puero seruire nato, erexisset è terra
 depressum cruce, amore materno
 compulsâ: Non permissum. Ergò &
 sibi, & Filio sarcina dolorum maior
 imposita, non posse ferre opem aman-
 ti, quanta pœna? Non posse iuuari ab
 amante, non minor afflictio? Christus
 vtrumque nouit, & Matris desideri-
 um, &

um, & propriæ voluntatis inclinatio-
nem. Clauferat spontè ianuam solatij,
volensque proprium, & Matris leua-
men amouit, & Euangelistis obliuione
silentium indixit.

Quid ad hæc Mater : non ignorabat
talem esse voluntatem Filij, viscera ta-
men materna acerbitate plena gere-
bat. Resignatio perfectæ obedientiæ
erga Deum, tolerabat tot ictus cordis
amaros, coniunctio interim sanguinis,
& visio effusi in Filio, lachrymarum
fluuios vberrimos, ministrabat.
Admonitio etiam illa ad filias Hieru-
salem Saluatoris, penetrauerat animam
Mariæ. Si enim conseruabat antea om-
nia verba Filij, quid iam idem &
tunc non fecerat. Cognouerat copio-
sum sanguinem dilecti effusum, non
omnium saluti profuturum, & quæ
maior cogitari potuit interna angustia?

O Anima mea, duplica affectum
compassionis, & Matris, & Filij, & per-
pende, quantâ amaritudine repletæ e-
rant benedictæ illæ animæ ? quanta
pluuia sanguinis & guttarum, ex o-
culis, & corporibus defluebat ? Quot
gemitus & singultus numero nasce-
bantur ? Hæccinè Mater consolatio-
nis, versa in exemplum, & prototypon

mœroris? Ita, anima mea, factum tibi
 in exemplar, tu oculis internis admi-
 rare, & obstupesce tantum dolorem
 Mariæ: oculis externis iunge fletum
 fletui, riga genas squalore, memoriâ
 reuolue innocentissimarum lachryma-
 rum imbrem, quem Virgo & Mater e-
 misit, sequens Filij tam ignominiosam
 processionem. Baulantem verò cru-
 cem Dominum, demisso vultu, & con-
 sperso capite cinere compunctionis,
 supplex adora, petens, vt potius hîc ei
 iungaris dolore, considerando & ipsius
 infamem deductionē in montem Cal-
 uariæ, & tuæ futuræ processionis mo-
 dum post obitum, quando exutâ car-
 ne, ante Tribunal illud seuerum dedu-
 ceris, adsistat tibi Mater tunc dolorosa,
 iam verò gloriosa, pro te suas preces
 interponendo ad Filium, vt potius
 concedat tibi hîc crucem quamcumq;
 grauem, immissam à Deo, suauiter
 tolerare, quàm illam æternam cum re-
 probatis portare: Roga, vt ille luctus
 Mariæ, quo Filio viso à longè, debili-
 tata fuerat, te confortet, contra om-
 nes insultus inimicorum inuisibilium,
 & ad illa, quibus iam fruitur, gaudia,
 per merita & Filij passionis, & propriæ
 compassionis, deducere dignetur.

C A P V T XXVI.

*Detractio vestium, sanguine
cum carne Christi con-
glutinatarum.*

Patientissime I E S V. Superatâ viâ
dolorosâ, & Monte ipso, ad locum
funestum, mortique destinatum per-
ueniendo, deposita ex humeris tuis
trabea crux, vel potius vi detrusa, vnde
nulla omninò secuta requies, sed ad
maius cum inferno certamen descen-
disti: ita vt ascendendo montem alto-
rem, eminentioremque locum, sup-
plicia quoque grauiora, & asperiora te
comitarentur. Prorsùs gradatim tua
Passio augebat dolores, vt quò vicini-
morti esses, eò maiora tormenta sacro-
sanctum tuum exciperet Corpus. Quid
ergò? fortè vestitus affigeris cruci?
Non. Adhuc crudelitas Iudæorum e-
xuet te, & spoliabit tegumento. Scie-
bat insania Pharisæica, post tot vulnera
inflicta adhæsisse vestem tuam membris
tuis, & crucis pondere magis ossibus
coniunctam tunicam intrâsse in pla-
gas, ergò nouus dolor succedit, summo
nisu detrahitur vestis, quæ totius cor-
poris alteram induit Veronicam.

O Anima deuota Christo, potesne concipere cogitatione tantum Domini dolorem? Renouata sunt omnia iterum verbera, & cruor concretus, iterum fluere, & rore rubeo, recrudescente conspergere membra cepit: meditabatur idem Dauid, dicens: *Quoniam quem tu percussisti persecuti sunt, & super dolorem & vulnerum meorum addiderunt.* Voluit quasi exponere in persona Christi: Tu Pater me filium tuum percussisti, nihil enim mihi Iudæi facere poterant. Tu ergo permissione percussisti in me scelera populi tui, at Iudæi persecuti sunt percussio- nem, & quidem talem, vt adderent dolorem, supra dolorem, & in flagellatione, & in coronatione mea spinea, quid aliud, nisi dolore me summo affecerant? Nunc verò adhuc, magno conatu detractâ veste, & separatâ, vi à conglutinatis membris meis, flagellationis, & omnium vulnerum cicatrices iterum duplicârunt, & antiquis novos cruciatus addiderunt, & cum esset tunica inconsutilis, per caput deponabatur, ergo spineam coronam depositio mouit, & cum motu ingentes renouauit per puncturas dolores. Et in alio Psalmo: *Ipsi verò considerauerunt,*

Psal. 68.

v. 27.

Psal. 21.

v. 19.

Et

Et inspexerunt me. Hoc fortè designabatur: Nondum satiata corda tygrina Iudæorum voluerunt, adhuc videre iterum mea vulnera, magisque insultare, & cum vindictæ triumpho considerare, ac inspicere ex mera, & insatiabili malicia, vestimenta autem mea cruenta in terram abiecerunt.

Non aliter Pater cœlestis, vti Iacob visâ tunicâ filij sui Ioseph, agnouit illam, dicens: *Tunica filij mei est, fera pessima comedit eum, bestia deuorauit Ioseph.* Quam feram, & quam bestiam Pater cœlestis appellauit? Inuidia Iudæorum fera pessima, non poterat tolerare veritatem, comedit ergò damnatione crucis: Bestia verò non alia, quàm infernus, qui morte putârat deuorâsse charissimum Ioseph, sed sicut Iosepho nihil nocuit fraus fraterna; ita & Christo; Iudæi enim perierunt à Romanis. Infernus ululat ad illa verba: *Vbi est mors & victoris tua?*

Quæres anima, quare vestis detracta Christo, & cum dolore, nec amplius imposta? quia nudus cruci appendi voluit: Quis scit, an non idè, vt per vestem, consuetudinem peccandi notaret nostram, difficulter à nobis auellitur, habitus contractus scelerum,

Gen. 37
v. 33.

Cur vestis Christi cum dolore detracta, nec amplius imposta.

quo tanquam vestimento operimur, unde in Psalmo: *Operiti sunt sicut diploide confusione suâ.* Caro nostra vanitatibus delectatur, & inuoluit se tanquam in aliquo pallio vel tegumento, difficile est relinquere consuetudinem peccandi. Qui ergò crucem Christi sequi desiderat, oportet vt se exuat hâc tunicâ, cum dolore quidem separatur, at meliùs hîc parùm pati, quàm æternis supplicijs in illa vita torqueri, nudus animus crucem facîle ascendit, non habens vllum impedimentum, quod

Gregor. & D. Gregorius affirmat: *Malignos*
 om. 33. *spiritus nihil in hoc mundo proprij posside-*
 n Euan. *re, nudos ergo cum nudis luctari oportet; nam si vestitus quisquam cum nudo luctatur, citius ad terram desicitur, quia habet unde teneatur. Quid enim sunt terrena omnia, nisi quadam corporis indumenta? Qui ergo contra Diabolum ad certamen properat, vestimenta abiciat, ne succumbat.*

Visâ ergo cruentâ veste Saluatoris, Anima, denuda te ab operibus carnalibus, precando Redemptorem, vt te induat nuptiali veste, mediante Passione suâ, ne excludaris à cœna magna inuitatus, cœnâ, inquam, illâ, nec apparatu, nec tempore vnquam cessatura.

CAPUT XXVII.

Denudatio Christi, & pudor
coram populo.

Patientissime I E S V. Ita absque ve-
 ste nudus comparuisti coram om-
 nibus, vel potius sanguine tectus, tu
 dicis apud Regem tuum conqueren-
 do: *Sicut aqua diffusus sum, & disper-* Psal. 21.
sa sunt omnia ossa mea. Quod inferius v. 14.
 explicatur: *Dinumerauerunt omnia* Psal. 21.
ossa mea. Non possum iudicium ferre v. 19.
 Domine, quid te magis afflixerit, an
 ingentes illæ poenæ, an denudatum
 stare coram inimicis. De te dictum an-
 tea: *Qui vestis calum nubibus:* & nunc Ps. 146.
 tibi vestis deest, hinc ad Patrem tuum v. 8.
 illa vox querula: *Propter te sustinuit* Psal. 68.
opprobrium, operuit confusio faciem me- v. 8.
am. Et agnouisse hoc Patrem tuum
 profiteris, dicens: *Tu scis impropri-* Psal. 68.
um meum, & confusionem meam Quæ v. 20.
 maior confusio, Dominum cæli &
 terræ spoliatum, indumento compa-
 rare? A te, velamen virgines, & alij
 in Martyrij duello acceperant. ut de
 sororibus S. Irenæ traditur, cum Iu-
 dex Dulcitus illas denudari manda-
 set, vestes corporibus eripi nullâ vi

potuere, pugnante pro eis & mordicus retinente cogas pudore: Tibi verò Saluator tam facillè & contemptim omnia ablata, vt nudus remaneres? Propriè dixisti; *confusio operuit faciem tuam*, tu enim scis quanto pudore afficiebaris, & quanto risui aduersariorum exponebaris? Pater vidit confusionem tuam, & commotus est.

*Christus
quare ter
denuda-
tus.*

Anima mea & tu considera, quantum patiebatur verecundia in Christo: si causam inuestigare volueris, ex te & tuis peccatis origo. Ter Dominus denudatus est, in ipsa primò flagellatione, secundò ante crucis baiulationem, nam coccineâ veste exutus, & propriâ indutus fuit, tertio ante affixionem in cruce, in qua & nudus obiit. Non frustra hæc omnia, peccatum luxuriæ Dominus denudatione eluere decreuit, quod in triplici differentia accidit, peccatur cogitatione, verbo, opere. Cogitationes nostræ, vanæ, turpes, immundæ flagellârunt Dominum, & quia variæ tentationes, concitant carnem, varijs etiam instrumentis castigabatur sanctissima Caro, numerum enormium cogitationum quis assequeretur? nec facillè poterant numerari plagæ Christo inflictæ, ad multa millia ictuum ex-

um excepisse credibile est, significando absque numero inhonestas nostras esse Deum offendentes cogitationes: verba nostra, quàm profana, & scandalosa? complacemus nobis vt obscœnis locutionibus, & iocis abominandis tempus teramus, Saluator pro verbis exurus totus, & flagellatus.

Togâ illâ irrisoriâ, antequam vestiretur propriâ, ante baiulationem nudus fuit, ibi cachinni, & ludus ex Domino: ibi scurrilia verba inimicorum audita: sic irriso, & vestito crux imposita, vœ nostris confabulationibus, quibus iterùm denudamus Christum, & crucem grandem sceleribus nostris imponimus ferendam?

Tandem ante crucifixionem terciò, deposito vestimento denudatus est Saluator, vt consummationem peccatorum nostrorum, intelligamus. Quid enim aliud est, ad effectum perducere peruersas cogitationes & verba, quàm Deum, vt hominem cruci affigere? ne moreremur in actu tam nefando, Dominus nudus mortuus est, ita opere impletum peccatum, crucifigit ad mortem nudum Redemptorem?

Occurrat tibi, anima, imago non tecti Saluatoris, & recordare, si te cogi-

tatio mouet ad illicita, reflecte cor ad eius flagellationem, hæc te moneat, & terreat, sciens Dominum tuum propter te sustinuisse & pudorem, & dolorem: si tibi verba, & sermones inter sodales arrident, recogita Dominum tuum ante vestem reassumptam, & impositionem crucis, totum corpus apertum, & nudum ostendisse, verecundiamque ipsam in ruborem conuertisse: si tu ad consummandum peccatum mortale, inferno instigante traheris, eleua oculos tuos ad denudatum, & mortuum in cruce Deum tuum, cohibe impetum, siste gradum, clauis amoris deuenerunt illum in ligno, & te clauis eius doloris absterreant à peccato, vt mors ipsius vita tua sit, pudeat quidem te delictorum tuorum, sed non pudeat denudare in confessione: talis denudatio sola commendatur à cælo. In te ipsa, verecundiâ excitatâ defige vultum in dilectum tuum denudatum, procidens, & adorans, vt merito eius denudationis, pudorem, & nuditatem æternam euadas.

C A P V T XXVIII.

*Christi in terra ad Crucem
clauis cum dolore affixio. Pa-*

Patientissime IESU. Nudus, & prostratus in terram, cum summa immanitate militum aptabaris ad crucem, & fortè vna manus primò post aliam clavis perforabatur, trahebatur, ingentique percussione vulnerabatur, tum deinde secunda manus succedebat ad pœnas, & extendebatur cum dolore, ac vulneris dilatatione alterius? Pedes idem sustinuerunt, vel vno clauo vterq; vel separatim ad lignum adacti: & si clauus aliquis, aut debilitate fractus, aut torsione ad partem inutilis factus, statim extrahebatur, alterq; loco eius immittebatur, quanta tormenta tibi Domine hæc omnia inflixerant? Euangelistæ tam atrocem pœnam omiserunt, vel relinquentes considerationi mortalium, & deuotæ commiserationi, vel quòd satis fuerit, conquestum fuisse ipsum Dominum Patri, & nos cessasse aperire dolorem. *Fode- Psal. 21. runt manus meas, & pedes meos, dirimerauerunt omnia ossa mea,* quasi diceret, (supino corpore positus in terra, vt è diametro, obiecto cælo visui, liberius alloqueretur Patrem.) Ecce vides mi Pater, quanta ego patior pro humano genere eliberando à carcere peccati, vt tantum tuæ iustitiæ Diuinæ

satis fiat, inaudita in me omnia tormenta Iudaica rabies exoneravit, nec satiati adhuc sunt, eò ad extremum deuentum, vt perforarent clauis, & manus, & pedes meos, & ita quidem extenderunt in latum, & longum corpus meum, vt facile dinumerare possent ossa mea, ita fortiter separarunt manũ à manu, pedem à pede clauis, vt quælibet ossium compago, & ex flagellis præteritis, & ex renouata distensione, ad oculum appareret.

Quid ergò inferre voluit Dominus: fortè vindictam optabat à Patre. Profitetur quidem ibidem se à Deo exauditum: *Nec auertit faciem suam à me, Psal. 21. v. 26. Et cum clamarem ad eum, exaudivit me.* Et S. Paulus attestatur similiter: *Exauditus est (à Patre) pro sua reuerentia.* Nam misericordiã motus Deus Pater, videns tantum cumulum acerbitarum filij, non abnuebat, vt quod peteret, obtineret, sed quid rogãrit in cruce, audiemus inferius, & bonitatem eius mirabimur. Satis erat nunc manifestasse, & ostendisse Patri clauis discerptam carnem suam, adeò, vt ad numerationem ossium feritas carnificum liberè accedere posset.

Cur Christi
suo manus

Tu anima, audi hanc querelam: tibi enim

enim debetur deuotè aure cordis attendere ad tantum Domini cruciatum; voluptates, ad quas manus, & pedes liberè relaxamus, expiabat Saluator, illam Euæ manus extensionem ad pomum, illos nostros impudicos tactus, illa manibus perpetrata homicidia, illas ipsas manus, quibus mortem sibi alij inferunt, illa furta, & ablationes, tum per vim ab egenis extorsiones pecuniarum, & reddituum à subditis vsque ad sanguinem, pro his omnibus tam enormibus delictis satisfaciebant sacrosanctæ manus Christi, clauis ferreis in cruce distentæ. Idem de pedibus intelligendum, qui ad libidinem etiam cum molestia summa exornantur, tantum vt laus foeminarum sequatur, choreæ, & cursus lasciuui, velocitas pedum ad effundendum sanguinem, tarditas autem ad bona opera, quæ quasi clauis acediae impeditur, ne Deum honore vero gratitudinis afficiat: Hæc ergo erat offensio iustitiæ Diuinæ: idcirco debebant satisfacere pro prauis cur sibus nostris, innocentissimi pedes Redemptoris, & consistere in ligno perforati diris clauis.

Seriò contemplare anima tantam Domini afflictionem in delicatis mem-

bris eius, & in terram te proijciendo, osculare manus, & pedes transfixos, rogando, ne propter graua peccata manuum, & pedum tuorum, ibi te cruet iustitia Altissimi, vbi decretum irreuocabile fertur pro talibus offensis. Verùm ex infinita misericordia potius hic tibi non parcat, quàm in altera vita. Tu ipsa infigas sponte cordi, & corpori tuo dolorem, dicendo: *Castigans castigauit me Dominus, & morti non tradidit me, quia dextera Domini fecit virtutem, & ob merita eius. Pes meus stetit in directo, in Ecclesijs benedicam te Domine, & nunc quidem plorando, & in æternitate felici, tecum gaudento,*

ps. 117.

psal. 25.

ps. 12.

C A P V T XXIX.

Eleuatio crucis secuta, & immissi eius violenta in paratam foueam, unde renouatio iterùm Christi dolorum.

Patientissime IESV. Totus confixus clauis eleuatus es cum cruce in aërem, certè non molliter, vbi in animis furiosorum militum, & Iudæorum excubaret compassio, vt te cubantem in lecto

lecto crucis, suauiter attollerent nimis
 durè tecum actum, semper cadentium
 vna alteri successit afflictio, ita, vt de a-
 cerbitate tibi inferenda mutuò certa-
 ret. Primò ergo fouea profunda facta
 est in terra, propter immissionem cru-
 cis: putârunt te Domine peccatorem
 & infernus, & mundus, & tanquam
 condemnato in oculis tuis foderunt
 foueam, hinc illud Regis lamentantis
 in persona tua: *Foderunt ante faciem Psal. 56.*
meam foueam, sed miseri: inciderunt v. 7.
in eam: verè inciderunt nunquam e-
gressuri è fouea gehennæ, & perpetuæ
damnationis: at tu foueâ hâc tuâ libe-
râsti nos ab illorum casu: Patres SS.
eduxisti è fouea limbi: educis alios è
fouea purgatorij: in hoc mundo mor-
tales educis è fouea peccati: ideò di-
ctum de te: Et mittes es (hoc est pec- Psal. 93.
catori) à diebus malis donec fodiatur v. 13.
peccatori fouea. Antecedit casum gra-
tia tua, ibidem: Beatus homo, quem tu Psal. 93.
erudieris Domine, Et de lege tua docu- v. 12.
erit eum, & in eodem Psalmo: Nisi, Ibidem
quia Dominus adiuuauit me, paulò minus v. 17.
habituisset in inferno anima mea.

Auxilium omne ex tua passione:
 perforati sunt pedes tui, & manus, &
 latus, & ipsa crux perforauit terram;
 vt tot

vt tot foramina, & foueæ à voragine, & abyſſo inferni gressus hominum eriperent, aperto ore infernus in foramen perpetuum omnes trahebat, tuæ cruci præparata fouea, auertit à tali præcipitio genus mortalium, imò cum cruce eleuati sumus omnes, vt tu dixisti:

Ioan. 12. Et ego cum exaltatus fuero, omnia ad me traham. V. 32.

Extraxisti è luto fecis & miseriam, & attraxisti ad paradysum voluptatis, & gratiam. Sed carò hæc tibi constitit eleuatio Redemptor: quantus enim tuus dolor fuit, cum maximo impetu machina crucis in foueam præparatam incidisset, credibile est vrsurpasse te illum versum Regis Prophetæ:

Psal. 21. V. 15. *Sicut aqua effusus sum, & dispersa sunt omnia ossa mea.*

Non aliter tecum actum Patientissime Domine, sanguis tuus velut aqua ex omnibus membris exiit, vt fons latissimus, ex dilatatione, & conquassatione membrorum erupit. Non imposuisti silentium Prophetæ, qui non reticet querelam de hac fouea præparata, in persona tua: *Numquid redditur pro bono malum, quia foderunt foueam anima mea?* Certè valde malum redditum est, pro summo bono, & summo bono.

Ier. 18. V. 20.

Verùm, quid est Christe, quòd fodi-

atur animæ tuæ fouea? Nonné corpori torquendo potius? Non frustra dicitur animæ, exprimendo intrinsecos cruciatus animæ tuæ, ob paucitatem saluandarum animarum, propter quas in foueam hanc demissus es.

Anima mea misera, vide & considera illam violentam impulsionem crucis in paratum foramen, quâ effectum, vt clauorum dilatatione maiorem apertionem, & dolorem in pedibus, & manibus concitaret: fouea illa quatuor foueas, clauorum vñ instrumento dilatauit. Quid de capite sacrosancto dicemus? Omnino ad lignum Crucis valido motu impactum, & spinarum aculeos adegit ad acerbiorum puncturam, & vt in cerebrum vterius ingrederentur, impulit. Epitome, & congregatio Passionum inde renouata. Verè reddiderunt tunc Iudæi malum pro bono, & nos idem reddimus, dum nihil tantos toleratos Domini dolores æstimamus, & peccatis vel ijsdem, vel nouis foueam illam refodimus Redemptori, aut nos potius in barathrum scelerum ruimus, ad foueam illam moestam, & æternam miseri properantes.

Tibi consulo anima, immitte te vi-

tuæ

tæ tuæ tempore in foueam contem-
plationis, ruminando angustias corporis,
& animæ Domini, vt in illam coele-
stem altitudinem eueharis: cogita fre-
quenter de fouea sepulchri corporis
tui, quâ relictâ ad tempus resurrecti-
onis, & coniunctionis carnis tecum,
roga, vt te excipiat dextera Saluatoris,
atque extrahat ab inferni, & purgato-
rij pœnis, atque inter eos collocet,
quos merito dolorum suorum Patri
æterno mercatus est.

CAPVT XXX.

Diuisio vestimentorum Christi.

Patientissime IESV. Scire in sa-
cro sanctum Corpus tuum, non po-
terant amplius milites, & Iudæi, eua-
sisti manus eorum in patibulum crucis
elatus, vbi nihilominus continuebas
dolores, ne interim malitia orio vaca-
ret, eandem in vestes derelictas carnifi-
cinam exercuerunt, & quidem duplici
modo: vnâ in quatuor partes diui-
ferunt, & sibi retinuerunt, super aliam
miserunt sortes: Ipsi quidem ob lu-
crum, & fortè odium id fecerunt; ta-
men mysterium ignari ostenderant, si-
cut & in Iacob supplantatore primo-
geniti Esau factum, figura erat vesti-
mento-

mentorū Christi. Inconfutilis tunica Christi, quid est aliud nisi vnitas Ecclesiæ? Ideò Saluator apparens S. Petro Alexandrino, conquestus de Arrio, qui sibi tunicam dilacerauerat, id est, Ecclesiæ vnitatem sciderat, & nunc quot sunt, qui idem agunt? Nostri sæculum infelix, quot protulit vestis Christi dilaceratores? istis bellis quid sit aliud, nisi diuiditur Ecclesia, & in qua antea laudes Diuinæ decantabantur, iam noui Pseudoprophætæ mordent, & inuertunt doctrinam veram, & nomen Altissimi blasphematur? sed quia inconfutilis tunica, nunquam potuit discerpi ab operarijs iniquitatis, permanet, & permanebit in grege suo Catholico, contra quem portæ inferi non præualebunt, donec erit vnum ouile, & vnus Pastor.

Alia autem vestis Domini rectè scinditur, in quatuor partes, & militibus cædit. Quid est vita hominis super terram nisi militia? *Regnum calorum eum* *patitur, & violenti rapiunt illud, & illi,* super quos cadit bona sors prædestinationis: Verbum, & Euangelium Christi in quatuor Scriptores diuisum, idem in quatuor mundi plagis disseminat. Europa, Asia, Africa, à multis

Inconfutilis tunica Christi vera Ecclesiæ signum.

Matt. 11. v. 12.

Atera Christi vestis in 4. partes scissa, quid significat.

annis

annis impletæ sunt doctrinâ Christi. Per quartam etiam Americam dilatur Religio Domini sancta, & pars eius vestis operit istos gratiâ suâ, prædicationeque Euangelij expellitur iugum diaboli, sub quo hætenus gemebant.

Denotabat quoque dissectio vestis, vel potius præsignificabat certitudinem quatuor locorum, ex quibus Passio Christi coniunxit in cælum diuisos electos, ex hoc mundo, ex limbo, ex paradiso, ex purgatorio. Ex hoc mundo, qui adhuc viuebant, & quos viuere sciebat bonis operibus in Ecclesia militante. Ex limbo Patres, qui multis annis expectabant particulam vestis innocentia accipere, adiuuante Passione. Ex Paradiso Enoch & Elias, qui præstolantur aduentum Antichristi, vt sanguine, in fine mundi defensâ veritate Euangelij effuso, veste immortalitatis ornati recipiantur in gremium Sanctorum. Ex purgatorio, vt renouatione quotidie memoriæ Passionis, per tremendum sacrificium liberarentur, quàm plurimæ à poenis animæ.

In sortibus super Christi veste missis, qua mysteria

Mirabilis ludus fit ex vestimentis Christi, sortes mittuntur de tam pretioso thesauro, neque tamen illæ ipsæ sortes carent mysterio. Est ibi veritas nume-

nume-

numeri, & in cælo vnus est Deus, duplex numerus, duplicem naturæ conjunctionem in Christo significat: Ternus, Trinitatis figuram designat. Quartus numerus, nouissima totidem indicat: Quinarius, vulnera in cruce quinque Christi exprimit: Sextus, recognitionem sex dierum creationis in memoriam introducit, si sortes duplicentur, & ibi inuenies anima meditatione solatium: Duplex numerus, nouum & vetus testamentum esse proponit: Duplicatus quatuor angulos crucis Christi fuisse demonstrat: Bis ter repetendo, sex hydrias ex aqua in vinum conuersas esse primo miraculo colligitur: Quaternus duplicatus, octo beatitudines necessarias ad salutem prædicat: Quinarius item duplicatus, Decem præcepta seruanda ante oculos statuit: bis sex numerando, duodecim Apostolos principes fidei nostræ à Domino electos testatur.

Ergo anima, occupa te circa ignominiam vestis cum fructu tuo, *Et exuens*

Veterem hominem induas nouum secundum Deum; & cum sis nuda & inops, cooperias te veste Saluatoris, rogando, vt cum fors de te in agone mittetur, exclames læta in separatione à corpore,

re, con-

Eph. 4.

v. 22.

Ibidem

v. 24.

re. conuerte Saluator planctum meum
in gaudium mihi, conscindas saccum
miserum corporis mei, & circumdes
me vestimento gloriæ tuæ.

C A P V T XXXI.

*Irrisio Christi à Iudeis, dum in
cruce penderet.*

Patientissime I E S U. Constitutus
in throno redemptionis, per cru-
cem à constitutione mundi designato,
iustitiâ paternâ sic iubente & volente,
acerbitate dolorum plenus iacebas in
lecto salutis, cum & caput à tergo lig-
no premeretur, spineam coronam ma-
gis magisque cerebro imprimendo.
Etsi poena manuum mederi dolori cu-
piebat, pedes eo maiori cruciatu pon-
dus sustinendo corporis affligebantur:
& è contra, si pedes fatigati dolore, re-
quiescere desiderabant, in manus ele-
uatas redundabat sensus & Passionis &
ponderis. Inter luctum & fluctum al-
ternantium afflictionum, quæ tua vel
minima fuerat consolatio Domine?
Non possum magis verbis id exprime-
re meis, melius faciam, si tuis per Re-

Psal. 68. v. 21. spectu meo sunt omnes qui tribulant me,

impro-

improperium expectaui cor meum, & miseriam, & sustinui, qui simul conturbaretur, & non fuit, & qui consolaretur, & non inueni: Detestanda circumstantia & Passionis, & circumstantium feritatis? & alibi per eundem Regem: Omnes videntes me deriserunt Psal. 21.
 me, locuti sunt labijs, & mouerunt caput, speraui in Domino, eripiat eum, saluum faciat eum, quoniam vult eum: v. 7. & 8.
 & iterum in alio loco: Deus laudem Psal. 108.
 meam ne tacueris, quia os peccatoris, & v. 2.
 os dolosi super me apertum est, locuti sunt aduersum me lingua dolosa, & sermonibus odij circumdederunt me gratis. Pro eo, ut me diligerent, detrahebant mihi, ego autem orabam, & posuerunt aduersum me mala pro bonis, & odium pro dilectione mea. Ecce descriptio Patetica odij Iudæorum, quo ardebant contra te Christe.

Aspexisti, & circumtulisti benedictos oculos tuos, an esset, qui in diro supplicio tui miseretur, & leniret compassione mærorem. Cor tuum expectabat solatium, quaesiuisti, & non reperisti consolatorem, ante mortem non est inuentus, cuius viscera commouerentur, videndo innocentiam plus pati, quam nocentes. Deriserunt te, lo-

te, locuti sunt iniqua, addendo vulneribus plagarum vulnera labiorum, mouerunt capita sua subsanando, & dicendo, vah. *Qui destruis templum Dei: Mat. 27. verum ipsi potius templum Spiritus v. 40. sancti destruxerunt Sacratissimum corpus tuum in cruce dilaniatum extendendo. Matt. 15. Desperare te forte iubent, cum v. 29. spem tuam vanam reputant, & Deo solo tuam committunt salutem. Et hoc verè: quia Pater tuus salutem attulit corpori tuo, die tertia à morte incorruptibile, & impassibile resuscitando.*

Præuidit vlteriùs David laudando, tuam virtutem in Passione, neque tu tacere permittis Patrem tuum, multò magis nos redemptos sanguine tuo, vt exemplo tuo omnes incitentur ad laudes tibi decantandas: tu enim tanquam summus Doctor in cathedra Crucis, prædicasti cumulum virtutum, & ad imitationem inuitasti, vt os loquentium iniqua obstruatur: quia in patibulo crucis existenti, os peccatoris, & os dolosi, super te apertum fuit. Quæ verò differentia inter ista ora, & qui peccatores, & qui dolosi? fortè Dominus, omnes quicumque ad suam necem innocentem consenserunt, peccatores intel

intellexit; at in duplici genere, alij
 vt Iudex Pilatus & milites, lictores, e-
 xecutoresque decreti, verè peccato-
 res, tantùm absque dolo putantes ali-
 quo modo iustè à Iudæis accusatum,
 ideò vt nocentem affligebant, & tor-
 mentis macerabant: Alij vt Iudæi, &
 peccatores, & dolosi, nam & afflige-
 bant, & instigabant contra Christum.
 Nonné dolum ipsorum agnouit S. Au-
 gustinus, dum linguâ occidisse eos Sal-
 uatorem, insolubili conuicit argu-
 mento, gladio enim linguæ percusse-
 runt, clamando: *Crucifige, crucifige.* *Matt. 15.*
 Nonné dolus ad oculum Phariseorum *v. 13. &*
 apparuit, cùm dixissent? *Nobis non la-* *Luc. 23.*
cer interficere quenquam, aliud in ore, *v. 21. &*
 aliud in corde coquebant? Nonné do- *Ioan. 19.*
 lus: *Si Rex Israël est, descendat nunc* *v. 6.*
de cruce, & credimus ei? *Ioan. 18.*
 Maiora mi- *v. 31.*
 racula viderunt, & non crediderunt,
 neque descensus illos ad fidem perdu-
 ci fecisset, dolus tantùm fuit, ideò ad-
 datur: *Circumdederunt me sermonibus* *Mat. 27.*
odij &ndisque. Circa crucem verba do- *v. 42.*
 losa, & acerba, illusoriaq; euomebant.
 Debebant diligere Redemptorem pro
 tantis acceptis beneficijs, & ipsi modo
 contratio detrahebant, & insultabant.

Quid interim tu Domine dixisti: Ego *Psa. 108.*

I

autem *v. 4.*

autem orabam. Oratio tua exponetur
capite sequenti.

Tu interim anima, expansis mani-
bus ad crucis similitudinem, Redem-
ptorem tuum lachrynis exora, vt suâ
cruce à cruciatu æterno te liberet, &
irrisiones diabolicas in vita, ac morte
superare tibi concedat.

C A P V T XXXII.

*Primum verbum Christi, pro
persecutoribus in cruce
prolatum.*

Patientissime IESU. In tanto contra
te Iudæorum fremitu, expectaba-
tur aliquod verbum à te proferen-
dum: multi id ipsum avidè desidera-
bant. Mater tua imprimis, quæ & cor-
de, & corpore auelli à te non poterat.
Stabat miraculosè sustentatâ gratiâ
tuâ, & consolationis verbum prætolaba-
batur, sciens te nosse omnia secreta
cordis, te esse Patrem consolationis, te
esse Deum, qui præuenis benedictio-
nibus, & repleas dulcedine viscera affli-
ctorum, si enim omnia expectant à te
escam corporalè, vt des illis in tempo-
re opportuno, id ipsum Mater tua ex-
optabat, vt pane & potu, quod est ver-
bum

Bum tuū reficeres, fame, & siti spiritu-
ali deficientē ipsius animam, erigebat
aures, attollebat oculos, vt commise-
rationis affectum in eam inflecteres, &
compassionis sociam verbali, vel socia-
res mærore, vel solareris lenitate.

Dilata à te dulcissima Mater talis
gratia, sunt, qui te præcedunt, & ex-
torquent, verbum ex ore crucifixi, si
diuinare permitteres, nescio an assequi
posses intentum: Si enim conseruasti
hactenùs (Domina) omnia verba filij
tui in corde tuo, hoc, quod proferetur,
oportet vt in separato conclauis cordis
tui diligenter abscondas. Theſaurus
est ingens, gemma pretiosa, raritas in
terra nunquam visa: Putabant aliqui
Dominum nullum miraculum in cru-
ce fecisse, ego cum Bellar: iudico, ma-
xima, & inaudita perpetrâsse, præci-
puè in septem illis verbis: Ecce in hoc
primo verbo quid mirabilius ostendi
potuit, quàm vt eo tempore, eo mo-
mento, quo totus in doloribus posi-
tus, circum circa sermonibus acutis
laceratus, oblitus omnium & matris
sux dilectissima, pro persecutoribus
orauerit.

Orationis eius, si quis circumstan-
tias accuratè comprehendere vellet,

emphasim considerando, Angelico non humano intellectu assequi vix posset :
Luc. 23, v. 34. *Pater dimitte illis, quia nesciunt quid faciunt.* Deprecatio tua nunquam Patri displicuit, semper accepta fuit, sed multò gratior iam è cruce. Ira enim Patris, quâ propter scelera nostra contra humanum genus efferbuerat, placata est Passione tuâ, tuæ verò Passionis, compendium & finis cruci affixio.

Videbat Pater iustitiæ suæ satis factum, successit ergo misericordia, & quæ hætenus aures occluserat, nec in conspectum admiserat vllius hominis vocem, surdis auribus pulsati erant cæli, facti ænei, paradisi accessus post expulsos Parentes nostros gladio arcebatur, clamor Patrum in limbo, licet attollerent voces suas, non penetrabat cælos, siccitas peccatorum dominabatur in mundo, pluuia gratiæ Diuinæ nunquam in terra dimissa. Tandem penetrauit vox dilecti, remouit omnia obstacula, & impedimenta, auditum verbum, quod ad ipsa misericordiæ viscera peruenit Dei, & cælum aperuit, & ideò non Deum vocat, non alio titulo compellat Christus in cruce, sed Patris nomine vitur, *Pater dimitte.*

Pater-

Paternum ergo referat affectum, voluit quondam, modo dicere Dominus: Ego sum filius ab æterno consubstantialis tibi, verum & nunc sum filius vt homo, obedientiæ & patientiæ excellens virtute, has è cælo mecum attuli, quæ ignotæ erant hætenus in terra, itaque exaudi me, & vt Deum, & vt hominem: vt Deus, satisfeci tibi paritate substantiæ, vt homo, patientiæ, & obedientiæ vsq; ad mortem merito, decreto me Pilati iniustissimo submitiendo, vt Deus, iusticiam implendo, vt homo, misericordiam aperiendo, vt Deus abolendo peccatum, vt homo, poenam eius exoluendo.

Hac ergo de causa ignosci postulat à Patre, vt ipse recentes plagas, & vulnera considerando filij benigno vultu, paterno, concederet veniam, & ne excusatio deesset, adiungit: *Non enim sciunt quid faciunt.* *Ibidem*
v. 20. Parcas mihi Domine, sciunt quid faciunt, sciunt te esse innocentem. sciunt te ex scripturis, & testimoniis Prophetarum verum Messiam esse, sciunt te nulli malum, multis bona fecisse, & tamen in mortem omnes conspirarunt, & tu dicis: *Nesciunt quid faciunt.* O verè miraculorum supremum miraculum! Impetrasti

Christe quod voluisti, ignorantia à te excusata: alijs, statim à morte, cum reuenterentur percutientes pectora sua; alijs longiori tempore, alijs in senectute, alijs, & electis omnibus, ad consummationem sæculi subuenisti, vt poenitentia abluti, licet mille sceleribus fuerint polluti, nesciant quid faciant: Obinuisti enim omnibus indulgentiam.

Et tu anima, imitare Redemptorem, & si quid in te frater tuus peccauerit, statim non differendo, ei dimittas. quemadmodum Saluator tuus fecit: quatenus in iudicio extremo tibi vicissim dimittantur offensæ tuæ, & filius alloquatur Patrem. Pater dimitte illi, quia nescit quid fecit.

C A P V T XXXIII.

Secundum verbum Christi ad latronem emissum.

Patientissime I E S V. Succedetne Mater post inimicos, pro quibus Patrem deprecatus es, & veniam impetrasti, vt eam etiam gementem, & dolentem alloquaris? Ostendit tacens vbera materna. suspiria, & aciem luminum dirigit ad te, sustinens cruciatus inter-

internos? frustratur adhuc spe, & differtur colloquium ob maiorem acerbiteriam, ad augmentum meritorum? latronem prius saluandum suscepisti. Et licet omnes redimere decreueris, tamen ex inscrutabili sapientia id conclusum, vt non pro omnibus (quo ad efficaciam, & applicationem) verum pro multis, copiosus tuus effunderetur sanguis. Semper Domine consueueras aliquos amare, aliquos reprobare, vt in Esau & Iacob factum, nunc idem contigit. Duos latrones peccatorum, non culpæ (vt innocens) socios habuisti, vnus consecutus gratiam, alter reiectus, & eiectus è numero Candidatorum cœlestium: Quia tamen passim nos mortales opponimus in subsidium facinorum nostrorum (eleuantes Domini misericordiam) exemplum huius latronis, possentné dari causæ, cur vno ferè temporis puncto, fontem gratiæ & gloriæ adeptus hic? Liceat mihi Chricste, intell. & tui meo debili aliquot enumerare rationes, ob quas iste ex malo latrone in bonum est transformatus.

Prima, inter tot circumstantes, nemo tuus inuentus causidicus, & defensor, nisi solus latro iste, innocen-

*Cur latro
in cruce
veniam
consecutus.*

Luc. 13.
v. 41. tiam tuam publicè defendit, dicens :
Hic nihil mali fecit. Omnes ad plagas,
ad vulnera, ad crucem te Domine
condemnârunt, latro verò absoluit te,
& liberum à culpa, & pœna, publico
pronunciauit præconio.

Ibid. Secunda, suam culpam, & pœnam
debitam, socijque latronis agnouit, fal-
sus enim est, se esse nocentem, & pro-
meritum crucem, illis verbis: *Et nos
quidem iustè* (id est, patimur) *nam di-
gna factis recipimus.* Accommodatam
sux Culpæ pœnam non diffitetur, in
quo vis contritionis consistit, initium
autem pœnitentiæ, notitia est, & con-
fessio peccati.

Ibid. v.
40. Tertia, corripit socium, & ad viam
reducere nititur salutis. *Neque tu ti-
mes Deum, qui in eadem damnatione
es?* quasi diceret, propter scelera no-
stra condemnati sumus iustissimè, tu
ergo timeas Deum, & noli imprope-
rare nobis cum affixo cruci: resipi-
scere incipe, excita in te timorem Dei,
quem ad latus vel in medio nostri ha-
bemus.

Quarta, agnouit in cruce nudum
moribundum, ab omnibus despectum
Deum esse, vidit sub tam conciso
corpore & lacero, apertè latere
Dei.

Deitatem: O magna fides, & ingens gratia!

Quinta, fiduciam habuit efficacem in te Domine, dicendo: *Memento mei*: *Ibid. v. 42.* hoc innuit. Tu cum sis Deus, non potes obliuisci & reijcere, qui ad te confugiunt. Ego peccator, & latro non sum dignus aspectu tuo, suscipe me tamen, & noli deesse mihi, in his angustijs mortis memento mei.

Sexta, Regem esse te palam edixit, proferendo: *Cum Veneris in Regnum tuum* *Ibid. v. 20.* de Regno quis ei persuaserat? videbat quidem scriptum, in titulo te esse Regem Iudæorum, non hoc terrestre interpretatus est, coeleste potius odoratus, firmiter credidit, & te è patibulo transferre debere sedem in caelum, & ipsum secum eò deducere.

Septima, desiderium sequendi te Saluator, latro non celauit, rogauit vt simul tecum iret, & te comitaretur, oblitus dolorum suorum, non aliud in ore, & corde habuit, quàm vt eò citius tibi adhæreret, vitam post mortem, regnum post crucem, vitam post afflictionem certò sperando, idè antelatus Matri, meruit iucundam vocem tuam audire: *Amen amen dico tibi, hodie* *Luc. 23. v. 42.* *tecum eris in paradiso.* Non simplici-

ter, verum addito iuramento, certitudinem paradisi illi promisti, desiderium implerem manendi tecum, nec distulisti ipsius sciri tecum conuiuendi: dicens. *Hodie*: id est, breui satiaberis torrente voluptatis post dolores toleratos. Et quia de Regno meo credidisti, fiducia non frustraberis, quia *mecum eris in paradiso*. Deum me agnouisti, ego te non decipiam, nam quod promitto, iuramento me obstringo, addendo. *Amen*: id te habiturum, quod desideras: Defendisti me à socio mihi illudenti, & ego tibi præparabo coronam paradisi, quâ caput tuum exornabo: Innocentem me declarasti, & te nocentem esse prodidisti, & ego ex latrone Sanctum te faciam, remissisque tuis peccatis, mecum in gloriam introducam sempiternam. O felix latro, vnus talis, quia semel Dominus in cruce pependit.

Ergo anima, admirare talem latronem, neque tamen differas ad vltimum vitæ poenitentiam, rarum hoc, immò vnum exemplum extat, potius suppliciter venerare Saluatorem, vt tempestiuè per contritionem placatus, dicat etiam tibi, *mecum eris in Paradiso*, licet non hodie, nec statim, exoluendo &
hic

hic, & in purgatorio pœnam iuste infligendam.

C A P V T XXXIV.

*Tertium verbum ad Matrem
& Ioannem, à Christo pronuntiatum.*

Pacientissime I E S V. Tandem postquam lacronem tuâ Passione lucratus es, Matrem, & Discipulum stantem non dedignatus es alloqui, instruens nos pro carnalibus, cœlestia potius curare, salutis propriæ, & alienæ magis rationem habere, quàm propinquorum, bonorû fortunæ, ipsorumq; Parentum. Nos verò contrarium agimus, toti rebus caducis, & assiduè inuigilamus, ad consequendam vitam perpetuam vix aliquando aspiramus. Sed Domine, qualia tua ad Matrem verba? *Mulier ecce Filius tuus.* Nescio

Ioan. 19.
v. 27.

Cur
Christus
in cruce
pendens,
non Ma-
trem, sed
mulierẽ
vocaue-
rit *Mariam*

gere sanguinem cuperet? Nonné com-
mori tibi vitæ pretio, præferret?
Nonné euolare in aëra vellet, vt cruci-
tux simul configeretur? Et tu non
Matrem, sed mulierem vocas? Non
caret mysterio.

Quando in mundo conuersabaris,
cras subditus Matri, & ita eam appel-
labas: iam ex hoc mundo ad Patrem
iturus, & iterum sedem tuam diuinam
reassumpturus, Matrem vocare nolu-
isti, quam orbam relinquebas, Deum
Patrem in primo verbo nominando,
ad terrena descendere noluisti, vitam-
que hanc finiendo, & Matris, & filij
nomen, vt cessaret, decreuisti: non
ergo addendo mœrorem Matri, tali
verbo allocutus es.

At fortè aliquot de causis id factum.
Prima sit, vt te Deum verum in cruce
declarares, qui aliter ab æterno geni-
tus & sine matre, & licet crucis atroci-
tate visâ, oculi carnei vix te hominè es-
se iudicaret, vt de te Propheta: *Ego au-*
tem Vermis sum & non homo; tamen in
oculis Dei Patris, verè eius te Filium
esse non celabas, maximè que tempore
Passionis absconditus à cognitione
mortalium, Deo Patri te Filium mani-
festasti, vt citius obtineres decreti con-
tra nos latæ abolitionem.

Psal. 21.
v. 7.

Se-

Secunda, verum dolorem agnoscebas in Matre, quæ se mulierem derelictam plangebatur, idem & tu affirmabas, quod eius cor mollire debebat, cum videret gratam accidere tibi ipse compassionem, quæ dilecto placere omnibus rebus anteponebat.

Tertia, ut esset distinctio, & interstitium inter filiationem tuam & Ioannis: sicut enim per Angelum Gabrielem instinctu Spiritus sancti, Mater tua renuntiata est, & proclamata, sic tuo ore in cruce Apostolus dilectus Matre tuâ cohonestatus est.

Quarta, ut in eo ipso Matrem consolaretur, in quo maior eminebat dolor: De amisso filio lugebat, & se quasi non esse Matrem sentiebat. Itaque tu Domine appellatione mulieris, locuti, alterum filium concessisti (& si dicere ausim) tuo iuri renunciasti. Ad Ioannem conuersus reciprocè, & in Matrem suam, tradidisti: *Ecce Mater tua.* Ioan. 16 v. 28. Pro vno verbo interpretatur Ecclesia, & ad Matrem, & ad Ioannem tua prolocutio, & verè sic. Castitati vnio debebatur, Matrem cum Filio vno verbo coniungi decebat. Certè Ioannes præmium ingens tulit perseuerantiz, Quid enim nobilius ei contingere

poterat, quàm Dei Matris Filium, ab ipso Deo in suggestu Redemptionis proclamari? quàm fratrem Dei publicari? Ita & anima, sub cruce stare, & de Passione Christi participare, eius meriti est, vt Filij eiusdem Matris vocentur à Domino, & in terris hîc, nam in cœlo filij Dei vocabuntur. In Matre sua Saluator Ecclesiam designabat, in Ioanne nos, in vera Catholica religione existentes, figurabat. Quid'ni? In Ioanne nos omnes Matri suæ cōmendauit. Recepit itaque eam Discipulus in suâ, fouebat, nutriebat, colebat, vt Matrem.

Exemplum sequaris anima, in corde suo habitet dilecta Maria, vera Mater nostra, semper adhæreat præcordijs tuis, reficias te memoriâ eius, vt recreeris delectabiliter: proficias de virtute in virtutem, vt consoles vt iliter, in cursu peregrinationis tuæ: assiduè eam inuoca, vt consummes feliciter: Quando cogitas de cruce cum dolore, realiter adstas Matri & Ioanni. Quid iucundiùs, quàm talibus sociari? & quidem, cogitatione nunc, erit quando poteris deduci ad locum habitationis cœlestis, vt & mente te recipias in suam: iam Filium, iam Matrem foueas in corde

corde tuo: tua hæc est terrena residentia: transfereris propterea in perpetuam Dei hæreditatem, ubi mansiones multæ sunt, & pro te ex infinita eius misericordia, non deerit sedes; quod procidens coneris impetrare.

C A P V T XXXV.

*Ante quartum verbum Christi
tenebræ.*

Patientissime I E S U. Non decebat paliter sub tempus mortis tuæ, cum terra hominem factum, Deum non lugeret, necesse fuit, vt squallida umbra, cælum, tantum facinus deploraret. Hominem esse te putauit tellus, & illum quidem crassissimo errore, non bonum, quia damnauit, quantæ tenebræ? Sciebat populus Hebræus Messiam venturum, signa, quæ D. Ioanne Baptistâ digito monstrante, erat facturus, non ignorabat, imò euntem clamantem audiebat: *Ecce Agnus Dei, Ioan. 1. v. 29. ecce qui tollit peccata mundi.* Per os Prophetæ, vt è tenebris illis corda eorum emergerent, lectioni propositum: *Illuminare his, qui in tenebris, Ioan. 1. v. 79. Et in umbra mortis sedent, ad dirigendos pedes nostros in viam pacis:* viâ pacis per

cis per te Domine calcata, & rubicun-
do sanguine notata. Alius item ex Pro-
phetis inuitat Hierusalem, vt surgat è
Isai. 60. tenebris: *Surge illuminare Hierusa-*
v. 1. *lem, quia venit lumen tuum, & gloria*
Domini super te orta est, quia ecce te-
nebra operient terram, & caligo popu-
los. Lumen fuit non aliud, nisi Chri-
stus.

Tenebræ hæ, quæ in Passione ob-
scurârunt terram: & tamen nihil pro-
fuerunt, omnes similes admonitiones:
noluit nominatus populus Hebræus
credere, obturante malitiâ aures: no-
luit peiori ignorantia, quia minus vi-
derunt & intellexerunt, quàm Pagani.
S. Dionysius in errore Echnico exi-
stens, videns has in monte Domini te-
S. Dion. nebras, erupit in illam vocem: *Aur*
A. eop. *Deus natura patitur, aut machina*
mundi dissoluetur. Et Iudæi adstantes
propè, & intuentes hæc omnia, nihil
commoti in tenebris incredulitatis
perseuerantes, persuadente inferno,
delitescebant.

Quando ergo non dolebat tellus ob
mortem Filij Dei, cælum induit lugu-
Sol & Lu- bre pallium: Sol & Luna, contra cur-
na cur in sum consuetum, & motum coelestem,
morte tenebras assumpserunt, vt vel sic eru-
Christi dirent

dirent ignorantem mundum, & quale ^{tenebras}
 facinus in Deum commiserit, doce- ^{indue-}
 rent. Sol, Deum esse qui patitur, a- ^{runt.}
 gnouit, cum lucem ab ipso creatam
 abscondit: indignum ratus lucere
 tum, cum Creator lucis, & humanita-
 te, & mortalitate obscurabatur. Luna,
 mutuatum lumen non recepit à sole,
 cum humanam naturam à Deo assum-
 ptam in tormentis summis pendere vi-
 dit, vel potius videre noluit. Sol Chri-
 stum designauit, qui hactenus prædica-
 tione, conuersione, sanatione, ad uitam
 æternam instructione prælucebat, nunc
 elinguis poenè factus indecenter mori-
 ebatur, & sol operari lumine suo desijt,
 tenebrisq; suis tacentè sequebatur. Lu-
 na Matré adstantem repræsentauit, quæ
 antea illustrata, conuersione dilecti
 filij, plena gratiâ erat, iam quasi re-
 pulsa, & alteri tradita, desolationis il-
 lius miseriam plangebat, nouilunium-
 que maternitatis atro lugèbat colore.
 Tu Domine, vt verus sol & increatus,
 valedicebas cum angustia animi terræ,
 creatus sol oblitus proprij luminis,
 quasi relinquebat terram. Tu vera
 Luna, Mater Dei, non consolationes,
 sed acerbitates participando à tuo so-
 le, defecisti languida & obscura, in lu-
 ctu

tu noui doloris mansisti. Qualis tua
Christe lucta erat cum morte? cum
ferè tribus horis nihil admittendo so-
latij, vt plus patereris, noctem è die
fieri permisisti: vtque augmentum
succederet dolorum, diem in noctem
vertisti.

Cur tene-
bra tri-
bus horis
facta.

3. Reg.
19, 18.

Cur tamen trium horarum spatio
lumen subtractum? fortè sæculorum
spatia, quæ tenebris infidelitatis totum
orbem cooperuerant, designata sunt.
In Lege naturæ, vix in arca reperisti
aliquos, qui euaserunt diluuij poenas.
Enoch transportatur, Iob ab ipso Deo
commendatus, rarum lumen fidei in
orbe: In lege Mosæica quàm pauci il-
luminati? vix ipse Deus inuenit sex
millia in tanto mortalium numero, &
gloriatuſ est de tot seruis, *qui non cur-
uauerunt genu ante Baal*; licet Elias
non putauerit tam magnum nume-
rum. In deserto non multi credentes:
ex Exploratoribus terram sanctam duo
tantùm splendentes fide inuenti: ipse-
met Moyses defecit in fide, cum de pe-
tra, educere posse aquas Deum hæsi-
tasset. D. Ioannes in Apocal. centum
quadraginta millia Iudæorum tantùm,
lumine æterno condecorandos præ-
sciuit. In lege gratiæ, maius quidem
lumen

lumen ab initio, sed & tenebræ reper-
tæ, iubebat afferri, & narrabat allatum
lumen Simeon cantando: *Lumen ad* Luc. 2.
revelationem gentium: verum etiam v. 32.
addiderat: *positum in ruinam & resur-*
rectionem, illud lumen. Ecce iam, Do-
mine, cum tuo Patre cœlesti calculum
inibas, ponendo ante oculos tuos ele-
ctos, & vicissim tot sectas diuersas, &
improbos Catholicos, quibus mors
tua in ruinam, & quibus in resurrecti-
onem foret.

O anima mea gemens & tristis, in te-
nebris ex habitu peccatorum contra-
cto sedens, surge & illumina, quia
venit lumen tuum Saluator, & passus
est. Roga ergo, vt ante decursum vitæ
in tenebris poenitentia, emundando
delicta tua, possis in limine alterius
vitæ, cœlesti lumine Maiestatis abscon-
ditæ Diuinæ, in æternum illuminari.

C A P V T XXXVI.

*Quartum verbum à Christo
in cruce prolatum.*

Patientissime I E S V. In summo gra-
du patientiam declarasti, & os lo-
quentium iniqua obstruxisti, cum di-
ceres: *Dem meum, Dem meum, vt quid* Marc. 25
dere- v. 34

dereliquisti me? verum vt apes ex herbis odore grato fragrantibus, suauissimum mel colligunt, sic araneæ ex iisdem venenum conficiunt: non aliter ex tuo sacratissimo verbo factum, inuenti peruersi, qui non erubuerunt blasphemix virus euomere, & te in desperationis (quod horret & mens cogitare, & calamus scribere) foueam incidisse. Apage infausta aranea Caluine, mel dulcissimum exprimere tu anima potes, consideratione locutionis Domini: Optimè agnouit D. Paulus, dum suâ sententiâ prædicationem crucifixi fore: *Iudaï scandalum, gentibus stultitiam*, prædixit. Et nostro xuo seculis varijs, nonnè scandalum oritur? nonnè stultitia? Quidam affirmabant, non Saluatorem passum, sed phantasma, alij vtramque naturam & Diuinam, & humanam Passioni submiserunt, similesque nugas subtilitate curiosâ & blasphemâ excogitauerunt.

Tu Anima recto tramite ito, immitte in cor distinctionem, & pondus verbi. Non dixit Dominus: *Pater*, & *quid me dereliquisti*, vt in primo verbo, sed Deum, & iterum Deum bis inclamauit, vt vtramq; naturam exprimeret, & se, & Deum verum, & verum homi-

homi-

hominem proprio ore confiteretur, voluit significare, dicens ad Patrem: Tu es Deus meus, qui ab æterno me similem tibi genuisti, iisdem proprietatibus, attributis ornasti, vt in omnibus æqualis tibi sim, (nam & ante Discipulis dixerat: *Ego & Pater ænum sumus,*) Ioan. 10. v. 30. in illa ergò natura Diuina cùm sim, etiam assumptâ humanitate, in Cruce pendendo nihil patior. Impassibilitas est propria naturæ meæ Diuinæ ab æterno, licet totus mundus conspiraret, nihil mihi nocere potest: Verùm in natura humana verè patior, verè exoluo debita, verè à te Deus meus, à quò animam & corpus in tempore accepi, fateor me in tormentis à te esse derelictum, cùm enim accessit resolutio & tua & mea, vt iustitiæ pro omnibus peccatis totius mundi satisfacerem, sciui onus esse magnum cum Psalmista repetendo illa verba: *Iniquitates* (non Psal. 37. v. 5. meæ, sed populi mei) *supergressa sunt caput meum, & sicut onus graue grauata sunt super me,* totus laceratus plagis, onere spinæ Coronæ super caput meum grauatus sum.

Præsciueram ego me derelictum à te fore Deus: si enim consolationes aliquæ intermixtæ doloribus fuissent, tole-

tolerabilior Crux esset, at plenè expiare decreui delicta hominum: Calicem propinatum mihi, in horto à te ad feces, vsque exhaurire proposui, & quid restabat, nisi vt omni vndequaq; adueniente solatio priuarer. Scelera enim mortalium ita misericordiam tuam læserant, vt irata iusticia æternos cruciatus præuaricantibus præparauerint: ideò ego aduertendo furorem tuum, & sententiam tam iustam molliendo, commutauì ad tempus in tantos meos dolores, vt me derelictum à te (à quo nunquam separari potui) esse voluerim, & id publico in loco confessione meâ non celauerim. Conuersus verò ad nos, vt Magister docuit, quanta sit grauitas peccati, vt tam dilectus Filius alienis sceleribus cooperatus, derelictus fuerit à benignissimo Patre, Deus in humana natura à Deo, consolationis fons, à Patre totius consolationis.

Hic siste gradum mentis anima mea, intuere interno & externo oculo crucifixum, condoleas illi, vel potiùs tibi, cuius causâ in tantas angustias reductum vides pro te Saluatorem; Si ergò, pro tuis sceleribus immittit tibi Deus aliquod flagellum, non molestè feras,

feras, non incuses coelum, & Dominum coeli, non te innocentem, & minime promeritam poenam iudices: potius dic: Iustè hoc patior, & minus quam merui: iustè à te derelinquor in tribulatione pro meis delictis, cum Dominus pro meis fuit derelictus, & cum mihi propono hæc omnia propter meam salutem facta esse, infinitas Maiestati tuæ Diuinæ ago gratias, & peto, ne me in agone derelinquas ultimo, imò sanguine tuo corroboret, & singulari gratiâ adiuues, & sicut Martyribus & Sanctis tuis videbaris aliquando defuisse, alijs in turpibus cogitationibus, à corde discessisse, tamen & auxilium submittendo, & vagas cogitationes repellendo, victoriam obtinere concessisti, mihi quoque Clementissime Domine subuenias, illucq; introduceas vbi nunquam à te disjungi possim, verum visione tuâ æternâ in æternum frui concede.

C A P V T XXXVII.

*Quintum verbum à Christo in
Cruce prolatum.*

Pacientissime I E S V. Quis dubitasset in tanta atrocitate poenarum, vt
non

non sitires? Per multas horas fatigatus verberibus, & crucis onere in processione longa, & extensione membrorum in cruce laniatus, & elocutione verborum: præsertim valido clamore præcedens, verbum pronuntiando, lassus, raucedinem guttur tuum delicatissimum contraxit, inde ingens orta sitis. Diuersè ab Euangelistis describitur, in siti tua potûs à Iudæis propinatio.

- Ioan. 19. S. Ioannes sic: *Postea sciens Iesus, quia*
 v. 28. *iam omnia consummata sunt, Et consummaretur scriptura dicit: Sitio, Vas ergò positum erat aceto plenum. Illi autem spongiam plenam aceto, hyssopo, circumponentes obtulerunt ori eius. S. ve-*
- Luca 23. *rò Lucas: Illudebant autem ei, Et mi-*
 v. 36. *lites, accedentes Et acetum offerentes illi: S. Marcus bis potûs mentionem*
- Mar. 25. *facit, dicens: Dabant ei bibere myr-*
 v. 23. *rhatum Vinum, Et non accepit, & ite-*
- Ib. v. 36. *rùm: Currens autem vnus Et implens spongiam aceto, circumponensq; calamo, potum dabat ei. S. Mathæus etiam du-*
- Matt. 27. *notat: Dederunt ei Vinum bibere cum*
 v. 34. *felle mixtum, & cum gustasset, noluit bibere, & inferiùs: Continuò currens*
- Matt. 27. *vnus ex eis, acceptam spongiam impleuit*
 v. 48. *aceto, Et imposuit arundini, Et dabat ei bibere.*

Confli-

Considera anima duabus vicibus si-
 ue Iudæos, siue milites obtulisse po-
 tum Domino ante crucifixionem: vel
 vino mixtum, vel myrrhatum vinum;
 crucifixo & declaranti se sitire acetum
 appositum ori: Quis vnquam tam a-
 maro potu credidisset in tormentis re-
 fici Redemptorem? Consuetudo fuit
 & est, vt ante mortem recreentur, & re-
 iocillentur vires condemnatorum, bo-
 num vinum bibendum conceditur, &
 puto latronibus duobus id factum, so-
 lus Dominus & ab hac concessio, ne
 exclusus, magis potius afflicus: Quis
 fel & myrrham posset bibere, ideò no-
 luit ipse. Postea affixo cruci, acetum
 circum positum labijs. Ita displicuit
 vtraq; potio Christo, vt prius per Pro-
 phetam lamentaretur: *Dederunt in e-* Psal. 68.
scam meam fel, & in sitis mea potaue- v. 22.
runt me aceto. Talisne gratitudo se-
 cuta? Dominus saurauerat in deserto
 septem millia panibus: Dominus e-
 duxerat è petra fontem, vt populus
 Hebræus sitiens impleretur; Domi-
 nus Samaritanæ obtulit aquam, ex qua
 si biberet, non sitiret in æternum;
 Dominus clamabat die magno festiui-
 tatis: *Si quis sitit Veniat ad me, & bi-* Ioann. 7.
beat, & cum Dominus ipse sitit, datur v. 37.
 ei fel,

ei fel, datur ei acetum? O ingratitude mortalium! sic fieri debuit, imò vt fieret ita placuit Domino nostro. Ideò

*Ioan. 19.
v. 28.* S. Ioannes addit: *Et consummaretur Scriptura. Dixit: Sitio.*

*Matt. 5.
v. 17.* Pendens Saluator sciebat de se scriptum, & vt omnia, quæ de ipso à Prophetis erant prædicta, ad effectum deduceret dicendo: *Non veni soluere legem, sed adimplere.* Urgebatur duplici siti, ideò bis potu tractabatur, vnâ externâ oris, vt dolor linguæ & labiorum restaretur, potuque execrabili, quem & reiecit, maius adderetur tormentum. Internâ alterâ, & hæc maior, quam potius exprimere voluit verbo: *Sitio.* Nouerat ex nimia, & inexhausta, & absque fundo charitate, non omnes saluandos fore, licet tantis Passionibus anima eius obrueretur, itaque tali oratione vsus ad Patrem. *Propinâsti mihi calicem exhauriendum in horto, feci satis mandato tuo, ebibi totum, cum videam non omnes Passione lucrandas animas; adhuc sitio: porrige similem calicem & illum sumam, tantum electorum augeatur numerus, imitati hanc sitim Christi Sancti. David, quomodo licet vsque ad animam eius intrâssent aquæ, extollit vocem dicens:*

Quem

Quemadmodum ceruus desiderat ad Psal. 41.
fontes aquarum, ita desiderat anima v. 2.
mea ad te Deus: variè sitiebant Sancti:
alij, ad gloriam Dei aspirabant, vt hic
Sitiuit anima mea ad Deum fontem & Psal. 41.
num, quando veniam & apparebo ante v. 3.
faciem Dei. Alij, vt paterentur sitie-
bant, vt illi: Auge patientiam, & auge s. Aug.
dolorem. Alij, vt lucrarentur animas,
vt illi: Cupio anathema esse pro fratri- Rom. 9.
bus meis. v. 3.

Tu anima mea sitias hoc, quod Dei
misericordia vult, ipsius te resigno vo-
luntati, Saluator sitit tuam salutem,
dicens: Sitio. Porrigesne illi fel & a-
cetum? Damnares te ipsam, & tamen
cum Iudæis id facis, peccata tua mor-
talia sunt fel, venialia acetum, hæc pro-
pinas Domino pro omnibus, quæ re-
tribuit tibi, sitias potiùs verum amo-
rem Christi, ipse te certò reficiet, crede
mihi, & hîc cibo cœlesti in Eucharistia,
& in altera vita cibo visionis suæ, vt
non esurias, neque sitias in æternum.

C A P V T XXXVIII.

Sextum verbum à Christo pro-
nuntiatum in cruce.

Patientissime I E S V. Nunc tandem
 deuentum ad finem, & comple-
 mentum tuæ vitæ, vel potiùs noſtræ
 redemptionis, & de te per Prophetas
 prædictionis: ideò *Consummatum eſt*,
 Ioan. 19. Sanctiſſimis labijs enuntiãſti; nam cum
 v. 30. ante vt conſumaretur Scriptura di-
 xisti: *Sizio*: ita cum nihil reſtaret:
 Ib. v. 28. *Consummatum eſt*: ſubintuliſti. Ante-
 quam hoc verbum examinabitur, fortè
 dubietas occurret? Cur ſi conſumma-
 tione omnia impleta, adhuc vnum ver-
 bum, quod ſequetur, reſtat? Certè rü-
 minando, quid poſteriùs Dominus e-
 locutus ſit, poteſt aliqua oriri quæſtio:
 ſi enim conſummata erant omnia, qua-
 re intererat, vt Spiritus Patri reddere-
 tur poſt conſummationem. Et tamen
 ratio, & textus Euangelistarum magis
 inclinãt, vt præcedat verbum: *Con-
 ſummatum eſt*.

Ratio hæc, quæ facta ſunt hæcenus,
 propter noſtram ſalutem ſunt acta, at
 Deo Patri offerre, & reddere accep-
 tam animam ab obedientiſſimo Filio
 dignum erat, vt in articulo egreſſus a-
 nimæ à benedicto corpore, perageret-
 tur extremum obedientiæ. Deinde

Ioan. 19. cum in S. Ioanne legatur, dixit: *Con-
 v. 30. ſummatum eſt, & inclinãto capite, tra-
 didit*

didit Spiritum. S. Lucas autem : *Clamans Iesus voce magnâ, ait : Pater, in manus tuas commendo Spiritum meum :* Matt. 17. v. 50. & Luc. 23. v. 39.
 Et hac dicens expirauit. Potuit ergò inclinando caput adhuc dixisse. Et cùm duo Euangelistæ Primi, voce magnâ clamâsse Dominum ante expirationem docerent. S. Lucas hanc vocem tradit fuisse, commendationem animæ Patri, conuenientiùs itaque : *Consummatum est :* antecessisse ultimo, quod ponetur verbo.

Nobis potiùs considerandum superest, quid hoc verbum denotet : *Consummatum :* & quid intellexerit, Christus in cruce ? Inter alias causas descensus de cælo Redemptoris fuit, vt adimpleret omnia Prophetarum oracula, quòd tam diligenter executus est, vt ipse dixerit sapiùs. *Iota & Num, Matr. 5. aut & Nus apex non prateribit de lege, do. v. 18. nec omnia fiant :* id potissimùm in mysterio Incarnationis, & Passionis clarè patet, si attentè conferas & Psalmos, & Prophetarum scripta, ad vnguem Saluator impleuit, vt ergò & in cruce Testamentum condendo idem approbaret, dixit : *Consummatum est :* Totum, quod de illo à Prophetis fuerat præcognitum. Vita Christi exemplo

nobis fuit, & quasi manu ducebat, quomodo nostram eidem conformare deberemus, idè non aliquam specialem, communem potiùs elegit, sæpè admo-

Ioan. 13. nendo: *Exemplum dedi vobis, & sicut*
v. 15. *ego facio, ita & vos faciatis.* Idè S. Io-

annes dixerat ante institutionem SS. Sacramenti in illa cæremonia vltimæ

Ib. v. 1. cœnæ: *Cùm dilexisset suos, in finem*
dilexit eos: id est, vsq; ad hoc vltimum

verbum in cruce dictum: *Consumma-*
tum est, intelligere voluit Dominus,

quæcunque potui facere & pati, omnia

ista pro liberando humano genere fa-

cta: propterea canitur die Passionis

de Salvatore: *Quid vltra facere debui,*
v. 4. *& non feci?* Ac si dixisset: ad vltimum

halitum insudabam structuræ redem-

ptionis, iam eam absolui: Consumma-

tum est ædificium tam nobile, & tam

gratum Deo Patri. Verùm reliquit

nobis, vt ante dictum est, exemplum,

& quidem duplex, & omnium virtu-

tum semitam, & perseuerantiæ studiũ.

Passio itaque Christi est prototypon

singulare, ex quo anima Christiana

possit aliquam virtutem sequi, & illam

pro scopo itinerarij sui constituere, hinc Sancti præcipuè in vna aliqua vir-

tute excelluerunt, vt S. Franciscus in

humilitate, S. Paulus in doctrina, & alij, Martyres in patientia, Confessores in charitate, Virgines in castitate, hæc virtutes ex vitæ Domini imitatione deductæ. Etenim in excessu, in Salvatore nostro concurrerunt omnium virtutum eminentiæ. Patientia sine exemplo, (non enim naturaliter id perferre vlla poterat creatura, quæ à Domino perpeffa legimus) humilitas profundissima, cum qua certare nemini concessum: Mansuetudo inenarrabilis, cui non datur assimilari: silentiû perfectum, quod caret paritate; Charitas supereminens, quæ è cælo allata, in cælum in summo gradu excellentiæ cum Domino ascendit.

Quare consummatum verè nostræ redemptionis opus, ad summam devenit perfectionem, non datur ultra. At, ad omnes has virtutes perseverantia necessaria, hæc omnes coronat, ipsa est laurea perfectionis omnium, vt ergò doceret nos, & perseverantiæ donum in cruce impetraret à Patre, Redemptor dixit: *Consummatum est*, rogando Patrem, vt electis ad vltimum habitum perseverantiæ gratiam impertiretur.

Væ anima tibi, pro cuius salute

consequenda, ad consummationem Christus laborauit, & tu in tua propria absente perseverantia oscitanter procedis? Roga demissè Christum, vt ipse det tibi ad consummationem spiritus vltimi tui, in eius seruitio durare, vt possis dicere liberè in extremo transitu, fidem seruauit, cursum feliciter consummaui.

C A P V T XXXIX.

Vltimum verbum, à Christo in cruce dictum loco Epilogi.

Patientissime IESV. Liberalitas tua in vita, & in morte enituit omnibus, omnia enim nihil sibi relinquendo distribuisti, & si posset prodigalitas virtus vocari, (quod absit) in te eminenter appareret, de te tu ipsemet di-

Matth. 8. xisti: *Vulpes foveas, & aues nidus ha-*
 v. 20. & *bent, & Filius hominis non habet vbi ca-*
 Luca 9. *put reclinet.* O verè sic? sed nonne in
 v. 58. cruce habuisti ligni residuum supra caput, vbi illud deponeres? Fuit quidè lignum, sed quod ampliùs læderet venerabile caput, cùm applicare voluisti ligno, intermediæ spinæ magis pungebant, acriùs intrabant in cerebrum, retundebantque acumine repositum

verti-

verticem, veriùs quòd nec in cruce
fuit capiti hospitium, nisi ad tormen-
tum, omnia distribuisti dona superna-
turalia, virtutes tuas, potestatem mira-
culorum discipulis reliquisti, in Passi-
one, & morte sanguinem copiosissimè
sparsisti in terram, in parietes, in col-
umnam, in carcerem, in vestes, in pla-
teas, in crucem, vt omnibus prodesset
ad salutem. Crucem tuam integram
permanere prohibuisti, immò in mini-
mas particulas diuidere mandásti, vt
multis solatio esset, & participatio tui,
de morte, & diabolo triumphi: Vestes
militibus, quasi pro stipendio, in lu-
sum cessisti: Matrem Ioanni, & vicis-
sim commendásti: Paradisum Latroni
aperuisti: Corpus terræ commisisti.

Nihil restabat iam nisi Spiritus, &
ille cui? Non debebatur spiritus red-
di, nisi ei à quo est acceptus, nisi ei
cum quo est Spiritus, nisi ei cum quo
in æternum erat mansurus. Patri ideò
dixisti: *Pater, in manus tuas commen-*
do Spiritum meum: Non vocas Deum,
Domine, sed Patrem appellas, parando
enim reditum in cælum, deposicâ sar-
cinâ mortalitatis in sepulchro, reuer-
tebaris quasi ad primogenituram ti-
tuli Filij, quem habebas, antequam

*Luca 23.
v. 57.*

mundus esset, dixisti hoc verbum, vt obedientiam præstitam tanquam Filius Patri, vsque ad vltimum exitum animæ è corpore testareris. Pronunciasti illud, vt placatam iram paternam hominibus declarares, ita vt omnes filij electi possemus nominari Patris æterni. Tu primogenitus omnium decedens è mundo vocasti Patrem. Vt autem ad oculum ostenderes, expectasse spiritum tuum cum voluptate Patrem, vt Filium è longinqua, & periculosa redeuntem peregrinatione, ideirco addis: *In manus tuas.* Si enim filium prodigum illum in Euangelio, licet indignum, & qui omnia bona à Patre accepta cum meretricibus consumpserat, & dissipauerat inutiliter, tamen receptum à Parente legimus, quid putamus, qualiter Deus Pater Spiritum Saluatoris, omnibus hostibus superatis, tam multis redemptis, morteq; insuper suâ, morte contritâ, salutauerit, exceperit, in amplexusque eius ruerit? Non potest comprehendi hoc intellectu mortali, nihilominus adumbrare voluit Dominus, & hac de causa adiecit Spiritum se resignasse in manus Patris.

*Manus
Dei Patris
in qua?*

*Quæ istæ manus; Non aliæ, quàm
misericordie.*

misericordia & iustitia, vna tantum manus Dei hactenus in mundo apparebat, videlicet iustitia, quæ rigidè terrebatur & regebat terram, omnia plena horrore, & desperatione erant. Cain occiso fratre de misericordia desperauit, quinque Ciuitates ignem euitare non potuerant, aqua deleuit creaturam, pro vno peccato multa millia in deserto Iudæorum absorpta à terra. Quando verò Filius Dei, vtramq; manum extendit in cruce, vtraque manus Dei Patris visa in terris. Misericordiæ manus delapsa è cælo, æqualiterque in terram cum iustitia descendit. Prædixerat Dominus de hac manu, promeritam à se mundo, asserendo; interroganti enim Petro, an septies, si peccasset frater in eum, posset dimittere: *Et septuagesies septies*, id est absque numero, censuit dimittendum, non visa hæc manus ante. Dum ergò Dominus dixisset: *Pater, in manus tuas commendo Spiritum meum*: intelligendum, Deo Patri Filium commendasse Passionem suam, & per Passionem, obtentam misericordiam, ita Patrem alloquendo. Vides mi Pater, vtramq; marum clauis æqualiter affixam, & laceratam, tu viceuersa æquali lance, & iu-

Luca 23.
v. 46.

sticiæ, & misericordiæ sinum ostende
 creaturæ tuæ in mundo viuenti, vt si
 instigantibus peccatis, iustitia vellet di-
 strictius punire delicta, misericordia
 excipiat ictum, & furorem tuum auer-
 tat, propterea commendo Spiritum
 meum diligenter, vt reuocet tibi in
 memoriam non solum iustitiam, sed
 & misericordiam debere hominibus
 communicare cælum. Vltimorum
 verborum meorum sis memor Pater,
 & ideo nihil amplius ante emissionem
 spiritus Dominus est locutus.

Tu anima, deplora scelera tua, vt
 quando veniet hora illa, quâ spiritus
 tuus separabitur è corpore, eadem o-
 ratione vt possis, dicens: Domine
 Iesu Christe, in manus tuas commen-
 do spiritum meum, suscipe illum, &
 perduc è morte ad vitam æternam, tuo
 cruce apertam.

C A P V T XL.

*Christus inclinato capite emi-
 sit Spiritum.*

Patientissime IESU. Dilectus tuus
 Discipulus & Euangelista, describit
 hanc tuam vltimam ceremoniam ante
 mortem, his verbis: *Et inclinato capi-*

Ioan. 19.
 v. 30.

se tra-

et tradidit Spiritum. O verè mira circumstantia : & non frustra , vt hoc modo & non alio , Spiritus iam traditus ante Patri, reciperetur ab illo. Digna tamen admiratione res , & possunt depromi causæ aliquæ, meditatione , cur inclinato capite emiserit Dominus Spiritum.

Primò quidem generaliter , & communiter potest dici inclinationem capitis secutam propter debilitatem corporis , aded vt necesse fuerit caput in corpore reclinare , tanquàm eneruatum, doloribus flexibile factum, & vigore sensus destitutum, verùm altius & profundius, est considerandum. Docuerat Christus prædicando : *Discite à me, quia mitis sum & humilis corde.* Quod ipsa re totà vità executus est, modestia illius omnibus nota, maximè in Cruce, cùm improperatoribus sibi in faciem, nihil responderet; quod ipsum & per Regem Prophetam testatus est : *Ego autem tanquam surdus non audiebam, & sicut mutus non aperiens os suum, & factus sum sicut homo non audiens.* Verè Domine mutus fuisti, at summè etiam humilis : humiliasti enim te vsq; ad mortem & mortem Crucis : quid adhuc deerat humilitati :

*Quare
Christus
inclinato
capite
Spiritum
emisit.*

*Matt. 11.
v. 29.*

*Psal. 37.
v. 14.*

Non poteris alijs membris affixus in Cruce, corpore toto exercere amplius, capite ergò demisso suprema humilitate eam virtutem commendando, morte tua sigillasti, vel post emissam

luca 23. vocem: *Pater in manus tuas, commendo spiritum meum;* respondit illi Pater, nobis ignoto responso, aut in hunc modum eum alloquendo: veni dilecte mi fili, accipe Coronam, quam promeruisti, inimicos omnes superando, de ipsa morte triumphando, scelera vniuersa humani generis exoluendo, exaudita est tã efficax oratio, fiet, quod petis, (illud ipsum & S. Paulus docet, exauditum esse Dominum pro sua reuerentia, cùm ad Patrem pro nobis in Cruce supplicasset) Christus itaque & Patris voluntatem declarando, & suæ cùm ipsius conformitatem approbando, & annuendo sacrosanctum caput inclinavit.

Si enim in horto cùm calicem passionis bibere proposuisset, resignauit & subdidit voluntatem propriam paternæ, quantò magis nunc cùm victor rediret ad Patrem. Psalmus ille hoc ipsum exprimit. Dicit enim Pater ad Filium: *Postula à me.* Hæc petitio facta potissimum in Cruce, & tam efficax,

psalm. 2.
7. 8.

cax, vt statim responſionem à Patre
 habuerit: *Dabo tibi gentes hereditatem tuam, & possessionem tuam terram.* *Psalm. 2. v. 8.*
 Dominus gratias egit demisso vultu, & tradendo Spiritum caput cum reuerentia inclinauit. Vel, quoniam Christus profitebatur se esse vitam, viam, & veritatem, ipsam re comprobauit. Veritatem docuit in mundo, vitam se esse demonstraui resurrectione, cum vi suam morte depulsam ex sepulchro exiuit, in gloriosoq; corpore frequenter apparuit, ac in coelum videntibus discipulis ascendit: viam vero se esse ostendit in emissionem spiritus, caput benedictum inclinando, declarauit, quo iret, corpore scilicet ad sepulchrum, animam ad inferos sub terram in limbum ad liberandos Patres descendit. Si Sanctis congruit illud dictum sapientis: *Visi sunt oculi insipientium mors, illi autem sunt in pace.* *Sap. 3. v. 2.*
 Quanto magis Domino Saluatori nostro competit? Iudæi putabant esse mortuum, de obſignatione sepulchri cogitabant, Redemptor vero, tum exordium, & primum passionis fructum exercuit educendo e carcere animas, quæ erant à tot millibus annorum detentæ, verè fuit in pace, quia per illum

facta pax, inter cœlum & terram, inter Creatorem & creaturas, inter iustitiam & misericordiam, quæ se mutuo osculatæ sunt, pacem secum tulit in limbum, bello finito cum Dracone Infernali, cuius possessa abstulit spolia.

Anima mea, gratias age pro te Crucifixo Domino, quòd Doctor humilitatis vltimum actum in exemplum nostrum olicuerit, valedicendo mundo in separatione benedictæ animæ, à sacrosancto corpore, supplex adora & **et exora** inclinando ad terram caput tuum, vt quando tibi eadem separatio instabit, cum omni debita reuerentia & humilitate tradas, à quo accepisti Spiritum, nec cesses petere, vt sicut è limbo Saluator eduxit animas Patrum, acouans secum ad cœlum deduxit, ita & te merito crudelissimæ passionis suæ, si te peccata ad Purgatorium iustè condemnabunt, liberet à pœnis, & in gaudiis æterna recipiat.

95 * 96

ACTA CHRISTI
 post Passionem.
 LIBERTERTIVS.
 CAPVT I.

De quinque rebus factis statim
 post expirationem Christi in
 Cruce.



Atientissime IESV. Reliqui-
 sti mundum & vitam in Cru-
 ce, sed signa horrenda secu-
 ta sunt tuum obitum, quæ
 S. Matthæus Euangelista describit,
 quinque numero: *Et ecce Velum Tem-
 pli scissum est in duas partes, à summo
 &sq; deorsum. Et terra mota est; Et pe-
 tra scissa sunt: Et monumenta aperta
 sunt, & multa corpora Sanctorum, qui
 dormierunt surrexerunt, horrore im-
 pleta sunt omnia? & rectè: nam si ho-
 mines & præcipuè tui inimici, tunc
 exultabant te, terrerentur statim illis
 prodigijs, & illorum crassam ignoran-
 tiam redarguerent, gesta inaudita,
 Consideranda breuiter hæc omnia.*

Matt. 27
 v. 51.

Cur ve-
 lum tem-
 pli scis-
 sum?

Et primò de veli scissione, in veteri
 testa-

testamento: hætenus veluti homines erant, in desertoq; dùm essent in nubibus tantùm, Dominum audiebant loquentem, sacrificia in sanguine animalium perficiebantur, apud solos Iudæos vera religio fuit, alijs gentibus velamen erroris, fidem obumbrabat. Qui decedebât à vita hac, etiã si purgati per pœnitentiam, non rectâ viâ ferebantur in cœlum, velum erat carcer Limbi, quo inclusi ad Aduentum Messiaë detinebantur: Nunc per mortem Christi, velum hoc meritò disruptum est: iam enim os ad os locutus est in Carne Dominus, & post resurrectionem affatus est discipulos, & alios, & multis Sanctis adest præsens sine timore, potius cum summo amore; sacrificium peragitur in Ecclesia vniuersa, non in vitulorum sanguine, verùm Agni Immaculati, memoria passionis renouatur quotidie in toto terrarum orbe: Non solum Iudæis, at omnibus gentibus & nationibus patet aditus ad cœlum: Limbus nunc vacat. Purgatorium solum non deterfos per Sacramentum pœnitentiæ, retinet: Tu anima scinde velum, quod est inter te & Deum, hoc non est aliud nisi peccatum: vel potius obsecra Deum, vt ipse per Passionem

onem & Crucem scindat velum delic-
torum tuorum, & te admittat ad visio-
nem beatificam.

Secundum signum, quòd terra mo-
ta fuerit, præ timore id factum, cum
Deum in sepulturæ officio debuerat
habere, agnouit magis indignitatem su-
am, quàm mortales, si enim Iacob Pa-
ter, & fratres coram Iosepho se humi-
liârunt, & cum timore maximo ad eum
accesserunt, quid non factura erat ter-
ra? (quæ quidem erat Parens respectu
carnis assumptæ à Christo,) vidit, & ag-
nouit cum Latrone bono esse Deum, &
Creatorem, & Dominum totius mundi
& coeli; ideò præ horrore contremu-
it; Tu anima si es terrena, moue te &
contremisce, sciendo Christum esse ve-
rum ab æterno Deum. Et in venerabi-
li Sacramento esse præsentem. Quan-
do ergo in te tanquàm in sepulturam
suscipis, commoue te ipsam, per la-
chrymas & poenitentiam, rogando, vt
te ad se trahat: quatenùs in Resurrec-
tionis gloria ipsi socieris.

Tertium signum. Quod Petræ scis-
sæ sunt, ita fieri debuit, cum petra su-
prema non tantùm scissa, sed & dilani-
ata fuit, nonné Christus petra? nonné
Petrus etiam à Christo petra vocatus?

Noua

*Quare
terra cõ-
mota est?*

*Quocirca
petra
scissa?*

Noua Ecclesiâ ædificari cæpit per sanguinem Domini, lapis fundamentalis ille, postea Petrus, vtrâq; Petra hæc scissa. Christus per mortem, Petrus per abnegationem: meritò itaq; aliæ Petræ scissæ sunt inanimatæ, ob condonantiam criminis Petri, & ob reuerentiam decessus Domini. Verùm ex hoc fundamento tanta firmitas petræ huius postea secuta, & nunc durat & durabit, vt nunquàm amplius scindi possit, nec vnquàm portæ inferi præualebunt aduersus hanc petram, vel, quòd duriora corda fuerant Iudæorum ipsis petris. Mos erat in luctu apud illos, scindere vestimenta, contrarium iusserat Propheta in Persona Domini: *Conuertimini ad me in toto corde vestro, & ieiunio, & fletu, & planctu, & scindite corda vestra, & non vestimenta vestra.* Ideò quia Annas vestimenta scidit, & non cor, condemnando Dominum, debuerant scissuræ apparere in petris, tanquàm magistris cordium infidelium Iudæorum. Tu anima supplex ora Saluatorem, vt petram, id est cor tuum, frangat ad poenitentiam, detq; cor molle ad custodienda mandata sua.

Ioel. 2.
v. 12.

Quam ob
causam

Quartum signum. Quòd monumenta

menta aperta sunt, non mirum; indignum erat occlusa stare monumenta, cum Rex Regum in nouo monumento poni debuit. Monumenta non aperta, fordes & malum odorem retinent, ex apertis exhalat pestiferus vapor: Mors tua Christe, vt ante quadriduanum factentemq; suscitauit Lazarum, ita iam sepius excitat multos, aperit sepulchra delictorum, ac per poenitentiam dissipatur malus odor scelerum.

*monumenta
cum a-
perum.*

Anima id enitaris, & si peccatum tanquam in sepulchro cordis residet, per confessionem aperias, succedet suavis odor indulgentiæ à Deo.

Quintum signum, quod surrexerint corpora multa quæ dormierant, antecederant Christum resurgentem, tanquam famuli Herum, prædicarunt Maiestatem & potentiam breui resurture. Dicam ad te Anima, surge, quæ dormis, ac ita resurge à delicto, vt resurgas cum Redemptore triumphans.

*Corpora
multa ante
quid surrexerunt.*

C A P V T II.

Apertio à Longino lateris Christi.

Patientissime I E S V. Non satis fuit furori Iudaico, vsq; ad agonem insul-

sul-

sultare, & dileuare tum verbis, tum
plagis sacratissima membra tua: nisi e-
tiam post mortem, nunquam lecto ca-
su, scuiret in venerabile corpus tuum;
Ita enim Euangelista reliquit nobis:

*Ioan. 19. Venerunt ergo milites, & primi qui-
d. 32. dem fregerunt crura, & alterius, qui
crucifixus est cum eo: ad Iesum autem
cum venissent, & viderent eum iam
mortuum, non fregerunt eius crura, sed
vnius militum lancea latus eius aperuit,
& continuo exiit sanguis & aqua.*

Cur La-
tronibus
crura fra-
cta, &
Christo
latus per-
foratum,
Non permisit Deus, vt sibi crura fran-
gerentur, nam Ecclesia eius infracta
debit permanere ad consummationē
sæculi, latrones duo, omnes sectas re-
præsentârunt, idcirco fracti sunt, &
opiniones erroneæ frangentur, doctri-
na autem Christi non collidetur; Fun-
dationis Ecclesiæ similitudo, fortè sum-
pta est à formatione Euæ in Paradyso,
ibi dormiente Adamo. Exemit Deus
costam, ex qua producta est illa. Hic
quiescente Christo in cruce, vt de se in
Psalmo loquitur: *Ego dormiui, & so-
poratus sum, apertum est latus, ex qua
apertione prodijt Ecclesia, simulq; sa-
crificium, vel potius norma sacrificij,
cùm iam per totum mundum in vno
loco sanguinis, & in aqua conficiatur,*

verùm m

verum Corpus & Sanguis Christi, & hoc, quod iussit in vltima cæna, vt in memoriam celebraretur, aperto latere modus consecrationis, & oblationis pretiosi Corporis, & Sanguinis omnibus declaratus.

Ausim te Domine interrogare, vnde post mortem adhuc Sanguinis residuū, vnde & aqua? A morte tua plurima miracula simul concurrerunt, verissimè seruasti in nuptijs, cum sponsa tua Ecclesia bonum vinum ad vltimū, simul & aquam, vtrumque ad sacrificium necessarium: illud ad tractandos hospites, vinum scilicet in quo non est luxuria, hæc ad delenda per poenitentiam peccata. Longinus audax miles, expertus statim virtutem, sanatus est interno, & externo oculo, postquam aperuerat latus tuum: propterea addit S. Ioannes: *Et qui vidit, testimonium perhibuit, & verum est testimonium eius.* Quale illud antea dixerat: *Verè hic homo, Filius Dei erat.*

*Vinum,
& aqua
ex latere
Christi ad
quid pro-
fluxit.*

Ioan. 19.

v. 35.

Marc. 15.

v. 39.

Restat adhuc considerandum, quòd Dominus noster non fuerit solum via, veritas, & vita, iam factus est etiam meta. Curritur tanquam ad brauium, pectus eius lancea aperitur, veluti ad annulum, instituitur cursus, Apertissimus est ter-

est terminus omnium nostrum Saluator, ad quem actiones nostras dirigere debemus, latus eius est terminus, ad quem collimare nobis est necessarium, inde tot Sancti viri optarunt, ut in latere Redemptoris cubiculum requiei extruere sibi possent: immo & intrarunt, vnus ex illis: Longinus aperuit mihi latus Christi lancea, & ego intraui, & ibi requiesco securus: Alter portam appellat auream portam lateris: Primum quidem ad ignominiam ab infano milite referatam, at ad gloriam postea Christo resurgente conseruatam, & simul nostram, dum cum Apostolo in ipso gloriamur. O porta semper aperta? Et à Longino licet non bonâ intentione, non malè reclusa, successit enim cum visum vnus oculi miraculosè receperit: nam traditione habemus, sanguinis guttulam terigisse oculum eius, ac cœcitatē depulisse.

*Guttula
sanguinis
Christi.*

*Longino
oculos aperuit,
dum latus eius
lancea aperiret.*

Tu anima, duos debes habere oculos, fidem bonam, & opera bona, si cœcutis in operibus, appropinqua lateri Domini, meditatione compassionis aperi, certo certius gutta aliqua è pretioso sanguine, aperiet tibi oculum internum, ad bona opera exercenda. Si enim non cogitanti Longino, tanta colla-

collata gratia, vt & oculo sanatus, & lumine interno repletus, optimo fine, & martyrio vitam concluderet, quid non sperare tu poteris, si te immerges contemplatione in latus Domini pro te aperti: nam tuus Iesus (vt cum S. Bernard. loquar.) Post cætera beneficia pietatis, etiam dextrum sibi propter te passus est latus perfodi, quodd videlicet non nisi de dextera tibi propinare vellet, non nisi dextram locum parare refugij, vtinam merearis esse columba, quæ in foramine petrae habites, & in foramine lateris dextri, noluit Dominus excipere vulnus, nisi soporatus, vt te anima moneret, in huius lateris vigilare custodia, quam diu viuis. Nam ea anima mortua est, quæ perniciofa insensibilitate dissimulat in dextera sibi vulnus infligi. Quod à te auertat clemens Saluator, qui ideò aperuit latus, vt tibi aperiret viam, angusta illa erat in cruce, sed dilatata est, & trita, per quam patet omnibus accessus ad illam latam, cœlestem, quæ semel ingressos nunquam emittit.

✠

CAPUT III.

*Petitio Ioseph ad Pilatum, pro
deponendo corpore Christi
de cruce.*

Patientissime IESU. Omnibus reuerſis è tam tristi spectaculo ad Civitatem, alijs de morte tua triumphantibus, alijs pectora percutientibus, soli amici relictæ circumstantes, implorando diuinam opem, vt saltem corpori tuo sacro exangui auxiliari possent, præcipuè Mater tua dilectissima libenter expectabat, vt cum viuo frui non valeret, in mortuum, maternum effunderet imbrem lachrymarum. Suscitauit itaque Deus Pater Spiritum Ioseph, hic miserus salutis auctorem pendere desolatam, licet fuerit occultus eius discipulus propter metum Iudeorum, vt S. Marcus ponit: *Audacter introiit ad Pilatum, & petijt corpus Iesu.* Vnde tanta audacia Ioseph? Antea latebras quærebat, nunc palàm fateetur se esse Discipulum, corpus deponere de cruce Domini, & Magistri sui nititur; opus Dei mirabile? Examinandum est, vnde ista audacia Iosepho, quâ fretus rogauit Pilatum pro
recu-

recuperando corpore? Deinde quid causæ, cur tam facilè Pilatus concesserit? Tandem quid est, quòd non nisi superioris permissione, ablatum corpus.

Audacia Ioseph potest quidem referri ad hoc, quòd cum diues fuerit, si Pilatus pretium proposuisset, libenter exoluisset, magis tamen id amor erga Magistrum effecit: cuius causâ passio, quæ antea timidum, nunc audacem, & liberalem Iosephum reddidit. Vnde oblatâ occasione celare amplius non valuit animus, affectum erga Dominum: puto etiam resolutum fuisse ad mortem, si Pilatus denegâisset. Hinc animæ tuæ doctrina, omnia audenda pro Christo, etiam impossibilia: impossibile enim est, vt Deus non secundet exitum, si pro eius honore & gloria etiam grauissimum suscipiatur onus, Deus hic verumque fecit, vt & Ioseph peteret audacter, & Pilatus statim concederet. Quæ concessio facilis duabus ex causis facta: tum propter Parasæue Iudæorum, ne insepultum iaceret, tum quia desuper datum fuit Pilato, vt qui Christum condemnârat, eius sepulturæ, non difficilè assentiretur. O Pilate miserrime mortalium,

Quid Iosephum mouit ad petendum corpus Christi, & Pilatum ad faciendū.

nesciebas quantum thesaurum tam facile donasti? Omnino necessarium fuit, ut sacrosanctum depositum terræ velociter mandaretur, & sepulchro includeretur, ex quo gloriose vi, & potentia suâ, tertia die resurgere decreuerat.

*Quare
Pilatus
mirabatur
Christum
obisse.*

Occurrit & hæc quæstio. Cur mirabatur Pilatus, quod iam obiisset Dominus? Vel admirando Domini patientiam, qui est flagris millenis cæsus, & acutis spinis cerebrum peragentibus, ex quarum singulis doloribus, alij animam exhalassent, id sano corde pertulit, diuinum quid in eo suspicabatur, & fortassè immortalem cogitabat, videns quoque signa terribilia, ultra hominis simplicis mortem fieri intellexit, idè mirabatur mortem celeriter secutam: vel alijs distentis curis, hoc tempus, quo acerbissimò dolore, occupatus fuerat Saluator, ita breue illi visum, ut ad celebrioris mortis nuntium incredulum se fateretur.

*Corpus
Christi
sine
permissi-
one Pila-
ri de cru-
ce non est
depositu-
m.*

Quod autem nec corpus proprium è cruce Christus deponi sine permissione præsidis voluit, ob excessum obedientiæ factum vltèrius, quam S. Paulus existimauit, diceas: *Factus obediens usque ad mortem.* Etiam post mortem,

tem, etiam in corpore tollendo è cruce noluit desse obedientiam, non nisi ex concessu superioris Pilati. O ter felicem te Ioseph, qui tantam gemmam ex ligno, in quo salus nostra peracta est, sustulisti: Petitio tua nulli comparanda: Petijt Bersabee, vt regnaret Salomon filius, & adorauit Regem David. Quid est respectu pretiosi Corporis Christi, quod simplici oratione Ioseph obtinuit? Si reliquias Sanctorum summo studio conquirimus, & summo honore veneramur, & benè id facimus, quanto pretio Reliquiarum nobilissimarum margaritam æstimabimus, & fortunam Ioseph admirabimur, cui tam faciliè contigit obtinere tantum thesaurum.

Sanctam inuidiam excita in te anima, & quandoquidem tali beneficio indignam, imparemque te iudicas, & quidem merito: ad minimum cum Ioseph compares sindonem, quo inuoluas Corpus Iesu. Cupit Dominus in corde tuo deponi, eme ergo sudarium, purâ, & immaculatâ cogitatione, laua cro munditiæ per veram poenitentiam, & realem delictorum confessionem. Nec Pilatum, nec vllum alium oportet rogare, vt extradatur tibi cor-

pus Christi, & quidem non mortuum, sed viuum, immò ipse te inuitat. Habes illū in Altari. Propera ergo ad deponendū non de cruce, verūm de manu Sacerdotis, & tuo pectori immittendo illi te toto corde coniunge, vt cum illo in beata coniungaris æternitate.

C A P V T IV.

Depositio Christi de cruce, & infra Matris anxia expectatio.

Patientissime IESV. Quanto cum desiderio Ioseph venit, immò cucurrit ad deponendum te è cruce funestissima, quis id, nisi tum præsens explicare posset? Amor, qui omnia potest, exponet animæ quærenti, si enim audacter petijt, vt Corporis Christi deponendi potestatem Præses ei daret, certè velociter peruenit, partim vt amori, & gratitudini erga sanctum Magistrum debitæ satisfaceret, partim timendo, ne Pilatus mutaret sententiam: accelerandum itaque ratus, instrumenta necessaria conquisiuit, vt dolorosum Corpus è crucis ignominia quàm primūm auferret; Triplicia instrumenta adhibita; Scalæ ad ascendendum

Qua instrumenta ad depon-

dum & descendendum de cruce: *Lin-* *nendum*
teamina, quibus dissoluta membra *Christi*
 tenerentur, ne onere corporis, & præ- *corpus*
 cipuè illius coronæ spinæ indecenter *adhibita.*
 in terram deciderent, & pondere suo
 è manibus deponentium elaberentur:
 Mallei, qui è clauibus affixis, pedes &
 manus liberarent, vt vacui à detentio-
 ne crucis absoluerentur. O benedicta
 hæc instrumenta, quæ sanctissimum
 Corpus tangere meruerunt? Magis
 felices manus, quibus concessum fuit
 id versare, & detergere, & sacro Sanguine
 profundi in seruitio pientissimo.

Finge te anima stare à longè, & in-
 tueri illorum officium, sedulamque in
 deponendo operam. Existimo piè in-
 uidisse Angelos hoc obsequium homi-
 nibus. Cùm enim ad ministerium sint
 deputati, nonné pro summa felicitate
 reputâssent, si eis inseruire corpori sui
 Domini licuisset? At fortuna hominû
 maior, nam cùm naturam humanam
 Deus assumpsisset, voluit etiam, vt ho-
 minum humeris cæremonia tam fune-
 sta, cum amore, & merito coniuncta,
 absolueretur. Vidisses anima, velut
 Angelos, homines illos ascendentes,
 & descendentes, discurrentes vt corpus
 citiùs à cruce separaretur. *Scala illa* *Gen. 29.*

Iacob, inferior fuit felicitate his scalis : Ibi soli Angeli ascendebant , & descendebant, hinc homines Angelis permixti, eisdem gradus sursùm, & deorsùm repetebant. Supponebant linteamina membris, è clavis solutis malleos ipsos osculabantur , & interim musica mœsta resonabat plena luctu , & rugitu , cùm & præterita supplicia Christi ante oculos versarentur eorum , & in ipsis membris atrocita vulnera considerarent propè , & palparent. Mater Maria, quandoquidem sibi viuum filium Iudæi abstulerant , & in ligno suspenderant , ad minimum iam solatium (si tamen non maiorem mæsticiam appellare quis mallet) expectabat , vt mortuo oscula dolorosa figere posset , & melius plagas cordi infigere , ac se totam in planctum effundere. Deposito ergò Domino de cruce , instrumenta hæc vbi sunt : vix clavi ostenduntur.

Tu anima , mysticè & spiritualiter interpretare : si enim dixit Dominus

Luca 10. Discipulis : *Beati oculi qui vident, quæ*
v. 23. *vos videtis :* & tamen concludit in alio

Ioan. 20. loco : *Quinimò beati qui non viderunt,*
v. 19. *& crediderunt.* In excelsò beatitudinis gradu fore illos , qui cùm non vidissent, contemplationis oculis , ad exci-

tandam

tandam intrinsecam Christi pietatis
compassionem ob oculos, quasi rem
viam proponunt, & se præsentem tum
fuisse desiderio imaginantur, atque ad
spiritualem sensum cogitatione deri-
uare nituntur. Tu idem quantum fra-
gilitas permittit, facito anima, instru-
menta hæc, quibus deponere cuperes
corpus Domini, compara: habeto sca-
las, per quas alto contemplationis a-
scendas amore, & descendas timore, ad-
mirando vulnera, quæ pro te in corpo-
re à Salvatore sunt suscepta: Lintea-
mina, quibus sustentens membra, & de-
tergas sanguinem, sunt opera fructum
afferentia, & inopes subleuantia: vt la-
bore, & sudore parta, atque à Deo do-
nata, cum egenis diuidas, eorumque
paupertatem subleues: Malleus non
desit, qui extrahat clauos è pedibus, &
manibus Christi, hic est dura poeniten-
tia, & castigatio corporis, verè durus
malleus, at Deo gratus, qui non tam è
corpore illius, quàm tuo, anima ex-
trahit clauos, quibus à diabolo eras
affixa: Tales mallei sunt cruci adhæ-
rentes mali latronis, euelle, & libera-
te à seruitute, & detentione tam atro-
ci, vel potius ora Salvatorem, vt sicut
ille depositus fuit de cruce, cum sum-

mo planctu inferuentium, ita cum tua depositio, aut separatio à corpore superueniet è diametro, fiat cum iubilo tibi Angelorum assistentium, dæmonum verò fuga, & confusione. Nam *Joan. 17.* dixerat Dominus ad Apostolos: *v. 20.* *Tristitia vestra vertetur in gaudium:* vnde & depositio Christi conuersa est in gloriam, ita non aliter, si tu anima depositionem Christi mærore sæpius ante oculos propones, efficiet hoc morte suâ & passione Redemptor, vt corpus tuū separatum à te, requiescat in manibus Saluatoris: quod Sanguis eius effusus tibi impetrare à Patre coelesti dignetur.

C A P V T V.

Consideratio doloris Mariae tenentis Christum brachijs ante sepulturam.

Patientissime I E S V. Si quanto dolore in sanctissimas manus suas Mater tua dulcissima corpus excepit, posset anima mea cogitatione attingere, singulare donum ei concederetur, verum impossibile est id assequi. Cum enim amorem sequatur dolor, & ei se accommodet, mensuraque sit doloris amor,

amor, illoque maiori, vel minori au-
geatur, aut diminuatur, verissimum,
quoniam Mater tua Maria incompara-
bili amore te profecuta est, etiam abs-
que comparatione dolorem ex crudeli
tua morte passa est. Dei amor omnes
alios superare debet in pia, & Christia-
na anima. Maria gratiâ plena erat, ex-
cellebat in amore erga Deum, & hoc
non de terra, sed de cælo per Angelum
factum est. Mater quælibet filium v-
nigenitum, & omnibus virtutibus ple-
num valde diligit, quomodo non dile-
xit Maria tantum Filium primogeni-
tum, omnium eximiarum virtutum
copiâ ad eò plenum, vt ex eius sinu in
omnes guttatim homines per riuulos
quosdam gratiæ deriuentur, *ex plenitu-* Ioan. 2.
dine enim eius cuncti accepimus, hæc di- v. 1.
lectiones excelluerunt in Maria. Iam
dolores è contra consideranti, vt Deū,
& vt filium simul à Discipulo tradi,
vinciri, verberari, conuictijs affigi, &
omnia in summa patientia pati, quodq;
supremum est, videre hæc, & intueri
Matrem, ac oculis adesse præsentem,
ad qualem excessum dolor eleuatus:
post Dominum, illa verba Mater dolo-
rosa vsurpare potuit: *O vos, qui tran-* Thren. 1.
sitis per viam, attendite, & Videte, si v. 12.
est do-

est dolor similis, sicut dolor meus. Similem Matrem nunquam vidit terra, nec similem filium nec similem amorem, nec similem ergò dolorem.

Cui tamen dolori assimilari potest tuus sancta Virgo, & Mater, dolor? Fortè attigit propheta Hieremias dicendo in persona Matris ad filium:

Thren. 2. Vide quoniam tribulor, conturbatus est

9. 10. Venter meus, subuersum est cor meum in

Duca 11, memetipsa, quoniam amaritudine plena

9. 27. sum, foris interfecit gladius, & domi

mors similis est; Magna amaritudo?

Antea clamabat quædam ex turba: *Be-*

atus Venter, qui te portauit, & nunc

conturbatus est præ mærore, quia il-

lum amisit, quem portauit, cor sub-

uersum est ex nimio amore, muratum

in crudelem dolorem, gladius prædi-

ctus à Simeone fortasè interfecisset

Matrem, nisi singularis gracia conser-

uasset: propterea dictum fuit: Per-

transibit, quasi voluisset proferre, per-

transibit non semel, dolore cruciabit,

angustiâ, & quod peius, non tollet vi-

tam, & idè addit: Domi mors similis,

interior videlicet anxietas, morti simi-

lis, & eo ipso grauius accidit, quòd si-

ne morte vera, vt cum S. Bernardo mi-

rari oporteat: Plus Mariam compati-

entem.

entem, quàm Maria filium patientem.
 Hic corpore mors potuit, illa commori
 corde non potuit: Idem Propheta in
 persona Matris, eiusque doloris subin-
 fert: *Cui comparabo te, vel cui assims.* Thron. 2.
labo te filia Hierusalem (Mater enim *v. 13.*
 Dei sæpius eo nomine vocabatur) *cui*
exaquo, & comparabo te Virgo Filia
Sion, (& hoc Matri Dei congruum vo-
cabulum) Magna est velut mare contri-
tio tua, quis meditabitur tibi?

Certè velut mare contritio ex ali-
 quot proprietatibus. Mare est supra
 terram, tuus Mater dolor, supra natu-
 ram terrenam, ideò insupportabilis:
 Mare nunquam quietum, & cor tuum
 abique requie in passione Filij ad om-
 nes ictus dilecti: Corpus tuum, & cor
 vulneratum est, post mortem autem
 Domini crudelis lancea, quæ ipsius a-
 peruit latus, non attingit eius animam,
 tuam utique pertransiuit, nam Filij a-
 nima non erat in corpore, verùm tua
 inde auelli non potuit. Tuam ergo
 yerè pertransiuit vis doloris, ut plùs,
 quàm Martyrem totus prædicet mun-
 dus, in qua nimirùm corporeæ Passio-
 nis excesserat compassionis affectus.
 Mare falsum semper, & tua dulcedo o-
 mnis Virgo, tum euauerat, nec Filius

Proprie-
tates ma-
ris dolori
Maria
seruiunt.

in Passione, nec tu vllâ consolatione impleta fuisti, & quod maius est, ipse filius abstulit à te leuamen solatij, cum tibi Ioannem pro se, seruum pro Domino, discipulum pro Magistro, Filiû Zebedæi pro Filio Dei, purum hominem, pro vero Deo traderet. O commutationem acerbam! Mare liquidum, & tua anima liquefacta est, & resoluta est in languorem, & pluuiam luminum, dum teneres mortuum Iesum considerando vulnera singula, præcipuè quinque illa, commiscebas tuas lachrymas cum eius sanguine. Puto Patrem coelestem, post illud sacrificium oblatum in cruce, quando sanguis & aqua aperto erupit latere, non aliud carius habuisse, quàm guttas Matris, cum cruore filij copulatas. Mare omnibus ventis expositum, & tu Mater omnibus calamitatibus inuoluta eras: noui enim cruciatus filij, nouo genere Martyrij te affligebant. In mare denique omnia flumina se exonerant, & inde exeunt, & Matris corde doloris fons primus erupit, & in omnes animas Christianas deuolutus est, & iterùm omnes dolores, quicunque ex Passione Domini oriuntur, iterùm ex compassione, & imitatione ad Matris
Dei

Dei dolores remeant, propterea flui-
orum aqua est dulcis, maris non item,
nam nostræ compassionem habent in se
quandam dulcedinem, Mariæ nihil tale
dolor admisit.

Anima mea, scias Mariam esse in hac
vita Matrem dolentium, in altera Ma-
trem gaudentium: pete ergò humili-
ter ab illa, vt sicut post tot ærumnas
consolatus est Filius Matrem, ita in a-
gone tuo vltimo, consolatores tui præ-
sentes possint tibi adesse, Christus vt
Pater, Maria vt Mater consolationis.

C A P V T V I.

Impositio lugubris Corporis Christi in monumentum.

Patientissime I E S V. Imminebat
tempus sepulturæ ante diem mag-
num Sabbathi, omnia erant parata, vt
Corpus terræ mandaretur, remoraba-
tur Mariæ consensus, quæ diuelli citi-
us à te etiam mortuo lugebat, certa-
bant dolor & amor, qui superior in
corde Matris tuæ fuerit, amor non per-
mittebat, tolli è manibus Filium de-
mortuum, dolor nimius persuadebat,
vel potius cogebat, vt tum vinci amor
se pateretur, & sic vis amoris facta. Ablatum

tum corpus & sepultum, cæremonia
 hæc describitur à quatuor Euangeli-
 stis, fuisse hortum, & in horto monu-
 mentum nouum ex petra, in quo non-
 dum quisquam positus fuerat; Et vlti-
 mò aduolutum est saxum ad ostium
 monumenti. Nihil frustra à Deo fac-
 tum circa Corporis sepulturam. Non
 immeritò, in horto & captus, & sepul-
 tus est Dominus, vt è captiuitate dia-
 bólica, quâ comprehensus fuerat Pa-
 rens omnium in horto voluptatis, eum
 educeret, & iram Patris æterni, ob ex-
 cessum Adami, misericordiâ & obliui-
 one sepeliret, subitò enim post pecca-
 tum primorum Parentum amiserant
 possessionem iucundam Paradisi, acces-
 sus ab Angelo ampliùs prohibitus fue-
 rat, & furore Diuino quasi sepultus lo-
 cus; Christus ergò ad similitudinem,
 regens virtutem Diuinitatis suæ, eo-
 dem modò quasi eludens, vel potiùs
 compensans, præuaricationem illorù,
 horti locum elegit, vt & caperetur, &
 sepulchro includeretur. Monumen-
 tum nouum verò rectè & propriè ap-
 pellatum, quia nouus homo in mundo
 apparuit. Quidni nouus, qui simul
 homo & Deus, nouum itaque debeba-
 tur ei sepulchrum, & ideò noua res
 suc-

Christus
 quare in
 horto se-
 pulchus.

Monumē-
 tum eius
 cur nouū.

successit, nam ex alijs sepulchris, non tam citò resurgunt corpora, & quod magis Propheta vocat, sepulchra hominum *domus eorum in aeternum.*

Deploranda erat miseria mortalium, cum è mundo ad sepulchrum properantes, sub intolerabili iugo Dæmonis mancipati gement, qui velut Princeps mundi huius absolutus, liberè in illo carcere subterraneo detinebat victos, & Tyrannide detentionis gloriabatur, morte tanquam instrumento usus, quo corpora omnium sublata, in cauerna terræ, sub eius custodia asseruarentur. Ecce nouum sepulchrum, ex quo tertiâ die Corpus Christi quod erat mortuum resurrexit, propriumq; & aliena sepulchra, vi aperuit Diuinâ, nec quidquam reclamantibus, & frementibus reprobis Angelis: Nouum omnino sepulchrū, antiqua enim sepulchra, vel ad limbū, vt in tenebris manerēt, vel ad infernū, vt perpetuò sinemorte cremarentur, miserabiles remittebant animas, hoc nouum sepulchrum ad cælum, & corpus, & animam Christi breui transmisit. Idem fecit sepulchrum Matris Dei, Patrum è limbo animæ Sanctorum, quæ iam requiescunt in gloria, & post consummationem sæculi

culi omnium electorum cum corporibus emittent ad æternam beatitudinem animas: Nouum sepulchrum, tanquam fundamentum, & arbor scientiæ boni & mali, in hoc altero horto plantata, ex cuius radice protensi sunt rami ascendentes vsq; ad cœlum, imò ornantes ipsum cœlum. Et ideò Saluator dixerat:

Ioan. 12.
v. 24.

Nisi granum frumenti cadens in terram mortuum fuerit, ipsum solum manet, si autem mortuum fuerit, multum fructum adfert.

Apoc. 7.
v. 9.

Cecidit in terram granum nobilissimum, & sub terram in monumentum multum attulit, & adfert fructum: *Quem dinumerare nemo poterat ex omnibus gentibus.* Ergò radix facundissima monu-

Isaia 11.
v. 10.

mentum Christi. Nouum sepulchrum, cui enim fuit dictum antea: *Et erit sepulchrum eius gloriosum;* verissimè itaque nouum. Additur de petra fuisse, si enim ipse Christus petra, ergò & sepulchrum petra, & Ecclesia supra petram fundata, è terra omnia ædificia fundamenta accipiunt, & quò durius fundamentum, eò fortior structura. E sepulchro initium factum nouæ applicationis meritorum Passionis Christi, cum enim in eo esset corpus, animæ Patrum è limbo extractæ, diabolus de-

bel-

bellatus, & alligatus, resurrectio multorum visa, Latio Paradisum ingressus. Sequitur neminem positum in sepulchro hoc antea. Sic decuit, ut solus Deus corpore suo illustraret monumentum. Et gloria eius per totum divulgaretur orbem.

Quid autem aduolutio saxi ad monumentum significat? ut videlicet maior potentia ostenderetur Dei, quam fugillare posset audacia Iudaica. Si tam magnus lapis non esset appositus, putassent forte facilem aperiri potuisse sepulchrum, vel ut omnia impedimenta, etiam incredibilia remouenda esse doceret Saluator, ad credendam certam fide resurrectionem.

Anima, inspicere internis oculis sepulchrum hoc admirandum, & pulsis oratione, ut te est miserabili sepulchro educat Christus, nunc vitiorum, postea poenarum, & concedat gloriam, quam preparauit electis, morte & sepultura sua.

C A P V T VII.

Seductor appellatus Christus post mortem.

Patientissime I E S U. Dum in sepulchro Corpus tuum fuerat ad tempus

Quare saxum ad ostium monumenti appositum.

pus occultatum, quid iam Iudæi ultra
facere poterant, cessaruntne tandem ab
iniuria? Non. In corpore exercere vl-
teriolem carnificinam non poterant.
Ergo honorem post mortem, sædâ bla-
sphemiam mordent, cum enim venissent

Matt. 27. ad Pilatum, dixerunt: *Domine, recor-*
v. 63. *dati sumus, quia seductor ille dixit, post*
Christus tres dies resurgam. Ecce insipientiam
cur sedu- illorum, expendendum est spirituali
ctor post interpretatione. Cur permiserit cœ-
mortem a lum, ut etiam post mortem Saluatori,
Iudæis seductoris nomen imponeretur? Fac-
vocatus, tum secundum aliquorum sententi-
am, in consolationem seruatorum suo-
rum, qui varijs nominibus, à veritate
alienis appellantur. Si quis libros Hæ-
reticorum inspiciat, leget quomodo
summum Pontificem, Episcopos, Sa-
cerdotes, Religiosos cognominent. At
suaue, & iucundum est comparari hac
in parte cum Redemptore, & eodem
nomine vocari.

Vel ut malitia Iudaica ostenderetur,
quæ nec obitu, nec sepulturâ Domi-
ni extingui poterat. Talis plane vin-
dictæ diabolicæ rabies cum incipit, nec
morte sedari patitur. Vel, ut ostenderet
Dominus, famam in hoc mundo eti-
am posthumam contemnendam, illam
æter-

æternam potius procurandam. Contrarium hîc in terris agitur. Quid enim non fit, vt honor & memoria post fata celebretur? Colligitur ex illo Psalmo: *Tabernacula eorum à progenie & progenie, Vocauerunt nomina sua in terris suis;* verùm sequitur ibidem: *Ne remiseris, cum Diues factus fueris homo, & cum multiplicata fuerit gloria domus eius, quoniam cum interierit, non sumet omnia, neq; descendet cum eo gloria eius.*

Vbi sunt tot Imperatores, & qui orbem debellârunt? Parum in Historijs spargitur, & hoc à quot mortalibus ignoratur? Contra, contemptores mundi extolluntur laudibus. Tota canit Ecclesia de Apostolis: *Ibant Apostoli gaudentes à conspectu Concilij, quoniam digni habiti sunt pro nomine Iesu contumeliam pati.* Ante oculos Sancti habebant hoc conuitium Saluatoris, quòd *Seductoris* nomine vocaretur, omnibus modis imitari voluerunt, & detractariè appellari, & malè tractari, & morte condemnari; Sicut enim impij gloriantur in rebus pessimis, & cum malè fecerint exultant; Ita Sancti cum innocenter, & indignis vocibus appellarentur, resq; asperas, & tormenta pa-

ta paterentur, triumphabant; Quid
interius Saluator operabatur, cum se-
ductor à Iudæis putaretur? E limbo
eduxerat Patres, qui clamabant: *Ad-
uenisti desiderabilis.* Sathanam in fugam
vertit, qui se victum deplorabat.

Vel quod oculi mundani, illos pro
pessimis reputant, quos cœlum opti-
mos, calculo absq; errore declarat:
quàm enim erroneum iudicium mun-
di, Dominum ac Deum existimare, fu-
isse seductorem? Ideò dixerat Salua-
tor? *Iam Princeps huius mundi iudi-
catus est;* Scilicet pro falso, pro im-
positore, pro detractore, pro bonorum
persecutore: Aliud ergo est iudicium
mundi, aliud cœli, quæ iudicia aded
diuersa sunt, vt album, & nigrum, bo-
num, & malum, cœlum, & infernus;
Christus in mundo existens, innocen-
tissimam vitam, tanquàm ipsa innocen-
tia duxit. Ægros sanauit, mortuos ad
vitam reuocauit, tot beneficia contu-
lit, insuper pro mundo mortuus est.
Audias anima de illo iudicium mundi,
& iudicium Dei. Illius, nunc, *Gorax,*
porator vini, nunc peccator, nunc in Bel-
zebub eiicit demonia, nunc ad extre-
imum seductor fuisse publicatur: Hu-
ius, Hic est Filius meus dilectus, Ego ho-
die

Ioan. 16.
v. 10.

*die genui te. Sic Deus dilexit mundum,
Et Filium suum unigenitum daret; fa-
cile est discernere veritatem-*

Vel ideò seductor vocatus, vt Iuda-
ica obstinatio omnimodè resisteret ve-
ritati, Dominus dixerat de se: *Ego sum* Ioan. 14.
Via, Veritas, & Vita, Iudæi responde- v. 6.
runt: Non es via, quia nos legem Moy-
si habemus, hæc est via nostra: Non
es vita, quia in cruce mortuus es; Non
es veritas, quia seduxisti commouendo
populum. Omnia prorsus falsa. Sed
quàm stupida ratio Iudæorum, seduc-
torem ideò appellârunt Dominum,
quia dixit: *Post tres dies resurgam.* Matt. 27.
Anticipant criminatione factum, expec- v. 62.
tetur tertia dies, & tum si non resur-
get, audebis Iudææ seductorem nomi-
nare, quid enim ad seductionem Re-
surrectio? Imò, quia cum multi non
credidissent Resurrectionem, seduxe-
runt animas suas. Contrarium ergo e-
xistimandum. Propterea non fuit se-
ductor, quia & resurrexit tertia die, &
triumphat Christus, de ingratitude
tua gens reprobata.

Anima non cures gloriam mundi,
etiã si tibi, & tuo nomini iniuria fiat,
gaude potius, si aliquid innocenter in
fama læsa pateris, humiliter orando
Domi-

Dominum, ne in agone verus seductor infernalis tentationibus suis te seducat, sed ille educat è carcere corporis, qui dum pro seductore haberetur, animas Patrum è limbo in Paradisum transtulit, & paulò post introduxit.

C A P V T V I I I .

Ad Sepulchrum Christi, militum adhibita custodia.

Patientissime IESU. Vltimum quod poterant adhuc tibi Iudæi inferre, pro custodia ad sepulchrum apponenda Pilatum rogant, ita ponit Euangelista: *Inbe custodiri sepulchrum, & 3^o diem tertium, ne forte veniant Discipuli eius, & furentur eum, & discant plebi: Surrexit à mortuis; Et erit notissimus error peior priore. At illis Pilatus: Habete custodiam, ut custodite sicut fecisti: Illi autem abeuntes munserunt sepulchrum, signantes lapidem cum custodibus.* Series proposita rei, paulisper admirandum factum, & circumstantia, maximè verò insania Iudæorum. Viderant signa multa, quæ Saluator viuens fecerat; non ignorabant verba illius haud fuisse vana, sed certa; audierant illum dicentem, se resurre-

turum

turum die tertia, quid ergò cum iam Dominum interfecissent, faciunt: instinctu inferni conspirant, vt Resurrectionem impedirent: timebant enim ne verba Christi effectu comprobarentur: & tamen credebant ex parte. Ergò custodia necessaria fuit, & signatio lapidis; Prætendebant quidem causam, quasi Discipuli eius furarentur, non illa erat: sciebant hos præ timore dissipatos, & dispersos fugisse, de vi fortè verèbantur, ne aliqua inferretur: itaq; potentia, obstaculum custodiae ponunt. Verè defecerunt in scrutationibus, & consilijs suis, non est fortitudo contra cœli Dominum.

Quare custodia adhibita ad sepulchrum.

Aliquot ergò causæ reperiri possunt, cur adhibita sit custodia militum ad sepulchrum Christi. Vel, vt nescientes etiam, assistentiam monumento Christi praberent, & venerationem quandam Maiestatis, custodiâ illâ declararent: Vel, vt ij qui de Passione lætabantur, in Resurrectione Domini confunderentur. Milites tormentis, & plagis Saluatorem affecerant, & Iudæi illorum instrumento cruci affixerant, illorum spolijs vestes Christi ceferunt, & ideo S. Ioannes dicit: *Et milites quidem hæc fecerunt, oportuit itaque*

M

que

que resurgendo Dominum illos pau-
 re, & horrore implere. Vel, ob diuul-
 gationem Resurrectionis Christi maio-
 rem per custodes appositos: licet enim
 datâ pecuniâ Iudæi corrumpere nite-
 bantur milites, quasi ipsis dormienti-
 bus corpus fuerit ablatum à Discipu-
 lis, cum nihil sit occultum, quod non
 reueletur toti mundo, cognita erat po-
 tentia Saluatoris, qui suâ vi reserauit
 sepulchrum, & viuis resurrexit. Vel,
 vt ostenderetur nullâ custodiam huius
 mundi, habere suam securitatem, nisi
 cooperante Deo. Hoc notauit Dauid,
 dum ait: *Nisi Dominus custodierit Ci-
 uitatem, frustra vigilat, qui custodit e-
 am. Vanum est vobis ante lucem surgere.*
 Certè surrexerunt custodes sepulchri
 in vanum ante lucem, fugerunt præ
 horrore, terræ motus, & lux splendi-
 da eos terruit, & in fugam vertit. Vel,
 vt ipsorum Iudæorum dictum appro-
 baret, id est: *Erst nouissimus error pe-
 jor priore.* Errauerunt, locuti sunt fal-
 sa, per falsos testes contra Dominum vl-
 timo errore decepti, nec dimittere è
 sepulchro corpus reconditum vole-
 bant, ipsâ re confusi, Resurrectio enim
 Christi falsitatem eorum vniuerso a-
 peruit mundo.

Psa. 126.

v. 1.

Quæ-

Quærendum adhuc, cur lapidem signârunt, & muniterunt sepulchrum? Cur se
 Debile signum Iudæorum cera, opti- pulchri
 mè dixerat Rex: *sicut fluit cera à facie munitu
 ignis, sic pereant peccatores à facie Dei.* & signa
 Ignis cœlestis hanc ceram liquefecit, & tum.
 munitionem sepulchri, tanquàm po- Psal. 67
 tens instrumentum disiecit, peccato- v. 3.
 res verò à facie Dei perierunt, in æter-
 nam gehennam detrûsi. Non reuere-
 tur cœlum sigilla terræ destruere, ac è
 contrario, terra non audet mouere,
 quod signatum est à coelo, imò stupet,
 & admiratur Stigmata S. Francisci, &
 S. Catharinæ Senen. mundus narrat, &
 credit, & veneratur: Iudæi signârunt
 Domini sepulchrum, quod tertiâ die
 euanuit, verùm ipsi non sunt signati à
 Deo, neque erunt inter illos signatos,
 quos S. Ioannes in Apocal. vidit, illis
 enim verbis, quibus clamârunt in Pas-
 sione: *Sanguis eius super nos, & super* Matt. 27.
filios nostros: deleta fuit signatura, & v. 25.
 tantùm centum quadraginta millia, ex
 gente Hebræa tota, signati erunt cal-
 culo prædestinationis.

Anima detestare Iudæos, & eorum
 in Christum incredulitatem, & quia
 de sepulchro Domini tua meditatio,
 scias corpus tuum esse sepulchrum, in
 quo

quo viuendo delitescis, custodia tibi parata à Deo, sigillata & munita, cereo iubeo sanguinis eius, habes custodem Angelum ad latus destinatum, & sicut infernus etiam ad sepulchrum Christi dedit custodes milites, sic ille idem spiritus malos, vt tuam à peccatis impedirent resurrectionem: non timeas: potentior est Deus: Custodit omnia ossa Sanctorum, vnum ex his non conteretur sine permissione Diuina, signauit te Creator, vt Propheta profert?

Psal. 4. Signatum est super nos lumen vultus tui
v. 7. Domine, muniuit te Deus teste eodem:
Ps. 124. Qui confidunt in Domino, sicut mons
v. 1. Sion non commouebitur, montes in circuitu eius, & Dominus in circuitu populi sui. Quod monumentum stabilius, quàm ipse Deus? Roga ergo anima, vt te Deus custodiat, & munit, & in ergastulo corporis, & in eductione ex illo.

C A P V T IX.

*Reditus domum mesta Maria,
 in qua spes firma mansit de
 resurrectione Filij.*

Patientissime I E S V. Cùm omnia circa Passionem tuam expleta essent,

sent, & sepulchrum vallatum custodiã
Maria Mater tua, quæ hucusque anxio
corde lugebat te cor suum, incepit re-
dire domum cum S. Ioanne, quem in
filium (licet cum dolore talis mutatio
acciderat) à te vel potius loco tui re-
ceperat: Quanta mentis Mariæ tunc
afflictio! Si enim ante in vita verba di-
lecti Filij sui conseruabat, conferens
in corde suo, quid iam verbera non
conseruauit? nulla prorsus consola-
tio? Illa sola (si ita nominari poterit)
quod in corde eius altera sepultura
corporis Filij fuerat. Primò ergo in
bitu è monte Caluariæ, valedixerat
cruci Domina nostra, oculisque, ac
lachrymis conspersit, partim deplo-
rando tam acerbum instrumentũ Pas-
sionis Filij sui, partim gratias agendo,
quòd iam redemptio per illius sangui-
nem consummata erat, partim futura
prouidendo, in quanto honore hæc
cruce in toto mundo celebrari debebat,
quæ encomia tunc dabat cruci? sicut
Ecclesia canit: *Dulce lignum, dulces
clauos, dulcia ferens pondera. Quæ vox
illius? postea loca conspersa cruore
Domini circumibat.*

Et tu anima sequere ambulantem,
& dolentem Matrem. Quid existimas

arida: quando recens, & crudele factum circa Deum & Filium suum, & contemplatione recolebat, & oculis reliquias sanguinis, & loca conspersa eadem lustrabat desolata Mater? Vulnerus non sanatum, aut iterum apertum quanto dolore sentitur? Non sanatum vulnus fuerat in corde Mariæ, à gladio animam transfigente, iterum aperiatur acumen illius, dum in vestigijs passi Filij figit pedes. Verè fasciculum myrrhæ, inter vbera, toto illo tempore portabat omnes dolores nati, in Epitome, ac vnam massam contrahendo. Erat ipsa vera effigies, & prototypon, in quo tanquam in imagine expressa fuit idea viuua omnium plagarum Filij. Erat diluuium aquarum, quod non poterat minuere vlla consolatio; Erat ignis, quem non valebat extinguere mare mæroris: ardebat in illa continuus dolor, sicut rubus ardens, & incombustus: nec ipsa mors, licet potens, ardebat extinguere ardorem.

Itaque non discessit Mater è loco supplicij, donec omnia verba Domini in cruce prolata trutinasset, & suspirijs masticasset, irrisiones Iudæorum deplorasset, clauorum tunctiones, & apertiones quinque vulnerum, planctum
in me-

in memoriam reuocasset, terram in quam sanguis tanquam è quinque fontibus scaturiebat & defluebat, millies osculata. In descensu montis sapius vultum in montem, & sepulchrum Filij retorquebat, præ angustia in stuporem, & lamenta resoluta. Viam autem Filij ingressa, quâ è Ciuitate cum cruce ad crucem pergebat, velut altera Veronica, vultum sputis & plagis deformatum, in corde sibi depinxit. Casus in terram præ pondere ligni insculpsit animo: Columnam illam cruore recenti madefactam Domini, quibus oculis inspexit? Scalas, per quas ad Pilatum iudicandus ascendit, quâ fronte ad aspectum suum admisit? vbi Pilatus ostenso Christo, dixerat: *Ecce Homo*; quomodo auribus suis intendebat, intonando sibi quasi iterum præses protulisset hæc verba, & mærore animi interim deficiebat! Domum Caiaphæ præteriens, in qua nox illa funesta transacta, præ lachrymis oculos claudebat: In iam adhuc pendentem in patibulo aspiciendo, occulta Dei iudicia tacita admirabatur Petri negationem deplorabat, & fletum illius proprio adiuuabat, Annæ palatium visui se porrigens, alapam in illo crudeliter

Ioan. 19.
v. 5.

Domino inflictam, afflictæ imponebat
 memoriæ. Cænaculum occurrens in
 via, in quo institutio Sacramenti, ac
 testamenti obsignatio facta, ac vltimum
 vale Discipulis datum, cor illius lique-
 faciebat; Tandem intrauit propriam
 domum Mater, sine esu & potu plan-
 gendo, diem consumens, verè exclamabat
 cum gemitu: *Fuerunt mihi la-*
Psal. 41. chryma mea panes die ac nocte, dum di-
v. 5. citur mihi quotidie, & ubi est Deus tuus,
 immò & filius tuus? Verùm ipsa sibi
 respondit, spe solidâ resurrectionem
 expectando. Nunc quidem est in sepulchro
 & latet, die autem tertiâ resurget,
 & dominabitur vniuersæ terræ.
 In Maria sola, vt cum S. Bernardo lo-
 quamur triduo illo fides Ecclesiæ sta-
 bat. In Maria die magno Sabbathi Ec-
 clesiæ spes tanquam in columna ferrea
 & immobili innitebatur, & ideò hæc
 dies in gratitudinem illi ab Ecclesia de-
 dicata.

Tu anima vti meditatione comitata
 es Matrem Dei, & tuam in via doloro-
 sa, sic roga, vt per eius merita, & Passi-
 onem Filij, expectes spe certâ resurre-
 ctionem inter electos tuam, cum Ma-
 ria & Dauide repetens: *Quoniam tu*
Psal. 4. Domine singulariter in spe constituisti
v. 19. me? C A-

CAPVT X.

Mulierum ad Monumentum
lamentatio, & ad idem facien-
dum omnium Animarum
inuiratio.

Patientissime I E SV. Ad sepulchrum
relictæ Sanctæ mulieres, utique
deuotione, & lachrymis profecutæ sunt
tuam Passionem, etiam concluso in se-
pulchro, volebant fortè fletu emollire
lapidem, cupiebantq; vt ceram lique-
facere singultu, cogitantes, an illis mo-
numentum aperiri possit. Tria ab illis
facta, ab Euangelista describuntur.
Quòd viderint monumentum, & que-
madmodum positum fuerat corpus
Domini. Deindè reuertentes domum
parauerant vnguenta, & aromata, vt
vngerent illud. Tandem dùm redi-
rent ad sepulchrum, dicebant ad inui-
cem: *Quis reuoluet nobis lapidem ab of-*

Matt. 26,
v. 3.

Qualibus oculis intuebantur Sanc-
tæ illæ Matrônæ, corpus totum pur-
puratum, & dilaceratum, & ipsum eti-
am monumentum, cui congratula-
bantur, quod tantum thesaurum in se

contineret, benedicebant loco, tam
 sancto, hortum illum, hortum delicia-
 rum vocabant, ac interim spargebant
 vberimè lachrymarum flumina, re-
 præsentantes, & colloquentes de His-
 toria acerbissimæ Passionis eius. Si e-
 nim duorum ad Emaus peregrinanti-
 um, dùm loquerentur, quæ erant fac-
 ta diebus illis Hierosölymis, ardens e-
 rat cor, quomodo non ardebat mulie-
 rum, quæ de doloribus ex amore Chri-
 sti procedentibus, sermonem confere-
 bant. Ibi licet incredulitas, tamen ar-
 dere fecit cor Discipulorum; Hic
 maxima fides, (nam spectatores erant
 Tragediæ,) incendium excitauit amo-
 ris, quòd pro salute humana, Deus
 passus fuerit. Tota dies, & nox in la-
 mentationibus, & suspirijs vigilabat;
 alternata amoris, & doloris somnum
 excutiebat. Notârunt diligenter illæ
 beatæ mulieres; quomodo venerabile
 Corpus posuerant depositores, partim
 vt amori, in impositione sepulchri sa-
 tisfacerent, partim vt vnguentis, & a-
 romatibus allatis scirent, vbi illud quæ-
 rerent. Reuertuntur ergò mœstæ in
 domos suas, at non oriantur; vnguen-
 ta emunt, non parcunt sumptui, pa-
 rant, & aptant magnâ curâ aromata, vt
 illis

illis quàm odoriferis illinire possent
Corpus Domini.

Sed posset vos beatæ Fœminæ aliquis parùm prudentes existimare: vltimò enim de reuoluendo lapide cogitatis? Ad quid vnguenta: si lapis, & quod magis sigillatus, non permittet vobis introitum in Monumentum? Nec custodes tam humani erunt, vt vobis liberum ingressum concedant! Imò summa prudentia, & amor considerandus mulierum amantium ipsum amorem. Amor nihil de his rebus cogitabat, tantùm vt expleant pium desiderium, reliquum Deo commissum. Nam etiamsi euntes ad sepulchrum, tum primùm de reuoluendo lapide simul consultarent, pergebant tamen confidenter, ruminando verba Prophetæ: *In Deo meo transgrediar murum.* Nec fefellit illas spes. Inueniunt remotum lapidem, verùm non inuento Corpore, vnguenta, quæ pro vngendo parata erant, integrè remanserunt.

*Psal. 74.
v. 30.*

Et te mea anima, & omnes fideles, inuiant hæ piæ mulieres ad idem faciendum. Certè plorabis, si oculis internis inspicias monumentum, quomodo prò te Deus, & mortuus, & sepultus.

pultus est, illudq; Corpus plagis tumidum, ac pro te tantoperè deformatum videbis; Si vnguenta emas, variè vnguentum accipi potest, vel pro Eleemosina, si pauperem vnges, inopiam eius subleuando, vnctio enim est mentis exhilaratio, & exultatio. Pauperis ergò hïc læticia, sed tua in altera vitam gaudio remuneratio: vel pro vita exemplari; vngit etenim Christum, qui bonus odor eius est, in omni loco, Aërem replet optimo odore, id est, famã apud homines, quælibet anima, vitam ducendo immaculatam. Vel pro compassione, vel potiùs castigatione corporis. Nam sicut vnguentum diffusum, odorem maiorem in circumstantes emittit, eorumque sensus recreat, ita mortificatio affectuum, & ipsius corporis, ad cœlum vsq; ascendit, & sanctam illam Ciuitatem lætificat. Ideò vnguenta remanserant integra, ex quibus Mater Dei, & Apostoli, & omnes Sancti depromunt odorem, & ex passione Christi, tanquàm ex nobilissimo vnguento odor myrrhæus, dolor videlicet, & compassio in totum mundum, & cœlum defluit.

Hoc tu assiduè fac Anima, occupa te circa Passionis, & vulnerum Christi memo-

memoriam, ex gemitibus, & lachrymis
tuis, odor suauissimus enascetur, nec
cogites de lapide, & obstaculo piorum
desideriorum, iacta cogitatum tuum
in Dominum, remouebit ipse etiam à
te saxea impedimenta, facietq; si nunc
flebis, vt cum mulieribus videre pos-
sis visionem in agonia consolatoriam
Angelorum, & consortio illorum in æ-
ternum frui.

*C A P V T X I .
ET VLTIMVM.*

*Gratiarum actio pro Passione
Christo Domino.*

Patientissime I E S V. Quales gratia-
rum actiones reddet tibi omnis ani-
ma pro Passione tua? Estne possibile
vt inueniatur creatura, quæ dignè pos-
sit recolare memoriam acerbissima-
rum plagarum tuarum, tantò minùs
indignam exhibere gratitudinem? Si
vna gutta pretiosi Sanguinis tui totius
mundi maculas facillimè delere potu-
isset, quæ anima etiam si absque macu-
la esset, tam copiosè effusi pretium
extollere præsumeret? Ergone tacen-
dum? Non; si enim tu Domine lachry-
mas poenitentiae in satisfactionem re-
cipis,

cipis, quomodo laudes, & amorem
 qualem talem gratitudinis debite pro
 tua passione respues? Sumendum itaq;
 aliquid ex Dauide, & examinanda ver-
 ba, quæ tantæ inferuunt potissimum
 materia. *Quid retribuam Domino pro
 omnibus, quæ retribuit mihi? Calicem
 salutaris accipiam, & nomen Domini
 inuocabo. Vota mea Domino reddam co-
 ram omni populo eius.*

In ingressu Passionis tuæ in hortum,
 statim tibi calix à Deo Patre per An-
 gelum fuit præsentatus, terruit te qui-
 dem, & mæstum fecit, & vt homo, pe-
 titeras Patrem, vt à te transiret, tamen
 voluntati eius in omnibus parendo, &
 accepisti, & ebibisti. Hunc itaq; cali-
 cem, qui verè fuit salutaris nobis, om-
 nes mortales accipere debent. Et si
 ad eius similitudinem offertur calix a-
 maritudinis à Redemptore, non tan-
 tum salutandus, non tantum non reij-
 ciendus, sed etiam toto affectu acci-
 piendus, re ipsa, & cum gratiarum ac-
 tione, dicendo cum S. Iob: *Si bona à
 Domino suscepimus, mala autem quare
 non?* accipiendus dico, quoadusque
 ipse Deus exoneraverit hoc calice, non
 deponendus ante, potius exclaman-
 dum: *Hic ure, hic seca, & in æternum
 parcas.*

Iob. 2.

Iob. 10.

August.

parcas. Vel, *Bene omnia fecit* Saluator *August.*
 noster, qui calicem totum exhaustit, &
 nos quare tantillum non gustabimus?
 Summa gratiarum actio pro Christi
 Passione ostenditur. Si quis læto vul-
 tu partem calicis Domini ebiberit, &
 congratulabitur sibi de compassione,
 ideò additur à Propheta: *Nomen Do-* *Psal. 115.*
mini inuocabo. Exultare oportet in *v. 4.*
 tribulatione, & prædicare Diuinam
 bonitatem, & tunc verè calix Domini
 accipitur.

Non tantum accipiendus, sed etiam
 inspiciendus est calix Christi, in quo
 videbuntur alapa, spura, fustes, Colum-
 na cum diuersi generis carnificum
 instrumentis, Corona spinea, clauis,
 crux, lancea, vestes sanguine perfusæ,
 corpus totum, quasi vno grandi vul-
 nere affectum, præcipuè quinque plagæ
 rubro colore eminentes, & statim rati-
 ocinandum est, si Deus noster propter
 meam salutem, ex infinito amore tanta
 passus, quid nobis non faciendum, &
 propter nostram ipsam salutem, & pro-
 pter illum, qui pro nobis tam atro-
 cem sumpserat calicem? vt verò quin-
 que vulneribus cor respondeamus, of-
 feramus corpora nostra, ad manus
 dextræ vultus applicando, vt qui nos
 crea-

creauit suâ dexterâ ; recreet , ac creet
 in nobis cor mundum : fortunas no-
 stras , ac bona temporalia sinistræ ma-
 nu tradamus , pro gloria eius distri-
 buere omnia parati , vt in æternum si-
 nistram inferni merito passionis euada-
 mus. Vires corporis dextro pedi sub-
 dere libenter velimus , vt in via manda-
 torum Dei fortiter currentes brauium
 supernum apprehendere valeamus
 hæreditatis : Animæ dotes sinistro pe-
 di aduoluamus , vt imminetia mala
 sempiterna , prudentiâ euitemus , ad-
 mortitioneque exitij extremi tandem
 desinamus fugientem insequi , pereun-
 temque diligere mundum : ipsam de-
 nique totam animam nostam in aper-
 tum latus Christi immittamus , vt illa
 defixa tota in passione Domini , ac sua-
 uitate deliciarum spiritualium impin-
 guata , repellat à se motus carnales , in-
 terimentes vigorem virtutum , delica-
 tissimoque liquore è calice eius stillan-
 te recreata , omnes sæculi illecebras , ac
 voluptates contemnat , sepeliatque.

Ad te me conuerto anima mea , op-
 rando , vt calicem Domini in manu te-
 neas , præsertim cum tibi ille tam li-
 beraliter propinat , at secundum S. Ber-
 nardum : Tres sunt calices Saluatoris ,
 quos

quos tibi proponit, poenitentia, & doloris, qui est plenus mixto, patientia, & laboris, quem ipse bibit Iesus; benevolentia, & amoris, qui est inebrians, & præclarus. Primum calicem libenter accipe, & exerce te in illo. Pro secundo gratias age, & admirare in illo. Tertium exopta, & gloriare in illo, repetendo verba Psalmistæ: *Calix meus inebrians, quam præclarus est. Quare? Quia misericordia eius subsequetur me omnibus diebus Vita mea. Quis fructus? Ut inhabitem in domo Domini in longitudinem dierum.* Et hoc quando fiet, tunc tu, & omnis anima *Vota red-* Psal. 22.
v. 5.
Ibid. v.
6.
Psal. 115.
v. 5.
 det Domino coram omni populo eius, id est, coram coelo, & terra, tanquam spectaculum facta, Deo, Angelis, & hominibus. Iam verò in hac vita, coelo suspiria mitte, Angelis lachrymas offeras, hominibus exemplum compunctionis communices. Finiendo considerationem Passionis Christi, toto corpore terræ allisa, Anima mea, extolle, & infinitas omni momento age gratias, pro incomprehensa charitate Redemptoris, demissè obtestando, nè calix tibi in ultimo agone decertanti propinetur, ex quo bibunt in æternum peccatores terræ, verum calix salu-

salutis sempiternæ à Clementissimo
Domino offeratur, vt torrente volu-
ptatis possis in omni felici inebriari
æternitate, & cum Iubilo decantare :

*Dei. 3.
v. 57.*

*Benedicite omnia opera Domini Do-
mino, laudate, & super exaltate eum
in sacula. Cui honor & gloria
ab æterno, & in æter-
num, Amen.*



Biblioteka Jagiellońska



stdr0025025

